




1588











P

In A

PETRVS CIACCONIVS  
TOLETANVS

De Triclinio Romano

FVLVI VR SINI  
Appendix



R O M Æ

In Ædibus S. P. Q. R. M. D. L. XXXVIII

APVD GEORGIVM FERRARIVM

---

PERMISSV SVPERIORVM



LETTERS CLASSICAL

TO THE


DEAR

MY

TO THE

DEAR

TO THE




BEATISSIMO

P A T R I

SIXTO QVINTO

PONT. MAX.



FVLVIVS VRSINVS



ROMANAM antiquita-  
tem, atque adeò Græcam  
ipsam, à qua potissimùm  
fluxit Romana, multis sa-  
nè nominibus conferre ad intelli-  
gentiam cognitionemque complu-  
rium Sacræ scripturæ locorum, omnes  
ij norunt, qui in euoluendis antiqui-  
tatum monumentis, aliqua cum di-  
ligentia sunt versati: Sed omnium op-

a

2

timè



timè nosti Tu SIXTE QVINTE  
PONTIFEX MAXIME , qui ad ac-  
curatum illud tuum, & planè exquisi-  
tum illustrandæ veritatis studium,  
adiunxisti admirabilem quandam lit-  
terarum omniū non modò diuinarū,  
sed humanarū etiam notitiam, & scien-  
tiam prorsus singularem: Exemplū se-  
cutus nimirū sanctissimorum vete-  
rum Scriptorum, qui ad confutandos  
gentium ritus profanos, inducēdumq.  
cultū veræ religionis, nec ab ipsis qui-  
dem de Dis gentium libris aliquando  
abstinuerūt. Nā (vt omittamus in præ-  
sentia Græcos, Iustinum Martyrem,  
Clementem Alexādrinum, Eusebium  
Cæsariensem, aliosq. permultos, quo-  
rū praestantissima scripta, forensi qua-  
dam & planè sæculari eruditione ita  
multis locis sunt aspersa, vt vetera nō-  
nulla gentium instituta, non aliundè,  
quàm ex eorum libris petantur ab ijs,  
qui

TE  
ac-  
ifi-  
n,  
it-  
i,  
en  
le-  
ce-  
os  
q.  
i-  
do  
æ-  
n,  
m  
.  
-  
a  
-  
s,  
s,  
qui sunt rerum huiusmodi curiosi, ut  
hos inquam omittamus ) Tertullia-  
nus, Arnobius, & Lactantius, quàm  
multa ex antiquitate tum Græca, tum  
Romana descripserunt, ut impias il-  
las & exitiosas euellerent ex animis  
hominum opiniones, infererent eas,  
quæ cum pietate cultæ, fructum af-  
ferrent salutarem? Beatus item Hie-  
ronymus, & S. Augustinus, duo cla-  
rissima Christianæ doctrinæ lumina,  
conuertendis alter ex Hebræo Græ-  
coque Sacris scripturis, alter iisdem  
deditus exponendis, quàm fuerit vter-  
que à varia rerum non modò Græca-  
rum, sed etiam Latinarum eruditione  
adiutus, ex eorum scriptis, quæ in ma-  
nibus habentur, intelligi maximè po-  
test. Atque ut istius rei exemplum sal-  
tem vnum, quod ad huius libri perti-  
neat argumentum, proferamus, quo-  
tus quisque est, qui nisi Romani vete-

ris Triclinij inspecta positione, cognitaq. penitus in eo ratione discumbēdi, apto sensu accepturus sit ea, quæ de muliere peccatrice stante retrò secus pedes Domini discūbentis, memoriæ prodita sunt à sancto Luca? Quin & illud etiam institutum, quo eadē mulier discumbentis itē Domini pedes vnxit, ex Romana itidem pēdet antiquitate, in qua qui minus est versatus, minus etiam morem illum agnoscere poterit. Hoc probè intelligens Petrus Ciacconius homo Hispanus, quē tu, BEATIS-SIME PATER, ob excellens ingeniū, reconditamq. doctrinam, meritò dum viueret semper maximi fecisti, dederat se succisuis horis ad res Romanas ex omnibus veterum Scriptorum monumentis summo studio obseruandas, quarum aliàs tractatione & delectabatur vehementer, & ipsa scriptione afficiebatur vt Romanus.

Sed



Sed cum præclara multa inuestigandæ  
deditus antiquitati pro bono littera-  
rum inchoasset, accidit magno sanè  
studiosorum incommodo, vt ante diē  
præreptus, pauca quædam ex ijs, & qui-  
dem non satis perfecta absolutaq. re-  
liquerit. Ex quibus cum hic de Tricli-  
nio commentariolus, quem ipse aucto-  
re Antonio Carafa Cardinale de mo-  
do conuiuandi apud priscos Roma-  
nos, deq. conuiuiorū apud eos scripse-  
rat apparatu, à multis iam expeteretur;  
non est passus vir clarissimus pro eo  
quantum præstantes viros vel mor-  
tuos colit, quin hominem à se vnicè  
dum viueret dilectum, eundem etiam  
mortuum quibus maximè posset pie-  
tatis officijs prosequeretur. Itaque ser-  
uatum pænes se librum diligenter, &  
politissimi iudicij sui testimonio cō-  
probatum, quòd ad illustrandos quos-  
dam Sanctæ scripturæ locos, cuius

ipse studio præcipuè tenetur, visus sit  
pertinere, mihi, quem aliàs sciret erga  
viri laudes non mediocriter affectum,  
vt in publicum emitterem, tuoque  
sanctissimo nomini, cuius ille obser-  
uantissimus fuit, dedicarem, accuratè  
mandauit. In quo sanè mandato exe-  
quendo, dici non potest, quantam ego  
voluptatem ceperim, eam mihi occas-  
sionem datam esse, qua & excellentis  
viri memoriæ, quantum in me esset,  
confulerem; & voluntati Cardinalis  
amplissimi, qui vnus est studiorum ar-  
biter & moderator meorum, gererem  
morem. Nam id quod caput est, video  
mihi oblatum esse virgula quadā pro-  
pè diuina, vt lepidò in primis com-  
mendante libro, nactus sim tempus  
idoneum & locum opportunum, quo  
meam tibi deuotionem, egregia tua in  
me liberalitate honestatam, publicè  
testificarer. Nec enim subueritus sum,

ne



ne non tu, quæ tui est, in æstimandis ho-  
minum ingenijs, iudicij suauitas, vel  
pro argumenti dignitate esses eum li-  
brum probaturus. Me quidem certè  
sæpius cum voluptate repetita lectio  
ita prorsus illexit, vt eius dedicatione,  
vel gratiam me initurum à te sperem.  
Erit autem beneficentiæ tuæ, **SIX-  
TE QVINTE PONTIFEX MA-  
XIME**, qua doctos viros & foues &  
ornas, pati te pro tua iam omnibus  
perspecta humanitate, vt liber hic ho-  
minis tibi dum viueret deuotissimi,  
tuo beatissimo nomini inscriptus, eo-  
que potissimum titulo illustratus, pro-  
deat in manus hominum eruditorum:  
ad hoc enim vnum & præcipuum or-  
namentum, alius accedet, & quidem  
maximus laudum cumulus, si eius tu  
lectione delectatus, probaueris viri  
industriam, & egregios conatus. Nam  
te, quem omni planè scientiarum ge-

ne-

here, vnde præstantissimam hauisti  
doctrinam, non leuiter imbutum om-  
nes sciunt, te inquam seuerioribus illis  
excultum disciplinis, mansuetiora ta-  
men studia interdum non aspernari,  
deque ijs probè sciteque æstimare pos-  
se, nouimus qui tuo remotiore con-  
gressu, eoque multiplici eruditione  
condito, pro tua benignitate dignati  
aliquando sumus: vt meritò te non  
tam homines suspiciant, quòd Christi  
Vicarius honore & potestate cunctis  
Principibus antecellis, (hoc enim no-  
mine quis te non humiliter adoret?)  
quàm quòd tua excellens virtus & sa-  
pientia talem te tantumque fecerunt,  
vt rursus tu, quid virtus, vt ait ille, &  
quid sapientia posset, humanum genus  
non obscuris exemplis doceres. Itaque  
Rep. populi Christiani sanctissimis le-  
gibus per te constituta, earum virtu-  
tum studia te Põtifce coli coepta sunt,  
qui-


quibus longo tempore intermissis, ve-  
lut sidus quoddam propitium affulsi-  
sti. Magna quippe sunt, quæ tu, B E A-  
T I S S I M E P A T E R, pro bono pu-  
blico, & quidem non vſitato exem-  
plo inchoasti; maiora tamen, quæ ani-  
mo menteque designas. Non enim co-  
gitationes tuæ, vt ceterorum homi-  
num in mediocritate versantur, sed ta-  
les planè sunt, quales decent Princi-  
pem eum, cui cum summa potestate  
optimam Deus dedit voluntatem be-  
nè de humano genere promerendi. A  
quibus sanè cogitationibus, atque a-  
deò ab ijs curis, quas tu pro tuenda  
amplificandaque Ecclesiæ dignitate  
assiduè subis, relaxare animum pro  
humana condicione si quando voles,  
delectabit te liber hic, iucunda nisi  
fallor vicissitudine, vel hoc etiam no-  
mine, quòd hominis tibi olim addi-  
ctissimi, veteris clientis tui, memo-  
riam

riam perpetuis in eo mandatam mo-  
numentis, magna tu cum voluptate  
agnosces.

ap  
m  
te  
m  
fin  
sun  
hab  
m  
tim  
rita  
que



# LECTORI



*Criptorum nomi  
na & loci, qui à  
Petro Ciacconio  
in commentario  
de Triclinio, &  
in nostra ad eum*

*appendice vel citantur, vel aliquo  
modo emēdantur, ut in extrema par  
te huius libri notarentur, curavi  
mus. Multa enim Scriptorum te  
stimonia in eo aliter à nobis relata  
sunt, quàm in vulgatis editionibus  
habentur; partim ex collatione ma  
nuscriptorū codicum restituta, par  
tim ex coniectura, quæ tamen aucto  
ritate aliqua nitatur, emendata. At  
que hæc quidem suis etiam locis obi  
ter*



ter indicantur. Triclinij autem Patavini exemplum tale planè edidimus, quale in exemplari suo Ciacconius reliquit. Ipsum certè archetypum nobis videre non licuit; ad quod curiosis harum rerum lectoribus, si quid in nostro desideretur, prouocatio erit. Fuerat autem consilium, explicata vetere discubendi ratione, ipsam Triclinij positionem, non illā quidem ex uno aut altero marmore petitam, sed ex pluribus tum marmoribus, tum Scriptorum locis concinnatam, in extremis paginis libri representare: cum verò ex ijs, quæ abundè super ea rescripsimus, intelligi satis possit, quis fuerit apud veteres Romanos accumbendi modus, itemq; conuiuiorū apud eosdē apparatus; eo, quod

quod superuacaneum est, super sedebimus. Lectos quidem ipsos, qui vulgo à Scriptoribus discubitorij dicuntur, ex multis sanè, qui in Sepulchralibus cenis ex marmore reperiuntur, paucos dedimus; quòd ex priuatorum adibus Romæ, in quibus habentur, nullo negotio peti ab uno quoque possint. Nobis vnum ex ijs aut alterum, ad stabiliendas nostras de modo accumbendi opiniones, protulisse satis superque fuerit.

I

S

C

Q

ce

ce

Vi

na

ce

le

qu

vi


le

ti

na

PETRI CIACCONII  
TOLETANI  
DE TRICLINIO  
SIVE DE MODO CONVIVANDI  
APVD PRISCOS  
ROMANOS

*Et de conuiuiorum apparatu.*



LOCVS, in quo Romani olim cibum sumebant, *cenaculum* vocabatur. Varro lib. iv. de lingua Latina, de priscis Romanis: *Vbi cubabant*, inquit, *cubiculum*; *vbi cenabant*, *cenaculum* vocitabant. Dicebatur & *cenatio*. Seneca Epist. xci. lib. xiv. Non enim *testa* *cenationi* *epulũ* *recepturæ* *parabantur*. & paulò post: *Vtrum tandem sapientiore* *putas*, *qui versatilia* *cenationum* *laquearia* *ita coagmentat*; *vt subinde alia facies* *atque alia succedat*, & *toties testa*, *quoties fercula* *mutentur*; *an eum*, *qui & alijs & sibi hoc monstrat*, *quàm nihil nobis natura durum*, *ac difficile imperauerit*? Suetonius de domo aurea Neronis: *Cenationes* *laqueata tabulis eburneis versatilibus*, *vt flores fistulati*, *& vnguenta desuper spargerentur*. *Præcipua* *cenationum* *rotunda*, *quæ perpetuò diebus ac noctibus vi*

A ce mun-



*ce mundi circumageretur.* Demum vocabulo à Græcis mutuato *Triclinium* appellabatur. Cicero ad Attic. lib. XIII. epist. I. *Cum secundis Saturnalibus ad Philippum vesperi venisset, villa ita completa militibus est, ut vix triclinium, ubi cenaturus ipse Cæsareisset, vacaret.* & Vitruvius lib. VI. cap. V. *Tricliniorum, inquit, quanta latitudo fuerit, bis tanta longitudo fieri debet.* & eod. lib. cap. X. Suetonius etiam in Tiberio. *Ac Miseni cinis è fauilla & carbonibus ad calefaciendum triclinium illatus.* Quò magis mirandum est, Seruium eruditissimum grammaticum negare, *triclinium* cenationem ipsam significare; sic enim scribit ad illud Aen. I. *Aurea composuit sponda. Antiqui stibadia non habebant, sed stratis tribus lectis epulabantur: vnde triclinium sterni dicitur.* sic & Cicero: *Sterni triclinia, & in foro sterni iubebat.* vnde apparet, errare eos, qui *triclinium* dicunt ipsam basilicam, vel cenationem. hæc ille. Apud Græcos verò οἶκος dicebatur, & à numero lectorum, qui in eo sterni possent, οἶκος τετράκλιος, πεντάκλιος, ἑξακλινος, δακτύλιος, ἑκατότετράκλιος &c. appellabatur, Polluce teste. In his cenaculis, siue cenationibus, siue triclinijs Romani veteres sedentes cenare soliti erant. Seruius Aen. I. ad illud: *Regifico luxu: Romani, inquit, & duobus tantum cibis utebantur, & in atrijs edebant sedentes;* Vnde Iuuenalis

— quis fercula septem

*Secretò cenauit auus.* Et Virgilius.

*Perpetuis soliti patres considerare mensis.*

Idem Seruius Aen. VIII. *Perpetuis, inquit, mensis, idest, longis, ad ordinem exæquatis sedentium: maiores enim nostri sedentes epulabantur; quem mo-*



rem habuerunt à Laconibus, & Cretenſibus, ut Varro docet in libris de gente Pop. Rom. in quibus dicit quid à quaque traxerint gente per imitationem. Plutarchus verò in Catone refert, eum poſt rem in Pharfalia infeliciter geſtam numquam accubantem, ſed ſedentem cibum ſumpſiſſe luſtus cauſa. eius verba ſunt : ἐδείπνεν δὲ καὶ θήμενος ἀφ' ἧς ἡμέρας τὴν κατὰ φάραλλον ἐγὼ ἦπλυν, καὶ ἴστω τοῦ λοιποῦ περὶ σιθικῆς πίνεθαι τὸ μὴ καὶ ταχὺ θῆναι πάλιν καὶ θάλλειν. Iſidorus lib. Etymol. xx. cap. xi. Sedes, inquit, dicta quoniam apud veteres Romanos non erat uſus accumbendi, unde & conſidere dicebantur. Poſtea, ut Varro ait in libro de vita Pop. Rom. viri diſcumbere caperunt, mulieres ſedere; quia turpis viſus eſt in muliere accubitus. Confirmat hoc Iſidori dictū Valerius Maximus lib. II. cap. I. his verbis: Apud antiquos feminae cum viris cubantibus ſedentes cenitabant; quæ conſuetudo ex hominum conuiſtu ad diuina penetravit: nam Iouis epulo ipſe in lectulum; Iuno & Minerva in ſellas ad cenam inuitantur. quod genus ſeueritatis ætas noſtra diligentius in Capitolio, quàm in ſuis domibus ſervat: videlicet, quia magis ad rem pertinet, dearum, quàm mulierum, diſciplina contineri. Pueri etiam nobiles ſedentes, non accubantes, quod delitioſum habebatur, cenabāt. Cornelius Tacitus lib. XIII. de Neronis tempore loquens: Mos habebatur, inquit, principum liberos cum ceteris idem ætatis nobilibus ſedentes veſci in conſpectu propinquorum, propria & parciore menſa. & Suetonius in Claudio: Adhibebat omni cenæ & liberos ſuos cum pueris, puellisq. nobilibus; qui more veteri ad ſulcra lectorum ſedentes veſcerentur. Verùm ipſius etiam Varronis tempore

feminas accubantes cenare solitas, Cicero est testis, in cuius conuiuium Cytheris accubuit, ut ipse refert Epist. ad Pætum lib. ix. & Ouidius lib. i. Elegia. iv. cum scribit:

*Cum premet ille torum, vultu comes ipsa, modesto  
Ibis, ut accumbas.*

Suetonius de Imp. Caio Caligula: Cum omnibus fororibus suis stupri consuetudinē fecit, plenoq. conuiuium singulas infra se vicissim collocabat, uxore supra cubante. id quod in multis marmoribus expressum Romæ passim videmus. Postquā igitur non iā sedentes, sed accubantes omnes cenabāt, lectos nō dissimiles illis, in quibus dormiebant, facere cœperunt, quos *tricliniorū*, siue *tricliniaries*, aut etiam *discubitorios* appellabant, ad differentiam videlicet *cubicularium*, quorū meminit Cicero lib. ii. de Diuinatione, cum scribit: *Quidam somniauit, ouum pendere è fascia lecti sui cubicularis &c.* Namque tam *tricliniaries*, quā *cubiculares* lectos inde principio dictos, ait Varro, quod ex lectis herbis, aut stramentis fierent ante vsum tomenti; quamquam aliorum opinionem nō improbet, qui eam vocem à Græcis ductam volunt, qui *λίκτρον* dicunt. Hi *tricliniorum lecti* (sic enim eos appellat Cicero lib. iv. in Verrem, cum scribit: *Iam non quero vnde tantam Melitensem vestem habueris, vnde quinquaginta tricliniorum lectos*) magna ex parte è ligno pretioso erant ad fabrē facti, aut testudinum sectis laminis, ebore, argento, atq; etiam auro vestiti, aut etiā solidi. Plinius lib. xvi. cap. xliii. *Quæ in laminas secantur, quorumque operimento vestiatur alia materies, præcipua sunt, cedrus, terebinthus, aceris genera, buxum &c. Excogita*

*rata sunt & ligni bractea, nec satis; caperunt animalium cornua & dentes secari, lignumq. eboŕe distinguui, mox operiri. Placuit deinde materiem & in mari queri. Testudo in hac secta. Nuperq. portentosis ingenijs principatu Neronis inuentum, vt pigmentis perderet se; plurisq. veniret imitata lignum. Sic lectis pretia queruntur, sic terebinthum vinci iuuat, sic cedrum pretiosius fieri, sic acer despici. Modò luxuria vero fuerat contenta ligno; iam lignum etiam è testudine facit. Idem lib. ix. cap. xi. Testudinum putamina secare in laminas, lectosq., & repositoria ijs vestiŕi Carbilus Pollio instituit. Refert verò Macrobius lib. iii. cap. xiii. ex indice cenę Metelli Põtificis Maximi, quo die Lentulus Flamen Martialis inauguratus est, triclinia lectis eburneis strata fuisse. Plinius itẽ lib. xxxii. cap. xi. Lectos verò mulierum, inquit, iam pridem totos operiri argento; & triclinia quadam, quibus argentum addidisse primus traditur Carbilus Pollio eques Rom. non vt operiret, aut Deliacæ speciefaceret, sed Punicanæ. Dein & auros fecit; nec multò post argentei Deliacos imitati sunt. Eos ex argento solidos Heliogabalum Imper. habuisse, refert Lampridius. Hunc, inquit, solido argento habuisse lectos & tricliniæ & cubiculares. Sed multò ante eos aureos iã in vsu fuisse, refert Plinius lib. xxxvii. cap. ii. cum scribit Gn. Pompeium in tertio triumpho, quem de Piratis Asia & Ponto duxit, lectos tricliniæ tres ex auro transfulisse. Hinc Virgilius Aen. vi.*

— *Lucent, inquit, genialibus altis*

*Aurea fulcra toris.*

Pedes quibus lecti fulcirentur, & fulcra ex ligno, ære, aut etiã argento erant. Terentius in Adelphis:



*Leetulos in sole iligneis pedibus faciēdos dedit, vbi potestis vos.* Plinius lib. xxxiv. cap. x. *Antiquissima æris gloria Deliaco fuit, mercatus in Delo cōcelebrāte toto orbe, et ideo cura officinis tricliniorū pedibus, fulcrisq. ibi prima nobilitas æris.* & eodē lib. cap. iii. *Triclinia ærata abacosq. & monopodia Cn. Manilium Asia deuicta primū inuexisse triumpho suo, quem duxit anno Urbis DLXVII. L. Piso auctor est. Antias quidē L. Crassum heredē L. Crassi oratoris multa etiā triclinia ærata vendidisse.* Cicero etiam Verrin. iv. & Liuius lib. xxix. *ros lectos dixere.* Sed fulcris quosdam lectos caruifse ostendit Varro lib. vii. de lingua latina, his verbis: *Quod si esset analogia sequenda in supelleetile, omnes lectos haberemus ad vnā formā; & aut cum fulcro, aut sine eo.* Pedes verò lectorum partim rotundos, & tornatos, partim alia atque alia forma effictos in marmoribus Romæ videmus. Hi discubitorij lecti interdum vnum tantum cubantem capere poterāt, tribusq. ex partibus pluteis muniebantur; vt in plerisque domibus paulò lautioribus nunc Romæ sunt, & in antiquis marmoribus sculpti cernuntur, *Scimpodia*, græco nomine dicti. Helychius: *σκιμπώδιον*, inquit, *ἡ πλεὺς κλινίδιον, μονοκλίπων.* Gellius lib. xix. cap. x. *Offendimus eum cubantem in scimpodio Graciensi;* interdum duobus accubantibus locum præbebant, cuiusmodi non pauci ex illa antiquitate Romæ visuntur, in quibus vir & vxor accumbentes cenant. Fiebant verò varia forma, sed plurimum quadrati, longi paulò amplius quàm statura sit hominis, lati vt quattuor aut quinque in eis commodè cubare possent, vt paulò inferius ostendam. Licet autem varia forma essent; in eodem tamen triclinio



nio pares omnes erāt & materia, & altitudine, & figura. Varro. lib. viii. de lingua latina. *Nemo, inquit, facit triclinij lectos, nisi pares & materia, & altitudine, & figura.* & rursus eodem lib. *Nam ut qui triclinium construxerunt, siquidem lectum de tribus vnum imparem posuerunt, aut de paribus nimium aut parum produxerunt vnum, corrigimus ad consuetudinem communem, & ad aliorum tricliniorum analogias, sic &c.* Ceterum posteaquam mensæ citreæ, quæ rotundæ erant in maximo pretio apud omnes esse cœperunt, pro tribus lectis *stibadium* faciebant, quod à similitudine signæ litteræ Græcæ, quæ hac forma scribebatur C, sigma appellarunt. Martialis lib. xiv. de *stibadio*:

*Accipe lunata scriptum testudine sigma.*

*Octo capit, veniat quisquis amicus erit.* Et lib. x.

*Septem sigma capit, sex sumus, adde Lupum.*

Lāpridius etiā, de Croco, inquit, *sigma strauit, cū summos viros inuitasset ad prandium.* Dixi hos lectos *stibadia* etiam vocari, quibus antiquos Romanos caruisse Seruius scribit, vt supra retuli. Plinius minor lib. v. Epist. *In capite, inquit, stibadiū cādido marmore vite protegitur, è stibadio aqua velut expressa cubantium pondere siphunculis effluit, cauato lapide suscipitur.* Hæc *stibadia* à numero hominum, quos capiebant nomina sortiebantur, vt hexaclina si sex, heptaclina si septem caperent, dicerentur. Martialis lib. ix. in Mamurram:

*Et testudineum mensus quater hexaclinon,*

*Ingemuit citro non satis esse suo.*

*Sigma, siue stibadium* depictum vidimus in antiquissimo Virgilij codice Vaticano, & expressum in mar-

more, quod est ad S. Chrysogonū Romæ. Porro lecti altiores magnorum hominū erant, illustriorūq. personarum. Virgil. Aen. II.

*Inde toro pater Aeneas sic orsus ab alto. Et lib. VI.*

*— Lucent genialibus altis.*

*Aurea fulcra toris.*

Itaque ad eos gradibus ascendebant. Varro lib. IV. de lingua Lat. *Qua simplici scansione scandeant in lectum non altum, scabellum: in altiore scammum; duplicata scansio gradus dicitur.* & lib. VII. *Quod si esset sequenda analogia in supellectile, omnes lectos haberemus domi ad unam formam; & aut cum fulcro, aut sine eo; nec tantum ad tricliniarem gradus, non itē ad cubicularem.* Contrā verò humiles lecti minus honesti erant; vnde Valerius Maximus lib. VII. cap. V. ex Cicerone in Orat. pro Muræna huiusmodi historiam refert: *Q. Aelius Tubero à Q. Fabio Maximo epulum populo nomine Africani patrui sui dante, rogatus ut triclinium sterneret, lectulos Punicanos pellibus hædinis stravit, & pro argenteis vasis Samia exposuit. & paulò post: quæ res illum integerrimum alioqui virum L. Pauli nepotem, & P. Africani sororis filium Prætura, quam petebat, deiecit.* Punicanos verò lectos, humiles fuisse scribit Isidorus lib. XX. cap. XI. *Punicani, inquit, lecti parvi, & humiles, primū à Carthagine aduecti, & inde nominati.* Addit Seneca, & ligneos fuisse, namque hanc ipsam Tuberonis frugalitatem commendans, sic scribit Epist. XCVI. lib. XV. *Tuberonis ligneos lectulos cum in publicum sternerentur, hæ linasq. pro stragulis pelles, & ante ipsius Iouis cellam proposita conuiuiis vasa fictilia &c.* Hi tricliniæ lecti culcitris herba, pluma, aut tomento

ad

ad similitudinem cubicularium, farctis sternebantur. Varro lib. iv. de ling. lat. Iuuenalis Satyr. v.

*Tertia ne vacuo cessaret culcita lecto,*

*Vna simus ait.*

*Culcitæ* verò, quoniam initio ex tortis herbis fiebāt, *tori* sunt appellatæ. Varro lib. i. de vita Po. Rom. *Quod frontem, inquit, lecticæ sternebant ex herba torta, appellatum torum: hoc, quod inijcitur etiam nunc toral dicitur.* Idem scribit aliquoties Seruius. Hinc Virgilius Aen. v.

*Vt viridante toro confederat herbæ.*

Dicebantur & *puluinaria*, siue *puluini*. Ouid. lib. 2. de Ponto, Eleg. ii.

*In columis coniux sua puluinaria seruat.*

Et Apuleius lib. x. *Quatuor Eunnuchi puluinis compluribus ventosè tumentibus, pluma delicata, terrestrem nobis cubitū perstruunt. Culcitis, siue toris, aut puluinis apud priscos Romanos hædina pelles iniiciebantur, ijsq. semper pro stragulis vsum Catonem Maiorem refert Valerius Maximus lib. iv. cap. iii. Atq; ex ea antiquitate Aelius Tübero Stoicus Philosophus, & priscis moribus viuens, pelles hædinas pro stragulis in epulo publico, vt diximus, repetebat. Has postea stragulæ vestes excepere, quæ, quòd toris iniicerentur, toralia dicebantur; vt ex Varrone iam retuli. Idem lib. iv. de ling. lat. Toral, inquit, quod ante torum. & Nonius Marcellus; Toral, & toralium stragulum est.* Horatius lib. xii. Epistolar. epist. v.

— *Ne turpe toral, ne sordida mappa*

*Corruget narcis.*

Et lib. Sermonum ii. sat. iv.

*Et tyrias dare circum illota toralia vestes.*

Appel-



Appellabantur & vocabulo græco, *peristromata*. Varro lib. iv. de lingua latina: *Græca sunt peristromata, & peripetastmata; sic aliud aliquid, item conuiuij causa*. Cicero Philipp. II. *Conchyliatis Cn. Pompeij peristromatis seruorum in cellis lectos stratos videres*. Athenæus lib. v. τῶν τῶν δὲ τῶν καὶ τῶν ἀμφὶ ταποὶ ἀλουρῶν ἐπὶ τῶν πρῶτης ἐπέας, καὶ περὶ τῶν ματα ποικίλα διαπρεπῆ τῶν τέχνης ἐπὶ τῶν. Erant ea purpurea, maioriq. ex parte textili opere, siue acu picta. Martialis:

*Babylonica picta suberbe texta,*

*Semiramia, quæ variantur acu.* Et apud Plautum:

*Ita vestra ego latera loris faciã, vt validè varia siẽt,*

*Vt ne peristromata quidẽ æquẽ picta sint Capanica,*

*Neque Alexandrina belluata, consutaq. tapetia.*

Virgilius Aen. I.

*Iam pater Aeneas, & iam Troiana iuuentus*

*Conueniunt, stratoq. super discumbitur ostro.* Et

————— *frequentes*

*Conuenere toris iussi discumbere pictis.*

Cicero Verrin. iv. *Per triennium isti Lamia nobilis mulier plena domo telarum stragulam vestem confecit, nihil nisi conchylio tinctum*. Et Tusculana v. *Collocari, inquit, iussit hominem in aureo lecto strato pulcherri- me textili stragulo, magnificis operibus picto*. Virgilius Aeneid. I.

*At domus interior regali splendida luxu*

*Instruitur, medijsq. parant conuiuia tectis.*

*Arte laborata vestes, ostroq. suberbo.*

Varro Cato, vel de liberis educandis: *Etenim nulla, quæ non didicit pingere, potest bene iudicare quid sit bene pictum à plumario, aut textore in puluina- ribus*

ribus plagis. His stragulis iniiciebantur *puluini triclinares* dicti. Itali *Cossinos* vocant. Varro lib. VIII. dell'ing. lat. *Quis facit mappas triclinares non similes inter se? quis puluinos?* Hos à plumis ita appellatos tradit Varro lib. IV. de lingua latina, his verbis: *Posteaquam transferunt ad culcitas, quod in eas acus, aut tomentum, aliudue quid sternebant, ab inculcando culcita dicta, ac quidquid insternebant, à sternendo stragulum appellabant. Puluinum vel à plumis, vel à pollulis declinarunt.* In marmoribus verò Romanis plurimis accubantes puluinis cubito innixos videmus. Martialis lib. III.

*Cubitis trudit hinc & inde conuiuas*

*Effultus ostro, sericisq. puluinis.*

Athenæus lib. IV. ὅτε τῆς ξένων ἐσθίας τῆς ἀγαλλοδύντων ἀκρίβειαν τὸν ἀγκῶνα ἐπὶ τὰ περιπαλάσια ἐρεῖδειν. Lectis opere & materia pretiosis, superbisq. & magnificis vestibus instratis, pares adhibebantur *mensæ*, aut multò etiam pretiosiores; ex citro enim arbore magna ex parte constabant, quæ quanto in pretio haberetur, vnus Plinij locus facillè ostēdet. is enim lib. XIII. cap. XV. de mēsis citreis ita scribit: *Atlas mons peculiari proditur silua, de qua diximus. Confines ei Mauri, quibus plurima arbor cedri, & mensarum insania, quas femina viris contra margaritas regerunt. Extat hodie M. Ciceronis in illa paupertate, et quod magis mirum est, illo auro emptæ* HS. X. Memoratur & Galli *Asinij* HS. XI. *venundatæ sunt & duæ à Iuba Rege pēdentes, quarum alteri pretium fuit* HS. XV. *alteri paulò minus. Interijt nuper incendio à Cethegis descendēs* HS. XIII. *permutata latifundij taxatione, si quis prædia tanti mercari malit. Magnitudo amplissima adhuc*  
fuit

fuit vnus commissæ ex orbibus dimidiatis duobus à Rege Mauritania Ptolemaeo, quattuor pedū & semipedis crassitudine quadrantali, maiusq. miraculum in ea est artis, quàm potuisset esse naturæ. Solida item à Nomio Ti. Caesaris liberto cognomen trahentis, tribus sicilicis infra quattuor pedes, totidemq. infra semipedem crassitudinis. Qua in re non omittendum videtur Tiberio Principi mensam quattuor pedes sextante sicilico excedentem sescuncilialis operimento lamina vestitam fuisse, cum tam optima Nomio liberto eius esset: huius materia erat tuber, hoc est radicis vitium. hæc Plinius. cuius locum quātum ad notas nummorum attinet, vt in vulgatis libris legitur, retuli; reliqua vt ex manuscriptis codicibus, & ex coniectura mihi corrigenda visa sunt, posui. Ceterum in notarū explicatione toto cælo mihi videtur errasse Budæus, vir alioqui doctissimus. Is enim lib. III. de asse, HS. x. & HS. xv. sestertia decem, & sestertia quindecim, hoc est, ducentos quinquaginta & trecentos septuaginta quinque aureos coronatos interpretatur, cū hac summa non solum latifundium, quod Plin. ait; sed neque prædiolum, aut, vt appellat Horatius, *Angulus*, illis temporibus emi posset; atque eò magis miror Budæum, quòd videam, eum legisse Tertullianum; qui lib. de Pallio hūc locum à Plinio, vt pleraq. alia in eo libro mutuatus, sic scribit: *Adigo cauterem ambitioni, qua M. Tullius quingentis millibus nummum orbem citri emit, qua bis tantum Asinius Gallus pro mensa eiusdem Mauritania numerat. En quantis facultatibus aestimauere ligneas maculas?* Igitur Asinius Gallus citream mensam HS. x. hoc est decies sestertium mercatus est, non decem sestertijs, vt Budæus



datus censet. De Ciceronis verò mensa, vt Plinio cum Tertulliano conueniat, legerem, *empta HS. D.* hoc est sestertijs quingentis, siue quingentis millibus nummum. Animaduerti enim aliquoties in veteribus libris, D, pro, x, poni, quia, D, prima littera esset numeri decem, qui, x, notatur. Cicero- nis ergo citrea mensa æstimari debuit XII. MD. aureis coronatis, Asinij verò XXV. M. neque hoc mirabitur, qui legerit apud Martialem libr. XIV. in lemmate, MENSÆ CITREÆ.

*Accipe felix Atlantica munera siluæ:*

*Aurea qui dederit dona, minora dabit.*

Et Senecam, qui lib. XII. de Beneficijs, cap. x. *Video, inquit, istic mensas, et æstimatum lignum Senatoris censu, eo pretiosius, quo illud in plures nodos, arboris infelicitas torfit.* (Porro Senatoris censum duodecies centena millia nummum fuisse, hoc est, aureorum scutatorum xxx. M. ex Suetonio in Augusto omnibus notum est: *Senatorium, inquit, censum Augustus ampliavit, ac pro octingentorum millium summa duodecies sestertium taxauit, suppleuitq. non habentibus.*) Magis verò mirabitur, Senecam ipsum Stoicum philosophum ob vitæ integritatem inter omnes ad instituendum Neronem principem electum; qui initio libri de tranquillitate vitæ scripserat, nisi forte hæc verba Sereni sunt Senecam consultantis, non ipsius Senecæ: *Tenet me summus amor parsimonia. Placet minister incultus, & rudis vernula, argentum graue rustici patris sine vlllo nomine artificis; & mensa non varietate macularum conspicua, nec per multas elegantium dominorum successiones ciuitati nota; sed in usum posita; quæ nullius conuiuæ oculos, nec voluptate*

*luptate moretur, nec accendat invidia. Qui hoc, in-*  
*quam, scripserat, quingentas tamen ipsum mensas*  
*citreas habuisse pedibus eburneis, & inter se pares,*  
*in quibus ipse cenabat, auctor est Dio Cassius, his*  
*verbis in Nerone: περ ταχοῖες πέποδες καὶ πινυ εὐλυ ἐλε-*  
*φαντιποδες ἰοῖς καὶ ὁμοίους εἶχε καὶ ἐπ' αὐτῶν ἐσιᾶτο. His*  
*mensis coronæ argenteæ, aureæ, interdum & gem-*  
*mis distinctæ addebantur. Scauola in. l. qui vxori.*  
*ff. de auro & arg. leg. cum dixisset: Perueniamus*  
*ad gemmas inclusas argento, auroque, subiungit: Sed*  
*& in coronis mensarum gemmæ coronis cedent, & hæ*  
*mensis. Mensæ primum fiebant quadratæ, postea ro-*  
*tundæ in usu esse cœperunt; unde poetæ illas qua-*  
*dras, has orbes vocant. Virgilius Aen. vii.*

*Et violare manu, malisq. audacibus orbem*  
*Fatalis crusti, patulis nec parcere quadris.*

*Festus: Escariæ mensæ quadratæ vocantur, in quibus ho-*  
*mines epulantur. Varro lib. iv. de lin. lat. Mensam esca-*  
*riam cibillā appellabant, ea erat quadrata, vt etiam nūc*  
*in castris, à cibo cibilla dicta, postea rotunda facta. Hæc*  
*Varro, apud quem in m. f. libris non cibilla legitur,*  
*sed cilliba, vt apud Festum etiā in vulgatis libris est:*  
*Cilliba mensæ rotundæ. Sequitur apud Varronem: Et*  
*quod quæ a nobis media à Græcis μέση, mēsa dici potest:*  
*nisi etiam quod ponebāt pleraque in cibo mensa. Mensæ*  
*etiam appellabātur epulæ mensis appositæ. Pollux,*  
*στραπίζας δὲ ἐκάλουν καὶ τὸ στήα τὰ ἐπ' αὐτῶν πρὶν εἶναι. quo*  
*sensu Virgi. Aneid. i. dixit:*

*Postquam prima quies epulis, mensæq. remotæ.*  
*Nam sequitur:*

*Dixit & in mensa laticum libauit honorem.*  
*Non ergo mensæ ipsæ remotæ fuerant, sed epulæ il-*  
*lis*

lis impositæ. Hæ mensæ aut vno tantum pede fulciebantur, & *monopodia* erant in delicijs quondam habitæ. *Liuius* lib. *xxix.* *Luxuriæ*, inquit, *peregrina origo ab exercitu Asiatico inuenta in Urbem est. ij primùm lectos æratos, vestem stragulam pretiosam, plagulas, & alia textilia, & quæ tunc magnificæ supellectilis habebantur monopodia, & abacos Romam aduexerunt. Tunc psalteria, sambucistræq. & conuiuialia ludionum oblectamēta addita epulis.* Meminit & *Plinius* lib. *xxxiv.* cap. *iii.* Aut duobus pedibus nitebatur *bipedes* dictæ, quales in marmoribus Romæ expressas videmus. *Martialis* lib. *xii.*

*Ibat tripes grabatus, & bipes mensa.*

Sed tripedes frequentius erant, vt ex iisdem marmoribus discimus, & ex quingentis illis, quas habuisse *Senecam* *Dioni* credimus, quamquam eas parsimoniæ signum fuisse ostendere videatur *Horatius* cum scribit *i.* libro *Sermonum*:

—modo reges atque tetrarchas

*Omnia magna loquens, modo sit mihi mēsa tripes & Concha salis puri, & toga quæ defendere frigus Quamuis crassa queat.*

Hæ lineis mantilibus sternebatur. *Virgilius* *Aen. i.*

*Dant famuli manibus lymphas, Cereremq. canistris Expediunt, tonsisq. ferunt mantilia villis.*

ad quem locum *Seruius*: *Constat*, inquit, maiores *mapas* habuisse villosas, mantilia verò à manibus. *Martialis* lib. *xiv.* in lemmate, *Gausapa villosa*, vel *mantile*:

*Nobilius villosa tegant, tibi lintea citrum,*

*Orbis in nostris circulus esse potest.*

*Varro* lib. *v.* de lingua latina: *Mantelium, quasi manu terium, vbi manus terguntur.* Erant nihilominus & *mappa*,



*mappa*, quibus manus tergerentur, *tricliniaries* appellatae. Varro lib. viii. de lin. lati. *Quis facit mappas tricliniaries non similes inter se?* Horatius lib. i. Epist.

— ne sordida mappa

*Corruget nares.*

Plinius lib. xix. cap. i. cū de lino agit: *Inuentum*, inquit, est iam quod ignibus non absumeretur. *Vium* id vocant, ardentescq. in focis conuiuiorum ex eo vidimus mappas sordibus exustis splendescentes igni magis quā possent aquis. Has plerumque conuiue ipsi domo afferebant. Martialis lib. xii. de Hermogene fu re mapparum maximo:

*Attulerat mappam nemo, dum furta timentur,*

*Mantile ē mensa surripit Hermogenes.*

Et paulò post:

*Ad cenam Hermogenes mappam nō attulit vnquā,*

*A cena semper retulit Hermogenes.*

Atque hæc de mensis. Erant verò & *repositoria*, siue *abaci*, quibus argentū exponerēt non vilioris materiae, aut operis quā mēsas, aut lectos diximus. Plinius lib. xxxiii. cap. xi. *Cornelius*, inquit, *Nepos* traditante *Sylla* victoriā, duo tantū triclinia Romæ fuisse argētea. *Repositorijs* argentū addi sua memoria cœptū *Fenestella* dicit, qui obiit nouissimo *Tiberij* *Casaris* principatu. Sed & testudinea tum in vsum venisse. Ante se autē paulò lignea, rotūda, solida, nec multò maiora, quā mēsas fuisse. Se quidē puero quadrata & cōpacta, aut acereoperta, aut citro cœpisse. Mox additū argētū in angulis lineasq. per commissuras. hæc Plinius. Reponebātur in his dapes priusquam mensis inferrentur. Plinius eod. lib. Itā verò, inquit, & mēsas *repositorijs* imponimus, & ad sustinenda obsonia interradimus latera; & interest

*interest quam plurimum lima perdiderit. Exponebantur etiam in his lances, & vasa omnis generis, argentea, atque aurea, pura, aut calata, vel etiam gemmis distincta, murrhina, crystallina, gemmea, necnon ærea, aut Corinthia, aut excellentium artificum cælo fabrefacta; de quibus singulis, eorumque immensis pretijs ex Plinio & alijs pauca dicimus. Ac de argento quidem (sic enim appellabant argenteum mensarum apparatus: Vt apud Virgil. Aen. I.*

*Ingens argentum mensis, calataque in auro*

*Fortia facta patrum. quemadmodum & auri appellatione aurea vasa contineri scribit Scauola in l. qui uxori. ff. de auro & arg. leg. Auro, inquit, legato vasa aurea continentur, & gemis gemmea) illud satis fuerit referre, quod Plinius scribit loco à me supra citato: Africanus cum de Pænis triumpharet IIII. M. CCCCLXX. M. podo traxit. Hoc argenti tota Carthago habuit, illa terrarum æmula, quod nunc in mensarum est apparatus. Et numerum quidem apud Plinium vitiosum arbitror. sed illud omnem luxuriam excedere videtur, priuatos ciues Romanos tantum argenti ad mensæ apparatus possedisse, quantum tota Carthago Romanæ urbis æmula, terrarum orbis auida, cum maximè floureret, habuerit. Ac primum de lancibus hoc vno exemplo ex eodem Plinij loco petito contentus ero: Paulò, inquit, ante Syllanum bellum lances è centenis libris argenti, quas tunc super quingentas numero Romæ fuisse constat; multosque ob eas proscriptos dolo concupiscentium. Nostri ætas fortior fuit Claudij principatu, seruus eius Drusillanus nomine Rotundus dispensator Hispaniæ citerioris quingentariam lancem habuit, cui fabricanda officina prius exadi-*

ficata fuerat; & comites eius octo quinquaginta librarum. Quaeso ut quàm multi eas conserui eius inferrent, aut quibus cenantibus? Eam lancem quingentarum librarum, non habita manupretij ratione, sed argenti tantum, quinque ferè aureorum scutorum millibus aestimare possis. Meminit eius & Tertullianus lib. de Pallo his verbis, cum de citreis mensis multa dixisset: *Drusillanus equidem seruus Claudij quingenariam promulsidem adificat, superscriptis fortassean mensis necessariam; cui si officina extructa est, debuit & triclinium.* hæc ille. Verum hanc insaniam in immensum augent vasorum manupretia à Plinio his verbis eodem loco relata: *Nec copia tantum argenti furuit vita, (sic enim fortasse legendum) sed validius etiam manupretijs, idque iam pridem, ut ignoremus nobis. Delphinos quinis millibus* HS in libras emptos *c. Gracchus habuit. L. vero Crassus orator duos scyphos Mentoris artificis manu calatos sestertijs centum. Constat eundem* v. l. millibus HS. in libras singulas vasa emptā habuisse. hucusque Plinius. Gracchus igitur quatuordecim ferè argenti libras manupretij nomine pro singulis libris argenti dedit. libra enim tunc CCCXX XVI. nummos sestertios habuit. L. verò Crassus adhuc amplius decem & octo libras; nam Mentoris duos scyphos, hoc est parua pocula, tribus ferè scutorum millibus aestimes licet. Sequitur apud Plinium: *Et Pytheas, cuius duæ unciae viginti* (sive ut in. v. c. legitur x) *venire.* Quo loco, si verè legitur, *duæ unciae*, & x. talenta intelligemus; propterea quòd de rebus Græcis agitur, has Pythæ artificis duas uncias sex millibus scutorum aestimamus. & de calaturis quidè multa Plin. lib. xxxiii. cap.



cap. XII. Sed hoc præcipuum : Zopyrus *Areopagitas*, & iudiciū *Orestis* in duobus *Scyphis* calauit H. S. XII. æstimatis. quæ notæ si duodecies sesterterium designant, triginta scutatorum millia conficiunt. Sin verò, quoniam de Græcis ibi sermo est, Δ. XII. id est talenta duodecim est legendum, scutati sunt VII. M. CC. De reliquis verò vasis Cicero Verrin. IV. Exponit, inquit, multū argentum, non pauca etiam pocula ex auro; quæ ut mos est regibus, & maximè in Syria, gemmis erant distincta clarissimis. Erat etiam Vas rinarium ex vna gemma prægrandi, trulla excauata manubrio aureo. Plinius. lib. XXXVII. cap. II. de Pōpeiij triūpho: Transtulit vasa ex auro, & gemmis abacorum nouē. & in procemio lib. XXXIII. Nec hoc fuit satis: turba gemmarum potamus, & smaragdis teximus calices, ac temulentia causa tenere Indiam iuuat, & aurum iam accessio est. De murrhinis autem Plinius eodem loco: Eadem victoria primū in Urbem murrhina induxit. Primus Pompeius sex pocula ex eo triumpho Capitolino Ioui dicauit; quæ protinus ad hominum vsum transiere, abacis etiam, escarijsq. vasis inde expetitis. Excrescitq. in dies eius rei luxus murrhino LXXX. sestertijs empto (hoc est scutatorū duobus millibus) capaci planè ad sestarios tres calice. Potauit ex eo ante hos annos consularis ob amorem abroso eius margine, ut tamen iniuria illa pretium augetet; neque est hodie murrhini alterius præstātor indicatura. & paulò post: T. Petronius consularis moriturus inuidia Neronis principis, ut mensam eius exhæredaret, trullam murrhinam CCC. sestertiis emptam fregit. Sed Nero, ut par erat principem, vicit omnes CCC. sestertijs capidem vnā parando. Memoranda res tanti Imperatorem, patremq.

*patria bibisse, Oriens murrhinam mittit. Humorem putant sub terra calore densari. Hucusque Plinius, apud quem CCC. fextertia scutatorum sunt VII. M. D. De c. ystallinis ibidem Plinius hæc refert: *Aluis hic furor HS CLM.* (hoc est, scutatis aureis I I I. M. DCCL.) *trullam vnā non ante multos annos mercatam à matre familias nec diuite. Idem Nero amissarum rerum nuntio accepto, duos calices c. ystallinos in suprema ira fregit illisos. Hæc fuit ratio seculum suum punientis, ne quis alius ex eis biberet.* De acreis autem vasis, aut Corinthijs, aut Deliacis, multa apud auctores mentio. Cicero pro Sex. Roscio Amerino: *Domus, inquit, referta vasis Corinthijs, & Deliacis; in quibus est authepsa illa; quam tanto pretio nuper mercatus est; vt qui prætereuntes pretium numerari audiebant, fundum venire arbitrarentur.* & Paradoxo I. *Qui calato auro, & argento, & Corinthijs operibus abundant. Fuere etiam magno in pretio toreumata, hoc est torno elaborata vasa; quæ à primo inuentore Thericle Thericlea vocabantur.* Plinius lib. XVI. cap. XL. *Celebratur & Thericles nomine calices ex terebintho solitis facere torno.* & Clemens Alexandrinus lib. II. Pædagogi cap. III. *Valeant ergo Thericlei calices &c.* de quibus multa Athenæus lib. II. & Philo Iudæus lib. de vita contemplatiua: *Phiala Thericlea, toreumataq. clarorum artificum.* vt quod apud Ciceronem Verrin. III. legitur in vulgatis codicibus: *De hoc Verri dicitur habere eum per bona toreumata, in his pocula duò quedam, quæ Heraclia nominant, Mentoris manu summo artificio facta, vitiosum videatur, & Thericlea substituendum.* Ita Strato trichinio conuiuæ loti cenatum veniebāt, aut apud ipsum*

ipsum conuiuij dominum lauabant. Terētius Phormione:

*Te ne asymbolum venire vnctū, atq; lautū ē balneis.*  
Plautus in Sticho :

*Quām mox cocta est cœna? impransus ego sum.*

EP. *Abi intro ad me, & laua. & paulò post:*

*Ibo lauatum in Pilium, post vbi lauero, ociosus vos operiam accubans.* Quòd si loti non erant, pedes saltem lauabant. Apud Plautum in Persa conuiuæ aduenienti quidam ait:

*Locus hic tuus est, hic accumbe; ferte aquam pedibus: preben tu puere? Nisi fortè, manibus, legendum.* Vestem deinde mutabant, & cenatoriam, siue conuiualem sumebant, etiam ij, qui luctus causa atrati erant. De cenatorijs Martialis lib. XIII. Cenatoria:

*Nec fora sunt nobis, nec sunt radimonia nota:*

*Hic opus est pictis accubuisse toris.*

Petronius Arbitrer: *Cenatorias repetimus, & in proximam cellam ducti sumus, in qua tres lecti strati erant.*

Pomponius in. l. scribit. ff. de auro, & auge. legat.

Quintus Mutius ait, scire se quendam Senatorem mulcibribus cenatorijs vti solitū. Seneca controuersia. XXV.

Dic mihi, si cum animaduertere debeat, nec legitimo cultu ac more solemnī vsus interdiu, tribunal conscenderit coniuiali veste. Cicero in Vatiniū: *Atque illud, inquit etiam scire ex te cupio, quo consilio, aut qua mente feceris, vt in epulo Q. Arrij familiaris mei cum toga pulla accumberes? & inferius: Cedo, quis vnquam cenauit atratus? Ita enim illud epulum est funebre, vt minus sit funeris, epulæ quidem ipsæ dignitatis.* Sed omitto epulum Pop. Rom. festum diem argento, veste, omni apparatu, ornatuque visendo; quis in funere familiari ce-



nauit cum toga pulla? Cui de balneis exeunti præter te toga pulla vnquam data est? Cum tot hominum millia accumberent; cum ipse epuli dominus Q. Arrius albatuſſet, tu in templo Caſtoris, te cum C. Fidolo atrato, ceteriſq. tuiſſis furijſſi funeſtum intuliſti. Scribit verò Saluſtius vt quidẽ legitur apud Macrobiũ lib. iiii. cap. xiii. Metellum Pium toga picta plerumq; amiçtũ accubare ſolitum. In marmoribus Romanis, qui in lectis accumbunt, aut ſeminudi, aut vnica tantum veſte recti videntur. Sumpta cenatoria, atque iam diſcubituri, ne pretioſam veſtem ſtragulam, de qua diximus, lutulentis, aut ſordidis calceis inquinarent, ſoleas, deponebant. Martialis lib. v.

*Depoſui ſoleas, aſſertur protinus ingens*

*Inter lactucas, oxygarumque liber;*

*Alter perlegitur dum ferula prima morantur;*

*Tertius eſt, nec adhuc menſa ſecunda venit.*

Plautus in Truculento:

*Iam redijt animus, deme ſoleas, cedo vinum.*

Sic Naſidienus apud Horatium lib. ii. Sat. vltima, cum è conuiuiſurgere velleret; ſoleas, quas depoſuerat, poſcit. Et Seneca controuerſia xxv. de Manlio Prætore, qui in conuiuiſ hominem noxium ſecuri feriri iuſſerat: Prætore, inquit, ad occidendum hominem ſoleas poſcit. Plautus in Truculento:

*Cedo ſoleas mihi, properate, auferre menſam;*

In quibuſdam marmoribus Romanis, conuiuiſ accumbere parantibuſ à ſeruiſ ſoleæ demuatur; in omnibuſ verò, ij, qui in lecto accubant, nudis ſunt pedibuſ. Poſtquam ſe in lectiſ ordine collocauerant, manus lauabant. Hinc apud Virg. Aen. i.

*Iam pater Aeneas, & iam Troiana Iuuentuſ*

*Con-*

*Conueniunt, stratoq. super discumbitur ostro.*

*Dant manibus famuli lymphas.*

Plautus in Persa:

*Tu Sagaristrio accumbe in summo, meum natalem  
agitemus amœnum.*

*Date aquam manibus, apponite mensam.*

Seneca cōtrouersia xxv. *Etiam carnifices cenaturi manus abluunt.* In quibusdam Romanis marmoribus conuiuis accubantibus præstò sunt serui cum mal luio, & aquamanili. Fabius Pictor lib. xvi. citante Nonio in Polubrum: *Aquam manibus, pedibusq. dato, polubrum sinistra manu teneto, dextera vasum cum aqua.* Deinde vnguenta dabantur, quibus caput, & barbam vngerent. Marialis lib. iii.

*Vnguentum, fateor, bonum dedisti*

*Conuiuis here; sed nihil scidisti.*

Dabantur & coronæ ex his floribus, quos anni tempus sumministrabat; sed maximè rosa, alijsq. quæ ebrietatem prohiberent, & caput non grauarent. Has quidem capiti, nōnulli collo; alij brachijs aptabant, vt in antiquis marmoribus videmus, & ab auctoribus traditur. Cicero Verrin. v. *Ipse autem coronam habebat, vnā in capite, alteram in collo.* De conuiuarum numero à Varrone apud A. Gellium lib. xiii. cap. xi. ita definitur, vt nec pauciores sint quàm tres, nec plures quàm nouem; vt aut numerum Gratiarum æquent, aut Musarū. Discumbebant autem in lectis procuiusque dignitatis fastigio ordine seruat o; qua de re operæ pretium fuerit, integrum locū Plutarchi ex conuiualibus quæstionibus huc inferere. est autem lib. i. quæstione iii. *Secundum id, inquit, incidit quæstio de locis; alius enim apud alios lo*

cus honoratior, ut Persis medius, quem accubens Rex occupat, videtur honestissimus; apud Græcos primus: apud Romanos medij lecti ultimus; quem ipsi consularē vocant. Apud quosdam Græcorum iuxta Pontum habitantium, ut Heracleotas, medij lecti primus. Maxime autem de consulari loco dubitatum à nobis fuit, qui cum apud nos haberetur præcipuus, causa eius rei, neque ut quia primus, neque ut quia medius esset, definiri poterat. Atque ex ijs, quæ super ea re dicta fuere, tria referenda videntur. Vnum quod exactis Regibus, Consules cum ad popularem formam omnia redigerent, seipsos è medio, & regio loco deorsum subduxerunt: ne vel ipse locus tamquam qui aliquid ex fastu, & maiestate regia adhuc retineret, molestus esset ciuibus. Secundum fuit, quòd cum duo lecti inuitatis tribuantur, tertius, eiusque primus, hoc est medius locus, domino conuiuij congruit, ex eo enim tamquam auriga, ac gubernator facile & misteria intueri, & ab alijs non ita longè abest, ut non cum eis miscere sermonem possit, et colloqui. locus enim infra eum, vxoris est, aut liberorum, qui supra, is, ut par est, tribuitur conuiuarum honoratissimo. Tertiū fuit, quòd huius loci proprium videbatur, opportunitas nimirum ad munia obeunda: conuenit enim magistratum, ac principem curare in quouis conuiuij, in quauis animi remissione, ut & audiat, & mandet ea, quæ opus sint, & subscribat: quod ut Consul facere possit, commodissimum hunc habet locum, ubi secundus lectus primo applicatus, angulus flexu suo intercapedinem facit, quæ spatium accedendi, alloquendi, & audiendi præbeat scribe, lectori, stipatori, nuntio ab exercitu venienti: cum interim Consul neq; molestiam cuiquam conuiuarum exhibeat, neque ipsi obturbetur à quoquam; sed dextram, & vocem



*tem habeat liberam, atque expeditam.* hæc Plutarchus. Verumenim uero, quod ait mediij lecti vltimū locum digniorem fuisse apud Romanos, id cū Consul conuiuio intererat fortasse perpetuum fuit; cum vero aut Pontificales *cenæ* dabantur, aut ipsi Pontifices adhibebantur conuiujs, is locus, apud quem Heracleotas, & Græcos Pontum habitantes esse præcipuum tradit Plutarchus, honoratior apud Romanos erat: id quod ex Festo facillè colligitur; qui sic scribit: *Ordo sacerdotū astimatur Deorum . . . maximus quisque; maximus videtur Rex, deinde Dialis, post hunc Martialis, quarto loco Quirinalis, quinto loco Pontifex maximus.* Itaque in conuiujs solus Rex supra omnes accubat; sed Dialis supra Martialem; Martialis supra proximum; omnes deinde supra Pontificem. Idem refert & Gellius ex Pontificalibus libris, his verbis: *Super hominem Dialem in conuiuio, nisi Rex Sacrificulus haud quisquā alius accumbit.* quin & mediij lecti locum apud Romanos, vt etiam apud Persas, Imperatorum, & honestissimarum personarum fuisse multa auctorum loca declarant. Suetonius de C. Caligula Imp. *Cum omnibus, inquit, sororibus suis stupri consuetudinem fecit; plenoq. conuiuio singulas infra se vicissim collocabat, vxore supra cubante.* medius ergo erat inter vxorem & sororem. Notatur verò à Suetonio Caius, quòd eum locū sororibus tribueret, qui vxori debebatur; vt ex Plutarcho cognouimus. In illo item conuiuio, quo apud Perpernam Sertorius occisus est; medium locum ipsi Sertorio, vt Imperatori datum, Sallustius apud Seruium scribit his verbis: *Igitur discubere, Sertorius inferior in medio, supra L. Fabius Hispaniensis Senator*  
ex

*ex proscriptis; Antonius in summo; infra scriba Sertorij Versius; & alter scriba Mæcnas in imo: medius inter Tarquitium & dominum Perpernam.* Sic enim hic Sallustij locus legitur in manuscriptis Seruij codicibus, licet apud eum mancus sit, cum non planè referatur, qui inter Tarquitium & Perpernam conuiuij dominum accubuerit. Et quoniam Seruius ex hoc loco probat, medium locum apud maiores fuisse domini conuiuij, & in eo conuiuij dominus erat Perperna; videtur legendum; *medius inter Tarquitium & . . . dominus.* nam Perpernæ nomen explanationis causa ab aliquo adiectum videtur. Quod verò dicitur, *Sertorius inferior in medio;* intelligo eū relicto medio lecto Perpernæ, qui se inuitauerat, inferioris lecti locum medium occupasse. Ex hoc loco præterea discimus, quid sit, *infra,* & *supra* discumbere, quid *in summo,* & *in imo.* Vt etiam ex illo Horatij lib. II. Sermone ultimo:

*Summus ego, et prope me Viscus Thurinus, & infra,*

*Si memini, Varius; cum Seruilio Balathrone*

*Vibidius; quos Mæcnas adduxerat umbras.*

*Nomentanus erat super ipsum, Porcius infra.*

En Mæcnatem magnum virum medium inter Nomentanum & Porcium accubuisse? Cicero lib. IX. Epistolarum, ad Pætum: *Accubueram hora nona apud Voluminium Eutrapelum: & quidem supra me Atticus, infra Verrius familiares tui: infra Eutrapelū Cytheris accubuit.* Solere autem huiusmodi mulieres, infra eos, hoc est, in sinu eorum accumbere, qui eas amarent, siue cōducerent, præter hūc Ciceronis locū & illum alterum Suetonij, T. Liuius cōfirmat; qui lib. XXXIX. de L. Quintio Flaminio sic scribit ex Vale.

Valerio Antiate: Placentia famosam mulierem, cuius amore deperiret, in conuiuium accersitam, scribit Antias, ibi iactantem se scorto inter cetera retulisse, quàm acriter quæstiones exercuisset, & quàm multos capitis damnatos in vinculis haberet, quos securi percussurus esset. tum illam infra eum cubantem, negasse vñquam vidisse quemquam securi ferientem, et peruelle id videre. hic indulgentem amatorem vñum ex illis miseris atrahi iussu securi percussisse. facinus sæuum, et atrox, inter pocula, atque epulas, vbi libare Dijs dapes, vbi benè precari mos esset, ad spectaculum scorti procacis in sinu Consulis recubantis mactatam humanam victimam esse, & cruore mensam respersam. Infra aliquem ergo cubare, & in sinu eius recumbere, idem esse manifestum est. Atque auctore Plutarcho is locus vxoris, aut filiorum, aut alioqui carorum hominum inter honestas personas fuit. Plinius Iunior lib. III. Epistolarum: Cenabat Imp. Nerua cum paucis, Veiento proximis, atque etiam in sinu recumbebat. Cenæ verò initio proni in ventrem decumbebant puluinis pectori appositis; quo vtraq. manus ad vescendum esset liberior; vt in antiquis marmoribus Romæ conspicitur; procedente autem conuiuium, in cubitum se reponebant, aut si loqui nollent, supini iacebant. Quærit Plutarchus lib. v. Symposiaca, quæstione vi. Cur cenæ initio angustè, postmodum verò laxius discumberetur: eamq. rationem reddit, quam supra retuli; quòd scilicet principio in ventrem discumberent, postea in cubitum; quod Horatius ostendit, cum scribit lib. II. Sat. III.

*Languidus in cubitum iam se conuiuia reponet.*

Ea omnia in marmoribus expressa videmus; sed ma-



ximè in Patauino triclinio, quod ex antiquissimo lapide effictum inferius dabimus. In eo enim ij, qui in medio lecto sunt, proni iacēt; qui in reliquis, partim in cubitum repositi, partim sedentium specie, partim supini; vt Sertorium accubuisse, refert Plutarchus, cū à cōiuratis occisus est. Atque in pleno conuiuiō plerunque terni in lectis accumbebant, nonnumquam & quaterni. Horatius lib. i. Satyr. iiii.

*Sæpe tribus lectis videas cenare quaternos;*  
aliquando etiam quini; vt in conuiuiō, quo occisus est Sertorius apud Sallustium; & in Nasidieni apud Horatium vidimus. Apud Macrobiū etiam li. iiii. cap. xiii. in cena Pontificali duobus lectis decem Pontifices accubuerunt, in tertio tres Virgines Vestales, ac Flaminica, eiusque socrus; licet id reprehendere videatur Cicero in Pisonem: *Exstructa, inquit, mensa non conchylijs, aut piscibus, sed multa carne subrancida, serui sordidati ministrant, nonnulli etiam senes; idem cocus, idem atriensis, pistor domi nullus, nulla cella, panis & vinum à propala, atque de cupa; Graci stipati, quini in lectulis, sæpe plures, ipse solus.* hæc Cicero. Nam exaclinon Martialis & sigma, quod conuiuas octo capere poterat, vt iam dixi, triclinij vicē obtinebat, non lecti. Conuiuis autem mensas dapibus onustas pro discis apponi solitas, Seruio credimus; qui ad illud Aen. i.

*Postquàm exempta fames epulis, mensaq. remota,*  
sic scribit: *Apud maiores ipsas mensas apponebāt pro discis, vnde est:*

———— *Et mensa grata secunda.*

*Duas enim habebant mensas, vnā carniū, alterā pomorū.* Reprehendit verò Martialis Anniū; apud quē da  
pes

pes lancibus potiusquàm mensis ipsis inferrentur;  
namque sic scribit lib. vi.

*Cum mensas habeat ferè ducentas,  
Pro mensis habet Annius ministros;  
Transcurrunt gabata, volantque lances:  
Has vobis epulas habete lauti,  
Nos offendimur ambulante cena.*

Cenæ initio oua apponebantur. hinc Cicero in epistolis: *Integram, inquit, famem ad ouum affero.* & Horatius lib. i. Sat. iii.

— — *si collibuisse*

*Ab ovo usque ad mala* citaret Io Bacche,  
id est, ab initio cenæ usque ad mensam secundam;  
quæ pomis, seu malis constabat, ut diximus; &  
apud Varronem lib. i. de Re rustica cap. ii. Cum quidam è conuiuiis, qui se tardiùs venisse existimabant, ita rogarent ceteros: *Num cena comesa venimus?* Respondent illi: *Bono animo este; nam non modo non ouum illud sublatum est, quod ludis Circensibus nouissimè curriculum finem facit quadrigis; sed ne illud quidem ouum vidimus, quod in Cereali pōpa solet esse primum:* quem locum, quia non nihil obscuritatis habet, breuiter interpretari haud ab re fuerit. Antiqui ouis & inchoabant dapes, & finiebant. Id ex eo cognoscitur, quòd cum Athenæus lib. ii. Oua inter cenæ principia numerasset; lib. xiiii. eadē in secunda mensa administrari solita his verbis refert: *ἡ δὲ πρῶτη τὸ αὐτὸν ἐν τῇ δευτέρᾳ παρατίθηται καὶ τῶν μελιπικτων.* Significat ergo Varro, non solum cenam finitam non esse, sed ne inceptam quidem. Id vero his figuris inuoluit. In pompa Cereris inter varia gestamina & fercula, quæ à sacerdotibus ferebantur, ouum primum locum

locū obtinebat; in Circo verò ova fuisse ad numerā  
 da curricula apposita, in multis marmoribus Romæ  
 videmus, & Liviū tradit his verbis lib. xli. licet  
 mutilo loco: *Et carceres in Circo fecit, & ova, ac me-  
 tas curculis numerandis*: & Cassiodorus lib. iii. va-  
 riarum ad Faustum: *Neque illud, inquit, putetur irri-  
 tum, quod metarum circuitus ouorum ereptionibus ex-  
 primatur*. Vltimum itaque ouum metis ereptum,  
 siue sublatum quadrigarum cursum, hoc est missum  
 illum esse finitum significabat. ait ergo: non modo  
 ouum illud sublatum non est, quod in circo finem  
 faceret, vt quadrigis, & in mensa secunda admini-  
 straretur, sed nec illud quidem visum, quod in poma  
 pa Cereris solet esse primum, atque dapes etiam in-  
 choare. Et apud maiores quidem singulis conuiuis  
 suæ certæ partes tribuebantur, postea in commune  
 vesci, ciuilius visum; auctor Plutarchus li. ii. Sym-  
 posiacon, quæstione x. Accipiebantur verò exqui-  
 sitissimis epulis; & supra omnem rei fidē sumptuo-  
 sis. Lucillum ex temporali cena, quam vt cotidia-  
 nam Cicroni, & Pompeio dedit, *μυρίαδας πέντε*, hoc  
 est, ferè quinque scutatorum millia insumpsisse,  
 Plutarchus tradit in eius vita. Sed quanto magnifi-  
 centius Aesopus histrio tragicus; cui vna tantum pa-  
 tina quindecim scutatorum millibus constitit; re-  
 fert id Plinius lib. x. cap. ii. his verbis: *Maximè insi-  
 gnis est in hac memoria Clodij Aesopi tragici histriionis  
 patina sexcentis sestertijs taxata, in qua posuit aues can-  
 tu aliquo, aut humano sermone vocales millibus sex sin-  
 gulas coemptas*; sex enim millibus legitur in m. f. Pli-  
 nij codicibus, & apud Tertullianū libro de Pallio,  
 hoc est, scutatis centum ferè, & quinquaginta singu-  
 las;



las; cuius filius ne patri in luxu cederet, singulos  
 vniones aceto tabefactos, & resolutos conuiuis ab-  
 sorbendos dedit. auctor Plinius lib. ix. cap. xxxv. lo-  
 quens enim de vnione illo Cleopatrar *centies sester-*  
*tium*, (hoc est scutatorum ducentis quinquaginta  
 millibus æstimato); quem ipsa simili modo liquefa-  
 ctum absorbit. Prior id, inquit, *facerat Roma in vni-*  
*onibus magna taxationis Clodius tragædi Aesopi filius*  
*vt experiretur in gloria palati, quid saperent margari-*  
*tæ, atque vt mirè placuere, ne solus hoc sciret, singulos*  
*vniones conuiuis absorbendos dedit.* Ceterum vnio-  
 nem, quem ipse absorbit *decies sestertium* (hoc est,  
 viginti quinque scutatorum millibus) æstimatum  
 scribit Horatius lib. ii. Satyr. iii. cum ait:

*Filius Aesopi detractam ex aure Metellæ,  
 Scilicet vt decies solidum absorberet, aceto  
 Diluit insignem baccam.*

Seneca lib. de Consolatione ad Albinam cap. x.  
*Apicius, inquit, nostra memoria in ea vrbe, in qua ali-*  
*quando philosophi veluti corruptores iuuentutis abire*  
*iussi sunt, scientiam popinæ professus, disciplina sua sacu-*  
*lum infecit: cuius exitum nosse operæ pretium est: cum*  
*sestertium millies in culinam conguessisset, cum tot con-*  
*giaria Principum, & ingens Capitolij vectigal singulis*  
*comestationibus hausisset, ære alieno oppressus, ratio-*  
*nes suas tunc primum coactus inspexit, superfuturum*  
*sibi sestertium centies computauit: & veluti in summa*  
*famæ victurus, si in centies vixisset, veneno vitam fi-*  
*nivit. Quanta luxuria erat: cui sestertium centies æge-*  
*stas fuit? hæc Seneca. Millies verò sestertium, vicies*  
*quinquies centena millia scutatorum sunt: vt cen-*  
*ties ducenta quinquaginta millia. Atque huiusmo-*  
 di

di quidem priuatorum conuiuia Romæ fuere. Quoties autem Imperator intererat, multum opulentia adiciebatur. Suetonius de Vitellio Imperatore: Sed vel præcipue, inquit, luxuria, sæuitiaq. deditus, epulas trifariam semper, interdum quadrifariam dispertiebat, in ientacula, & prandia, & cenas, commestationesque, facile omnibus sufficiens, vomitandi consuetudine: Indicebat autem aliud alij eodem die, nec cuiquam minus singuli apparatus quadringenis millibus nummū cōstituerunt. famosissima super ceteras fuit cena ei data aduentitia à fratre: in qua duo millia lectissimorum piscium, septem auium apposita, traduntur. Hanc quoque exuperauit ipse dedicatione patina, quam ob immensam magnitudinem clypeum Minervæ πολιοῦχου, distabat. In hac scarorum iocinera, phasianorum & pauonum cerebella, linguas phanicopterum, murenarum lactes à Carpathio vsque, fretoque Hispanico per nauarchos, ac triremes petitarum commiscuit. Porro, quod ait, ientacula, aut prandia, aut cenas, aut commestationes singulis quadringenis millibus ( sic enim legitur in vetustis codicibus ) constituisse; id decem millibus scutorum æstimari potest. Patinam verò ab ipso dedicatam vigintiquinque millibus scutorū cōstituisse auctore Plinius, qui lib. xxxv. cap. xii. de ea sic scribit, vt quidem legitur in vetustissimo codice: *At Hercules Vitellius in principatu suo decies sester-tium condidit ( al. conduuit ) patinam; cui faciendæ fornax in campis exædificata erat. Eam fictilem principio institutam; deinde quia commodè fieri non poterat, argenteam factam, refert Dio in Vitellio his verbis: μίαν γοῦν πότε λοπάδα πέντε καὶ ἑκοσι μυριάδων σιδέας, γλώττας τε καὶ ἑκατάλους καὶ ἥπατα καὶ ἰχθύων καὶ*  
*ἀρνί-*

ὁ γὰρ πῶς ἐμελλόν. καὶ ἐπειδὴ ἀδύνατον ἦν καὶ ἐμὴν  
 τηλεφύτου γυναικὸς γύρε τε ἐποιήθη, καὶ ἐμὴν πολὺν χρόνον  
 ὥστε πὶ ἀνέστη, μέγας δὲ ἀδύνατος ἀντὶ τῶν συνελθόντων.  
 Suetonius item in Nerone: *Indicebat & familiari-*  
*bus cenas, quorum vni mellita quadragies HS constite-*  
*runt, alteri pluris aliquantò rosaria.* Sic habent vulgati  
 libri. Verùm cum ea summa fidem excedat, colligit  
 enim scutatorum centum millia, peccatum esse à li-  
 brario crediderim. Vetustus codex habet: Q. HS. *con-*  
*stitit*, vt sit quadringentis sestertijs, hoc est scutato-  
 rum decem millibus. Seneca verò in libro de Con-  
 solatione ad Albinam matrem de Caio Caligula  
 Imperatore sic scribit cap. ix. C. *Cesar Augustus,*  
*quem mihi videtur rerum natura edidisse, vt ostende-*  
*ret, quid summa vitia in summa fortuna possent, centies*  
*sestertium cenauit vno die; & in hoc omnium adiutus*  
*ingenio, vix tamen inuenit, quomodo prouinciarum tri-*  
*butum vna cena fieret.* Centies sestertium aestimari  
 ducentis quinquaginta scutatorum millibus, sæpe  
 iam diximus; quæ vna in cena impendi posse nulla  
 ratione persuaderi potuit Triumuiro Antonio, cum  
 Cleopatra regali luxu perdita id se facturam polli-  
 ceretur, vt refert Plinius lib. ix. cap. xxxv. Sed ne  
 hæc mira videantur, adijcere libet quorundam pi-  
 scium (piscibus namque sumptuosæ, & opiparæ  
 cenæ magna ex parte constabant) pretia. Seneca  
 lib. Epist. xv. epist. xcvi. *Mullum, inquit, ingentis*  
*formæ quare non pondus adijcio, & aliorum gulam irri-*  
*to?* quattuor pondo et ad selibram fuisse aiebāt, P. *Octa-*  
*uius quinq. sestertijs emit.* id erit, scutatis cxxv. Sed  
 carius multo Asinius Celer, de quo hæc Plinius  
 lib. ix. cap. xvii. *Asinius Celer è Consularibus hoc*  

C      pisce



*pisce prodigus Claudio principe unum mercatus est octo millibus nummum, hoc est scutatis c c. adjicit: non parum ad hoc nulli (vulgo triglia dicitur) pretium; quod ut ait Macrobius lib. III. cap. VI. negat Plinius sua, hoc est, Claudij principis ætate facile nullum repertum, qui duas libras pondo excederet. Sed aliquantò etiam magis, quod legitur apud Suetonium in Tiberio: Tres, inquit, mullos triginta millibus nummum venisse grauitè Tiberius conquestus est. Id valet scutatos DCCC. Et Lucilius lib. XIII. satyrarum:*

*—— his itidem in cena ostrea mille*

*Nummis empta.*

Quis facile crederet Lucilij ætate singula ostrea mille nummis (hoc est scutatis decem) empta fuisse? Neq. verò, secundæ mensæ, quæ bellarijs, mellitis, & pomis constabant, sumptu primis cedebant; quando illi familiari Neronis, ut diximus, mellita vnius cenæ, decem millibus scutatorum constiterunt: et poma Varronis ætate Romæ in Sacra Via auro contra venibant, ut ipse refert lib. I. de re rustica, cap. I. Plinius certè lib. XV. cap. XII. de persicis, ita scribit: Pretium iam singulis tricenari nummi fuere, nullius maiore: quod miremur, quia non aliud fugacius. Longinqua namque decerpto bidui mora est, cogitq. se venundari. hæc ille. Tricenos autem nummos plusquàm nouem drachmis, siue iulij argenteis æstimare possis; sed immensum est ire per singula. De vinis tantummodo pauca dicā. Ea dabantur generosissima partim trāsmarina, Lesbia, Chia, Coa, Græca. Plautus in Pænulo:

*Vbi tu Leucadio, Lesbio, Thasio, Coa, vetustate vi-*

no edentulo *Ætatem irrigas;*

partim Italica, vt Falerna &c. et reliqua, quæ numerat Plinius lib. xxiii. cap. i. & vetustissima. Seneca lib. de Vita beata cap. xvii. *Quare, inquit, apud te vinum ætate tua vetustius bibitur.* Celebratur à Macrobio lib. ii. Satur. cap. iii. iocus ille Ciceronis, qui cum apud Damasippum cenaret; & ille, mediocri vino apposito, diceret, *bibite hoc falernum, annorum quadraginta est,* benè, inquit, *ætatem fert.* Iocatus est autem Cicero ex ambiguo, vt hunc locum obiter exponam: Nā *benè ferre ætatem* dicitur, qui cū sit senex, aspectu tamen iuuenis apparet. Vinum autem benè ætatem fert, quod verustate non euanescit, sed in sua vi, & gratia perseuerat; vt contra, non pati ætatem dicitur, quod in acetum mutatur, aut vappam; & ille etiam, qui cum sit iuuenis, senior ex aspectu iudicatur. Seneca lib. Epist. v. epist. lvi. *Ariston dicebat, malle se adolescentem tristem, quàm hilarem, & amabilem turbæ: Vinum enim bonū fieri, quod recens; durum, atque asperum visum est, non pati ætatem quod in dolio placuit;* et Apuleius lib. v. de Cupidine, quem Venus puerum vocabat, cum esset inter vetustissimos Deos annumerandus: *An* inquit, *quod ætatē portat bellulē (hoc est, quod inuestis & imberbis est) propterea tibi puer sēper videtur?* Et Seneca lib. epist. xiii. epist. lxxxix. *Non magis ad rem pertinet, quàm scire; an maior Hecuba fuerit, quàm Helena; & quare tam malè tulerit ætatem.* Igitur Damasippus existimauit Ciceronem falernum vinum laudasse; quod cum quadraginta annorum esset, benè ætatem tulisset. neque tanta senectute euauisset: cum tamen ille, è contrario diceret, fa-

lernum benè ætatem ferre, ac nouum videri, non tam vetustum, quàm ille iactasset. vinum autem ante centum & sexaginta annos diffusum Pomponium Secundum Caio Imperatori dedisse, cū apud se cenaret, tradit Plinius lib. xiv. cap. iv. cuius singulas vncias magno æstimat. Quò autem vina leuiora essent, sacco frangebant eorum vires. Plinius lib. xiv. cap. xxii. *Quinimo*, inquit, *quò plus capiamus, sacco frangimus vires; id cāstrare vina alij vocant, colo vinario infusa.* Ministrabant verò pueri ætate pares, pretiosa veste ornati, potius quàm vestiti: vt etiam puellæ. Virgilius A en. i.

*Quinquaginta intus famulæ, quibus ordine longo  
Cura penum struere, & flammis adolere Penates;  
Centum alia, totidemq. pares ætate ministri;  
Qui dapibus mensas onerent, & pocula ponant.*

Seneca lib. i. de trauquillitate vitæ cap. i. *Præstringit animum apparatus alicuius pædagogij diligentius, quàm intra larem vestita, & auro culta mancipia, & agmen seruorum nitentium;* & lib. de vita beata cap. xvii. *Quare apud te vinum ætate tua vetustius bibitur? quare pædagogium pretiosa veste succingitur? quare ars est apud te ministrare; nec temerè, & vt libet collocatur argentum, sed peritè seriatur; & aliquis est scindendi obsonij magister?* Puellas verò ministrantes mēsis in marmoribus Romæ passim videmus. Suetonius in Tiberio: *Sexto, inquit, Claudio libidinoso, ac prodigo seni cenam ea lege condixit, ne quid ex consuetudine mutaret, aut demeret: vtque nullis puellis ministrantibus cenaretur.* Ministrabant autem nunc à lateribus lectorum, nunc à pedibus: Nam triclinia in medio cenationum sternebantur: vt liber locus

mi-



ministrantibus relinqueretur. Virgilius Aen. I.  
*medijsq. parant conuiuia testis.*

Et lib. III.

*Aulai in medio libabant pocula Bacchi,  
 Impositis auro dapibus.*

Hi, qui retro stabant, à pedibus stare dicebantur, siue ad pedes. Seneca lib. III. de Benef. cap. XXVII. Servius qui cenanti ad pedes steterat, narrat quæ inter cenam ebrius dixisset. Suetonius de Galba Imperatore: Cibi plurimi traditur, quæ tempore hiberno etiam ante lucem capere consueuerat. Inter cenam verò usque adeo abundantem, ut congestas super manus reliquias, circumferri iuberet, spargiq. ad pedes stantibus. Suetonius de Caligula: quosdam Senatorum summis honoribus functos ad essedum sibi currere togatos per aliquot passuum millia; & cenanti, modo ad pluteum, modo ad pedes stare succinctos linteo passus est. Martialis:

*Omnia cum retrò pueris obsonia tradas:*

*Cur non mensa tibi ponitur à pedibus?*

Qui verò vinum ministrabant, ad cyathum & vinum stare, dicebantur. Suetonius in Cæsare: C. Memmius etiam ad cyathum & vinum Nicomedi stetisse obiecit illi cum reliquis obsoletis, pleno conuiuio accubantibus nonnullis vrbicis negotiatoribus, quorum refert nomina. Est autem cyathus duodecima pars sextarij: quem sextarium Romani, ut assem, in duodecim vncias, quas cyathos appellabant, diuidebant: his cyathis vinum metiebantur, atque inde frequens est apud auctores potare sextantes, quadrantes, trientes, & reliquas assis partes. Martialis:

*Poto ego sextantes, tu potas Cinna deunces.*

Sextantes pro duobus cyathis posuit, & deunces pro

vndecim. Hunc cyathum ministrantes manu tenebant; vt quod quisq. posceret, metiri possent. Hinc apud Plautum in Persa, puer, qui erat ad cyathum;

*At tibi ego, inquit, hoc cōtinuo cyatho oculum excutiam tuum:* Constituebant & Regem vini siue Magistrum potandi. Varro, lib. xx. rerum humanarum: *In conuiuijs, qui sint instituti potandi modiperatores.* Cicero in Catone, de conuiuijs: *Me verò magisteria delectant à maioribus instituta, & is ordo, qui more maiorum à summo adhibetur in poculis.* Incipiebant verò ministrare ab ijs, qui in summo accumbebant. Inde toties est apud Plautum:

*Da puere ab summo.*

Cornelius Tacitus lib. III. *In conuiuiio Germanici, cum super eum Piso discumberet, infectos manibus eius cibos arguentes.* quamquam Seruius ad illud Aen. I.

*Postquā prima quies epulis, mensæq. remotæ: licet sub extranea persona, inquit, Romanorum tamen exequitur morem; apud quos duæ mensæ erant, vna epularum, altera poculorum: et Aen. VIII.*

*Hec vbi dicta, dapes iubet & sublata reponi*

Pocula. Suetonius in Claudio: *Conuiuia, qui pridie scyphum aureum surripuisse existimabatur, reuocato in diem posterum, calicem fictilem apposuit.* Ex quibus apparet pocula ipsa apponi solita, non à ministris porrigi. sic Cleopatram Aegypti reginam in solempni cena, quam Antonio dedit, refert Plutarchus singulis Antonij amicis, quos simul conuiuiuo acceperat, donasse lectum, ac stragulum, in quo accubuerat, & vasa, quæ cuique lecto dispartita erant. Plutarchi verba apposui: ὅς τ' ἡ βασιλίσσης ἐφ' ἡ ἑσπέρης κατέκειτο κλίνη καὶ τὰ κλισία καὶ δὲ τὰς σπονδας

Quoties autē pretiosa fercula inferebantur, ministri coronati ac cum tibicine procedebant. Sambonicus apud Macrobiū lib. III. cap. XVI. ad Severum Imp. scribens de acipensere, (vulgo sturio appellatur) ita ait: *Gratiā eius video ad epulas quasi postliminio redisse. Quippe qui dignatione vestra cum intersum conuiuiō sacro, animaduerto hunc piscem à coronatis ministris cum tibicine inferri.* Inter cenādum, acroamata omnis generis adhibebantur, nam aut symphonia personabat triclinium, aut instrumenta, organaq. varia concinebāt, aut tragœdiæ, comœdiæ, mimi que agebantur, aut spectacula alia iucunda inducebantur: incēdebantur & odores naribus gratissimi. Seneca de Vita beata cap. XI. *Aspice, inquit, Nomentanū, & Apicium terrarum, ac maris, ut isti vocant bona conquirentes, et super mensā recognoscentes omnium gentium animalia. Vides hos eosdem è suis lectis spectantes popinam suam, aures vocū sono, spectaculis oculos, saporibus palatum suum delectantes, mollibus lenibusq. fomentis totum laceffitur eorum corpus, & ne nares interim cessent, odoribus varijs inscitur locus ipse, in quo luxuria parentatur.* Sic & Plautus in Menæh.

*Sternite lectos, incendite odores.*

Hinc apud Virgilium Aen. I. in conuiuiō Didonis.

— cithara crinitus Iopas

*Personat aurata.*

Et Liuius lib. XXIX. *Tunc psaltria sambucistriaq. & conuiualia ludionum oblectamenta addita epulis.* Macrobius lib. II. Saturnal. cap. IV. de Augusto, *Delectatus, inquit, inter cenam erat pueris symphoniacis Turonij Flacci mangonis: atque eos frumento donaue-*



rat; cum in alia acroamata fuisset liberalis nummis. Hinc in marmoreis triclinijs fidicinas, & aulædos scalptos videmus; Plautus in Sticho:

*Lectos eburatos, auratos, Babylonia peristromata,*

*Consutaq. tapetia, fidicinas, tibicinas, sambucinas.*

Macrobius item lib. II. capit. VII. Pylades histrio cum in Herculem furem prodisset, sagittas iniecit in populum: Eandem personam cum in triclinio ageret, & intendit arcum, & spicula immisit. Elephantos etiam inductos, refert Plinius lib. VIII. cap. II. Plenis, inquit, hominum triclinijs accubitu elephantos iere per lectos, ita libratis vestigijs, ne quis potantium attingeretur. Quibus omnibus cum placebant, corollaria dabant conuiuij Domini, vt de Augusto ex Macrobio supra iam retuli. Cicero in Verrem IV. Cenabat apud Eupolemum, argentum ille, ceterum purum apposuerat, ne purus ipse relinqueretur; duo pocula non magna, verumtamen cum emblematis; Iste quasi festiuum acroama, ne sine corollario de conuiuijs discederet, ibidem conuiuijs spectantibus emblemata euellenda curauit. Atque hæc quidem in priuatis conuiuijs; nam cum aut Princeps ipse inuitabat, aut nuptiæ celebrabantur, aut cenæ Pontificales, Augurales, triumphalesve, aut cum epulum in magni alicuius viri funere populo dabatur, multo plures numero conueniebant, quàm supra diximus; & apparatus magnificentior esse solebat. Suetoni<sup>o</sup> in Caligula de eodem: Nepotinis sumptibus omnia prodigiorum ingenia superauit; commentus nouum balnearum vsum, portentosissima genera ciborum, atque cenarum, vt calidis, frigidisq. vnguentis lauaret, pretiosissimas margaritas aceto liquefactas sorberet, conuiuijs

uiuis ex auro panes, & obsonia apponeret, aut frugi hominē esse, oportere dictitans, aut Cæsarem. Idē de Claudio Imperatore: Conuiuia agitauit, & ampla, & assidue, ac ferē patentissimis locis, vt plerumque sexcenti simul discumberent. & de Tiberio: Prandium de hinc populo mille mensis, & congiarium tricenos nummos viriū dedit, quod ante Crassus fecerat, cum decimam Herculi polluceret, de quo Plutarchus: ἱρακλῆς inquit, μεγάλῳ δούτῳ ποιησάμενος, εἰσάσσει τὸν δῆμον ἀπὸ μισθίων τεταπίζων, καὶ οἱ τὸν ἐμᾶς ἦσαν εἰς τείμνον. Iulius verò Cæsar populum inuitauit viginti duobus millibus tricliniorum, eodem Plutarcho auctore. Sic enim scribit: τὸν δῆμον ἀνελάμβανον ἐστάσσει καὶ δέαις, ἐστάσσει μὲν ἐν δούμυροις καὶ διχαλίσις τεχνίσις δημοῦ σύμπαντας. Centum enim & quinquaginta hominum millibus vno tempore cenam parauit, ad quam ab vno tantum Hircio sex millia murænarum ad pondus mutuo sumpta plures auctores tradunt, ex quo reliquā magnificentiam æstimare licet. Pontificalis cenæ indicem licet antiquæ parsimonix habes apud Macrobium lib. iii. cap. xiii. Dabāt & principes epulum nonnunquam Senatorio tantum ordini, interdum & Equestri. Suetonius de Caligula. Congiarium populo bis dedit trecenos ἢ s toties abundantissimum epulum Senatui & Equestri ordini, etiam coniugibus ac liberis vtrorumque, posteriore epulo forensia insuper viris, pueris, ac feminis fascias purpuræ ac conchylij distribuit. Hæc autem quæ abeuntibus conuiuiis a coruij domino dabantur, apophoreta dicebantur, voce Græca, sed latinis etiam auctoribus vsurpata; vt ea fuerūt, quæ Cleopatram, Aegypti Reginam Antonij comitibus dedisse, supra diximus; Suetonius de

Caligula; Agitatori Eutycho comeſſatione quadam i-  
 apophoretis vicies HS contulit. S. Ambroſius in ex-  
 hortatione ad Virgines: Qui ad conuiuium, inquit, ma-  
 gnum inuitantur, apophoreta ſecum referre conſueue-  
 runt, &c. Et ille, qui Ambroſij nomine circumfertur  
 in Epift. ad Ephes. cap. III. Sicut enim in cena magna  
 magna dantur apophoreta &c. Illud non omiſerim  
 amiſſe quosdam magno conatu, & ingenti non-  
 nunquam pretio redemiſſe à vocatoribus, vt conui-  
 uio principis adhiberentur. Suetonius in Caligula:  
 Compererat provincialem locupletem ducenta HS nu-  
 meraſſe vocatoribus, vt per fallaciam conuiuii interpo-  
 neretur; nec tulerat moleſtè tam magno æſtimari hono-  
 rem cenæ ſuæ &c. Porro ducenta feſtertia quinque  
 millia ſcuratorum ſunt. Ceterum vt ad inſtitutum  
 ordinem redeam, poſt prandiū iterum manus laua-  
 bant. Macrobius lib. III. cap. VI. ex Veratio Pontifica  
 li ſic ſcribit: Pinarijs, qui nouiſſimi comeſo prandio ve-  
 niſſent, cum manus pransores lauarent, præcepiſſe Her-  
 culem etc. Tertullianus in Apologetico de conuiuijs  
 Chriſtianorum: Non prius diſcumbitur, quàm oratio  
 ad Deum præguſtetur; editur quantum eſurientes ca-  
 piunt, bibitur quantum pudicis eſt vtile. Ita ſaturantur,  
 vt qui meminerint, etiam per noctem adorandū Deum  
 ſibi eſſe: ita fabulantur, vt qui ſciant Dominum audire.  
 Poſt aquam manuaſalem, & lumina; vt quiſque de ſcri-  
 pturis ſanctis, uel de proprio ingenio poteſt, prouocatur  
 in medio Deo canere. hinc probatur quomodo biberit:  
 æquè oratio conuiuium dirimit, inde diſceditur. hæc il-  
 le. & nos quoque à tam luxurioſis, & profanis Ro-  
 manorum conuiuijs diſcedemus, ſi prius locum  
 quèdam Philonis Iudæi ex libro de vita contempla-  
 tiua



tina integrum exscripserimus : Sed fortasse , inquit , probabit aliquis , morem hunc conuiuiorum iam vulgo receptum apud Græcos , atque barbaros , à Romanis inuentum , non tam ad hilaritatem , quàm ad ostentationem deliciarum , & opulentiae . Triclinia lectos habent eburneos , aut testudineos , aut pretiosioris materiae , gemmatos plerosq. stratos auro intexta purpura , vel alijs floridis coloribus varijs oculos allicientibus , poculorum etiam vim magnam , digestorum per suas species . Praesto sunt enim scyphi , calices , phialæ , thericlea , toreuma taq. clarorum artificum ; ministrantibus formosis mancipijs , non tam ad praesens ministerium quaesitis , quàm ad exhilarandos aspectu conuiuiarum oculos . Ex ijs minores pueri pincernas agunt , grandiores aquam afferunt , loti , & nitidi , fucatiq. ac cincinnati : (alunt enim capillitium) vel omnino intonsi , vel à fronte tatum praeseclis in orbem crinibus , tenuissimas candidasq. praecincti tunicas anteriore parte ad genua demissas , posteriore ad poplites , & trimque mollihus tenuijs astricti commissuras tunicæ propendentibus ad latera sinibus . Sic ornati adstant nutus observando , quid quisque postulet . Adsunt & alij adolescentes prima lanugine malas vestiti ; qui paulò ante amatorum suorum deliciae fuerant , curiosè docti grauioris momenti ministeria , mera ostentatio magnæ opulentiae , vt conuiuæ splendore stupefacti faciliè intelligant à quanto uiro , quamq. magnifico sint ad mensam communem adhibiti : cum tamen totum hoc negotium uera aestimatione aliud non sit , quàm stolidus luxus hominis abutentis fortunæ beneficio , sicut testari possunt , quibus comperta sunt talia . Huc accedunt uaria bellariorum , obsoniorum , condimentorumq. species , elaborata à pictoribus , & cupediarijs , quorum est cura

non tantum gustui satisfacere, uerum etiam oculos exhilarare mundicijs. Sic fit, ut septem, uel etiam plures mensæ inferantur, plenæ omnium, quæ terra, mares, amnes, aerq. ferunt selectis suauissimis carnibus terrestrium, aquaticorum, & uolucrum, paratura simul, ac conditura uariantibus. Ac ne quid prætermittatur naturæ munerum, tandem apponuntur poma nucesq. dapiliter, seruatis alijs eiusdem generis ad comestationes, quas uocant. Deinde aliæ patinæ efferuntur uacuata à conuiuijs uoracibus, more fulicarum explentibus se in tantum, ut ossa etiam arrodant: aliæ cum fædè discerptis, semesisq. reliquijs. Vbi uerò usque ad fauces expleti, nil possunt amplius, edendo lassati, appetitu esuriunt, oculos pascendo carniū opimarum copia, nidorem uerò exhalantem attrahendo naribus. Postremo his quoque sensibus saturatis, faciunt mentionem de habitu, egregiè collaudata conuiuatoris magnificentia, &c.

**A**Tq. ut ad id tandem veniam, cuius gratia hæc omnis à nobis est suscepta, atq. instituta oratio; in ijs conuiuijs, quæ Dominus, & Redemptor noster dum inter homines versaretur, inisse memoratur, omnia more Romano administrata fuisse, certis quasi indicijs reperiemus. Siue quòd id omnium gentium approbatione in consuetudinem esset perductum, ut ex ijs, quæ scripsi superius, faciliè colligas; siue quòd Hebræi iam inde à Pompeio in ditio nem, potestatemq. Romanorum redacti ( ut erat ea gens in iis, quæ patrijs legibus non obuiarent, in adulationem profusa ) ad victoris dominantisq. populi instituta se victusq. sui rationem accommodauerant. Nam ut ea omnia, quæ supra dixi, com-

pendio repetam ; Romani tribus lectis in cenaculo stratis apparabant conuiuia, & Christi discipuli cenam illam apparatus, quæ ante Passionem extrema fuit, *inuenerunt cenaculum grande stratum, atque ibi parauerunt.* Tribus autem lectis eos cenasse illud indicio est ; quod cum tredecim essent, in eandem omnes patinam porrigebant manus . quod si mensæ perpetuæ fuissent, fieri haud quaquam posset . *Qui intingit,* inquit Dominus, *manum in paropside, hic me tradet ;* neminem vnum hac voce designās ; cum id omnes ex æquo facerent . Romani lautī , & vñcti conuiuia inibant, & Christi discipulos lautos accubuisse ex eo coniectari possumus, quod cum Petrus primò negaret futurum vnquam, vt sibi Christus pedes ablueret ; deinde tam minaci responso territus, non solum pedes, sed & caput & manus abluendas offerret, audit à Domino: *Qui lotus est, non indiget, nisi vt pedes lauet, & est mundus totus:* quo significari videtur, illos lotos discubuisse, nec debuisse abluere; nisi siquid sordium pedes inter ueniendum fortè contraxerant. Et alioqui Iudæi omnes, Euangelista Marco testante, nisi crebro lauissent manus, non manducabant; & à foro nisi baptizarentur, cibum non sumebant . Hinc apud Lucam Phariseus ille, qui Dominum inuitauerat, mirabatur, quod Christus non baptizatus esset ante prandium . Verum obiter notandum videtur id, quod superiori sententiæ Christus adiecit: *Vos autem mundi estis, sed non omnes ;* ambigüe positum esse . Discipuli enim intellexerunt, se non omnes partes corporis mundas habere ; ideoq. eorum pedes ablutione indigere; Christus autem non omnes duodecim à peccato esse

Luc. 22.

Matth. 26.

Ioan. 13.

Marc. 7.

Luc. 11.

Ioan. 13.



- esse mundos, etiam intelligi voluit; quod ut explicaret Ioannes, adiecit: Sciebat enim quis nam esset, qui traderet eum; propterea dixit: Non estis mundi omnes. Vfus est & alibi hac verborum ambiguitate Dominus; nam cum Iudæi ab eo signum peterent: Soluite, inquit, templum hoc, & in tribus diebus excitabo illud: quod verbum ipsi cum de Salomonis templo dictum acciperent, responderunt: Quadraginta et sex annis adificatum est templum hoc, & tu in tribus diebus excitabis illud? Sed errorem eorum arguens Ioannes: Ille autem, ait, dicebat de templo corporis sui. Vñctos verò fuisse illud persuadere videtur, quod verisimile sit id, ab opulento illo patrefamilias, qui eos exceperat non prætermisum, cum percrebuisset iam, & in ore omnium esse cœpisset, Christum obiecisse Simoni, quod ab eo inuitatus ad cenam, id officij non exhibuisset: Veni, inquit, in domum tuam, aquam pedibus meis non dedisti, oleo caput meum non unxisti. et ab huiusmodi vnctione Dominum non abhorruisse ex eo apparet, quod inter diuina illa præcepta: Tu autem, ait, cum ieiunas unge caput tuum, & faciem tuam laua: ut prandisse videlicet iam, non adhuc ieiunus esse videaris. Romani accubitus vestem mutabant, & Christi discipulos vestem mutasse inde cognosci potest, quod adolescens ille (Euangelistâ Ioannem fuisse S. Ambrosius atque alij testantur) qui à cena in hortum cum Christo secesserat, amictus sindone super nudo traditur fuisse, quasi veste adhuc cenatoria indutus; quod si solitum illi, & quotidianum fuisset, non vtrique ab Euangelista id memoriæ traderetur. et quidem in marmoribus Romanis accumbentes in triclinariis le-*

Eis magna ex parte vna tantum veste super nudo  
 lecti conspiciuntur. Sed & ille, qui non indutus ve-  
 ste nuptiali in conuiuium irrepsit, in tenebras exte-  
 riores proijci iubetur. Manus lauabant illi ante ce-  
 nam, & hos etiam abluisse credendum est, post-  
 quam à Phariseis vitio eis datū fuerat, quòd illotis  
 manibus cibum sumerent: nam huiusmodi scandala  
 vitare nitebātur. *Ne scandalizemus eos*, ait Dominus  
 Petro, *vade da illis pro me & te*. Certè id Iudææ gen-  
 ti in vsu fuisse, Phariseorum exprobratio declarat.  
 Accumbentes, non sedentes cenabant Romani: Et  
 hos similiter accubuisse verbum ipsum accumbere,  
 aut recumbere quo semper vtuntur Euangelistæ;  
 sed & quæ inferius dicam, satis declarant. Altis to-  
 ris illi discumbebant; & tricliniaries lectos, in qui-  
 bus Christus cenabat, altiores fuisse, hoc argumen-  
 to est, quòd mulier illa stans retro secus pedes eius,  
 stans, inquam, non procidens, non genu nixa, eos  
 lachrymis rigat, & capillis tergit: quo lectorum  
 altitudo euidenter ostenditur. Soleas illi depo-  
 nebant accubituri, nudisque pedibus cenabant,  
 et Christus nudos discipulorum pedes abluit; et  
 Maria ipsius Domini nudos pedes lacrymis rigat;  
 cum calciatum incessisse Christum Baptista Ioan-  
 nes innuat, negans se dignum, qui eius calciamen-  
 ta portaret; nam de eius discipulis minus dubita-  
 tur, cum Petro in robur, & vincla coniecto præ-  
 cipiat Angelus, *ῥαδίοναι τὰ σανδάλια σου*. Hierony-  
 mus in Elai, cap. xx. *Calciamenta*, inquit, *ἢ xx. sanda-*  
*lia, idest, caligas vocant. Calcia te caligas tuas*; et apud  
 Marcum legatur, misisse illos Dominum, vt Euan-  
 gelium prædicarent, non habentes æs in zonis, sed

Matt. 22.

Matt. 7.  
Mat. 17.

Luc. 7.

Matt. 3.

Mar. 6.

tan-

tantum calciatos sandalijs . Romani liberos suos, aut eos, quos caros habebant in contuberniis infra se, hoc est, in sinu suo collocabant ( nam id esse in sinu recubere, superius ostendi. ) et Ioannes Christo maximè carus, in ipsius sinu recubuit ; & in eius pectus

**Ioan. 13.** sese quàm familiariter reiecit, dum ex eo quærît, quis illum esset traditurus. Ambrosius in cap. xv. Lucæ, ad illud *Cecidit in collum eius: Nōne, inquit, tibi videtur Christus cecidisse in collum Ioannis*, quando erat Ioannes in sinu Iesu, ceruice recumbens reflexa? Et ideo verbum apud Deum vidit, quia erectus est ad superna . Regem sacrorum, qui apud Romanos maximæ dignationis erat inter Pontifices, summum locum medijs lecti in Pontificalibus cenis occupare solitum, neminemq. supra eum accubare diximus ; & in his Pontificalibus cenis Christus verè Rex & Sacerdos secundum ordinem Melchisedech, eundem locum occupat, nec quisquam super eum accubat: alioqui non potuisset Maria alabastrum vnguenti effundere super caput ipsius recubentis, si in medio lecto accubuisset; aut ipse Ioannem in sinu habere, si in imo. Romani non raro quini in lectis discumbebant, vt supra retulimus; et Christi discipuli, vt verisimile est quini in duobus lectis discubere, in reliquo autem tres tantum: ipse nempe Dominus, & Ioannes, ac si diuinare permittitur, Petrus, is enim veluti proximus Ioanni innuit, vt ex Domino auctorem tanti facinoris quæreret. In commune illi vesebantur, vt ex Plutarcho superius retuli, & ij in commune vescuntur, omnesq. in eandem patinam manus porrigunt. *Qui intingit, inquit, mecum manum in paropside, hic me tradet.* Magistrum potandi, aut Regem

**Psal. 109.**  
**Heb. 7.**

**Luc. 7.**

**Ioan. 13.**

**Marth. 26.**



gem vini illi constituebant; & huiusmodi munus ali  
 quod in illis nuptijs, quibus Christus interfuit, archi  
 triclinū obijſſe apparet; cum illi aquam vinum factā Ioan. 3.  
 Dominus afferri iubeat. Spectacula Romani, & va-  
 ria acroamata inter cenandū adhibebāt, odoresq. sua-  
 ues incendeiebāt; Sed neq. Christi cōuiuijs sua specta-  
 cula, sua acroamata sui odores, aut multò etiā iocun-  
 diores defuerunt. Quod enim spectaculū fuisse puta-  
 mus; cum cæli & mundi Dominus positis vestibus,  
 ac linteo præcinctus in seruilē modū ad pedes pisca-  
 torum, atq. discipulorum deiectus, suis eos manibus Ioan. 13.  
 abluere, & linteo, quò erat præcinctus tergere specta-  
 tum est? Aut quod vnquam aliud spectaculum tanto  
 tamq. immortalī potuit conuiuas gaudio, ac volu-  
 ptate perfundere? cum id factum, & immensi amo-  
 ris, & perpetuæ Domini erga eos voluntatis argumē-  
 tum insigne foret? *Cum dilexisset*, inquit Ioannes,  
*suos, qui erant in mundo, in finem dilexit eos; & cena*  
*facta surgit à mensa, & ponit vestimenta sua.* Comœ-  
 diæ apud Romanos inter epulas agebantur; sed  
 cuius comœdiæ catastrophe tantam rerum conuer-  
 sionem spectandam præbuit, quantam mulier illa Luc. 7.  
 in ciuitate peccatrix; quæ oculorum venustate, ca-  
 pillorum ornatu, oris suauitate, & munditia homi-  
 nes allicere, & ad se conuertere solebat; ex illis ipsis  
 oculis distillantibus instar riui perennis lacrymis pe-  
 des Christi rigare, & suis illis crinibus illektoribus  
 tergere, & suauī ore suauiri, atq. illis affectuo-  
 sissima oseula figere non cessabat? Aut quam volu-  
 ptatem id etiam Angelis spectatoribus attulisse, ere-  
 dimus; cum ingens gaudium sit in cælo super vno Luc. 15.  
 peccatore pœnitentiam agente? Neq. verò hoc tam

- gratum acroama sine insigni corollario discessit, nā  
*Luc. 7.* ad mulierem conuersus benignus Dominus: *Remittuntur*, inquit, *tibi peccata; fides tua te saluā fecit. vade in pace.* Iam quod acroama, quem symphonix cantum cum diuino illo hymno compares? *Et hymno,*  
*Matth. 26.* inquit, *dicto exierunt in montem Oliueti.* Et quamquā suauissimus odor, tamquam ē fragrantibus floribus afflaretur ex conuiuiis ipsis, qui cū Paulo dicere poterant: *Nos autem bonus odor sumus Deo;* non defuerunt tamen illi conuiuio odores alij iocundissimi. *Es*  
*Ioan. 12.* *fuso enim alabastro vnguēti nardi pistici pretiosi, impleta est,* inquit, *domus ex odore vnguenti.* Deniq. vt omnia (quemadmodum dixi) semel ostēdam ex Romanorum moribus tracta; qui conuiuiis abeuntibus grata, & pretiosa solebant apophoreta conferre, liberalissimus, ac sui nimium profusus Dominus, ex hoc mundo ipse discedens, pretiosissimum corpus suum & sanguinem conuiuiis in apophoretis dedit, vt sibi haberent, vt secum domum deducerent; vt iter ingredientibus, etiam pro viatico foret. Restat, vt quoniam Romani ambiebant, & magno etiam interdum pretio redimebāt, vt inter amicos principis eius epulis interessent; ambiamus & nos quoq. qui seclatorum Christi nomine censemur; vt peccatorum sordibus ablutos, bonorum operum vnguēro nitidos, nuptiali & coniuiali stola innocentix indutos, trerenorum affectuum nexibus liberatos, suis magnificentissimis epulis princeps noster adhibeat: Vt edentes, & bibentes super mensam eius, illa spectacula spectemus, illa acroamata audiamus, illa gaudia gaudeamus; quæ neque oculus vidit, neque auris audiuit, neque in cor hominis ascenderunt.

*Luc. 221*

*2. Cor. 2.*

# TRICLINIVM PATAVINVM.



Ambrosius lib. de Elia, & ieiunio ca. XVII. Per cornu etiā  
 fluentia in fauces hominum vina decurrunt, & si quis respira-  
 uerit, commissum flagitium, soluta acies, loco motus habetur.  
 Philo libro de Ioseph. ἐξῆς ὃ προσέξαντες καὶ τὰς ἡλικίας καὶ δι-  
 ῥῆσαι, μήπω τὰς ἀνθρώπων ἐν ταῖς συμποτικαῖς συνεσίαις καὶ ταχίσαι  
 ξωμένων.



THE HISTORY OF THE



OF THE  
CITY OF  
LONDON  
AND THE  
COUNTY OF  
MIDDLESEX  
IN THE  
YEAR  
1600

FVLVI VRSINI  
APPENDIX  
AD LIBRVM PETRI  
CIACCONII  
DE TRICLINIO

EVANS  
APPENDIX  
AND  
THE  
THE



55

ALEXANDRO  
PERETTO  
CARDINALI



FVLVIVS VRSINVS



VPERIORIBVS diebus cum  
ad te venissem officij cau-  
sa, & vt tibi pro Sanctissi-  
mi Maximique Pontificis  
Proauunculi tui in me meritis, ope-  
ram, studium, & industriam meam  
pollicerer; cum alia multa ex illa co-  
rum dierum colloctione cognoui in  
te ingenij ornamenta, tum illud, quòd  
singulari quodam mihi visus es teneri  
studio Romanarum rerum cognoscen-  
darum. Itaque existimaui me non ma-  
lam humanitati tuae, qua me tunc ex-  
cepisti, gratiam relaturum, si haec an-

D 4 tiqui-

tiquitatis monumenta, mitterem tibi  
 rerum antiquarum studioso. Ea verò  
 sunt supplementa quaedam siue ap-  
 pendix ad librum Petri Ciacconij de  
 Triclinio Romano, ex quibus intelli-  
 gere poteris, quisnam fuerit modus  
 conuiuandi apud veteres Romanos, &  
 conuiuiorum item apud eosdem appa-  
 ratus. Quae sanè notitia cùm priscis  
 illis temporibus quasi suggeretur cum  
 lacte nutricis, confirmaretur à dome-  
 sticis & familiaribus, cumlaretur à  
 populo & ab ipsa consuetudine, iam  
 diu est, cum haec & alia his similia pe-  
 rierunt adiumenta; vt libri tantum per-  
 pauci reliqui sint, vnde has vetustatis  
 reliquias, & quidem nimium disiectas,  
 dispersasque colligere possis. Nos au-  
 tem in nostro praetermissorum supple-  
 mento eam rationem adhibuimus, vt  
 quae à Ciacconio in librum de Tricli-  
 nio relata sunt, nisi ad cognoscendum  
 aliud

aliud aliquod Romanorum institutum  
 pertinere visa sint, de nouo non protu-  
 lerimus: quae verò omiffa desiderari  
 posse viderentur, ea addiderimus. Li-  
 cet enim ad probandum id, quod ille  
 sibi proposuerat, nempe Dominicae  
 cenae apparatus ex ipsa Romani Tri-  
 clinij ratione ductum esse, satis super-  
 que sint quae ipse curiosè diligèterque  
 collegit, visum tamen est fieri posse,  
 vt desideraturi essent nonnulli partem  
 illam, quae ad vsum lauandi & vn-  
 gendi ante cenam pertineret; quae sup-  
 pleta à nobis est. Quin & alia quaedam  
 adiecimus, quae de modo conuiuan-  
 di apud Graecos, & de conuiuiorum  
 itidem apud eos apparatu, notata olim  
 à me fuerant, quòd ex ijs viderentur  
 Romanae de Triclinio antiquitates ma-  
 iorem partem deriuatae. Quae sanè  
 non putamus, virum alioqui diligen-  
 tem vel incuria omisisse, quòd scilicet  
 impru-



imprudenti exciderint ; vel in aliud tempus reiecisse , quòd illa videlicet additurus aliquando esset ; sed quòd ad propositum argumētum minus necessaria ratus , contentus ijs , quæ collegerat , cetera non curarit . Ea verò cum magno vsui futura tibi putem , tum ad intelligentiam quorundam sacrae Scripturae locorum , tum ad cognoscendas res Romanas , quarum tu lectione succisiuis horis delectaris , eò mittimus libentius , quòd rerum huiusmodi cognitio & lubrica vehementer est , & Scriptorum mira paucitas , vnde illa peti possit . Interea verò siue in hoc , siue in alio studiorum genere , quid tibi ego ad istam ingenij praestantiam , ad indolem praeclaram domestica excultam disciplina , tibi inquam ad decus & gloriam nato , in tanta praesertim mearum virium tenuitate praestare possim , nescio . quicquid  
autem

autem illud est, si modo est aliquid, id  
tibi totum verè & ex animo profiteor,  
deferoque; & ut eo, iure tuo utare, à  
te etiam atque etiam peto. Atque hanc  
meam colendi tui perpetuam volunta-  
tem, ita tuebor constanter, ut quae vi-  
tae dies, eadem observantiae factura  
sit finem. Ad quam sanè voluntatem,  
susceptam sponte mea; confirmatam  
benignitate tua, magnus velut cumu-  
lus accedit Proauunculi tui Sanctissimi  
Optimique Pontificis auctoritas, cui  
de tua laude cogitanti, nihil me gra-  
tius facturum intellexi, quàm si, ut  
mei in te officij ratio postulat, in exor-  
nandi tui curam quoad fieri per occu-  
pationes tuas liceat, quibus maximè  
potero, studijs incumbam.

*[Faint, illegible text in a single column, likely a list or inventory.]*

E  
A  
uto  
ren  
Col  
libr  
Prim  
E  
Is  
S  
J  
H  
E  
T



61

# FVLVI VRSINI

## A P P E N D I X

### AD LIBRVM PETRI

### C I A C C O N I I

### D E T R I C L I N I O

**N**OTVM est omnibus, vt opinor,  
veteres Romanos diem, qui ciuilis  
appellatur, in duodecim horas pro  
anni temporibus inaequabiles distri-  
buisse: ipsas verò diei horas ita par-  
titos esse, vt singulas singulis muneribus adsigna-  
rent; quibus perfuncti, tunc demum cenas inirent.  
Cōstat hoc ex epigrammate Martialis, quod habetur  
libro quarto ad Euphemum Structorem Domitiani:  
*Prima salutantes, atque altera continet hora:*

*Exercet raucos tertia cauidicos.*

*In quintam varios extendit Roma labores:*

*Sexta quies lassis, septima finis erit.*

*Sufficit in nonam nitidis octaua palestris:*

*Imperat extructos frangere nona toros.*

*Hora libellorum decima est Eupheme meorum,*

*Temperat ambrosias cum tua cura dapes.*

*Et bonus aetherio laxatur neſtare Caesar,*

*Ingentique tenet pocula parca manu.*

*Tunc admitte iocos, gressu timet ire licenti,*

*Ad matutinum nostra Thalia Iouem.*

Atque

Atque ad hanc diei partitionem videtur Cicero respexisse in oratione pro Murena, cum inquit: *Necque verò Cretes, quorum nemo gustauit vnquam cubans, melius quàm Romani homines, qui tempora voluptatis laborisq̃ dispertiunt, respublicas suas tenuerunt.* Sed cenas obire soliti non erant, nisi post varia exercitationum genera, siue in Xysto, siue in Stadio, siue in Sphaeristerio, quibus octaua hora adtributa erat, lauti prius & vincti fuissent. Dicendum igitur aliquid primum de vsu lauandi & vngendi ante cenam, deinde de cena ipsa & prandio disserendum. Lauandi quidem mos atque vngendi apud veteres tum Graecos tum Latinos antiquissimus fuit, & ab Heroicis vsque temporibus petitus, vt apparet ex Homero, apud quem Telemachus lauatur & vngitur ante cenam Odyss. lib. i.

Αὐτὰρ ἰπὶ λουσέν τε καὶ ἔχριστο λίπ' ἐλαίῳ &c.

Ἐκρ' ἀσπιδίου βῆ &c.

Δαίτυμβ' ἐζόμενοι &c.

Lauantur item & vnguntur apud eundem Homerum Nauficaæ ancillæ ante prandium Odyss. lib. vi.

Αἱ δὲ λουσάμεναι, καὶ χρισάμεναι λίπ' ἐλαίῳ,

Δείπνον ἔπειθ' ἔλαυντο παρ' ὄρθρην ποταμοῖο.

Instituta verò lauatio fuit, tum valetudinis causa, tum voluptatis; nam ea & sudorem eliciebant, & ablutis sordibus reuocabant hilaritatem. Nam vt inquit Eustathius in Homerum, εἰσὶ χη τὸ βαλάνειον, vt efficit, ὅτι πον μὲν ἀποδεπκόν, ἀναφυγὴς δὲ πνὸς αἶπρον. & Athenæus lib. i. appellat balnea, ἀλλή τινων παντοίων, quòd scilicet laborum omnium lassitudini mederentur, vnde Plautus dixit in Mercatore:

Nunquàm ac de pol omnes balneae mihi hanc lassitudinem  
exti-

*eximent.* & Homerus *δυμῆες ὕδωρ* vocauit aquam, quae è balneis lauando corpori funderetur. Itaque dictum esse *βουλαγῆον* putat S. Augustinus, quòd pellat ex animo anxietatem; & Suetonius scribit Ca-ium principem capitali poena punisse, si quis indicto institutio balnearibus delicijs indulgisset: vt videri possit balnea voluptatis etiā causa comparata fuisse, & non immeritò in antiquò lapide incisum esse à vetere poëta:

BALNEA VINA VENVS CONSERVANT CORPORA  
NOSTRA

CORRVMPVNT VITAM BALNEA VINA VENVS.

Vsus autē lauandi erat ferè quotidianus; quin & Cō-  
modus Imperator septies per diē, atque octies lauit,  
& in ipsis balneis, vt scribit Lāpridius, per sepe cenita-  
uit; & Gordianus Iunior septies aestate, hieme bis la-  
uatione vsus est. Capitolinus tamen scribit Gallienū  
Imperatorē lauisse die septimo aestate, vel sexto; hie-  
me secūdo, vel tertio: Vopiscus autem Tacitum bal-  
neis rarò vsū esse. Seneca item lib. Epistol. XIII. ve-  
teres Romanos brachia tantum & crura quotidie  
abluisse, quae scilicet sordes opere collegerant, to-  
tum verò corpus tantum nundinis tēstatur lauisse.

Lauabatur autem apud Romanos plebs quidem vr-  
bana in thermis publicis, ordo autem patricius &  
equester in balneis priuatis. Quamuis nobiles etiam  
& principes viros, publicis balneis non abstinuisse,  
tum ex aliorum scriptis intelligimus, tum ex Epi-  
grammate Martialis, in quo notat Aemilium quem-  
dam, qui cum captator esset cenarum, cum diuitibus  
solebat in thermis lauari, vt inde eos sequutus, lau-  
tius cenitaret. Notum est etiam illud Hadriani Im-  
pera-



peratoris, quod refert Spartianus in eius vita his ver-  
bis: Publicè frequenter & cum omnibus lauit; ex quo  
ille iocus balnearis innotuit: nam cùm quodam tempore  
veteranum quendam notum sibi in militia, dorsum &  
ceteram partem corporis vidisset atterere, percontans,  
cur se marmoribus destringendum daret, vbi audiuit hoc  
idcirco fieri, quòd seruum non haberet; & seruis eum  
donauit, & sumptibus. Verùm alia die, cùm plures senes  
ad prouocandam liberalitatem principis pariter & se  
attererent, euocari eos iussit, & alium ab alio inuicem  
defricari. & Lampridius de Alexandro Seuero ita  
scribit: Thermis & suis & veterum frequenter cum  
populo vsus est, & aestate maximè; balneari veste ad  
palatium reuertens, item Capitolinus de Claudio II.  
Balneatorum (inquit) vnum, & ad balneas ligna, si-  
minus lauaretur in publico. Ita enim legendus est  
hic locus. Contra verò plebeios viros domi etiam  
priuatis balneis, & apud ipsum quandoq. conuiuij  
dominum lauari solitos legimus, iuxtà illud Plauti-  
num in Stichò:

Quàm mox cocta est cena? impransus ego sum. E. abi in-  
trò ad me, & laua.

Nam publicis, vt videtur, balneis lautum indicat  
Terentius in Phormione illo versu:

Te ne asymbolū venire vñctum, atque lautum è balneis.  
M. autem Varro lib. VIII. de ling. lat. satis aperte in-  
dicat veteres balneis tum publicis, tum priuatis vsos  
esse, cum scribit: Reprehendunt analogias, quòd dicantur  
multitudinis nomine publicae balineae, non balineae;  
contra, quòd priuati dicant vnum balineum quòd plura,  
balineas dicant. & post: Balineas, quòd plures essent,  
quibus vterentur; multitudinis potius, quàm singulari  
voca-

*Vocabulo; balineum verò, ubi domi suae quisque lauaretur, veteres appellasse. Itaque Cicero lib. I. I. de oratore; balnea M. Bruti priuata dixit, non balneas. Ac de publicis quidem balneis infra dicitur. Priuatum autem balneum intellexit Cicero, cum scribit ad Atticum lib. I. Balneum calciferi inbebo. Item: Cum è balneo exissem, accepi tuas litteras. & ad Terentiam lib. xv. Labrum, si in balneo non est, fac vt sit. Priuatum itidem balneum significauit Plinius Iunior lib. I. I. Epist. ad Gallum, cum inquit: In hoc balnea meritoria tria, magna commoditas, si fortè balineum domi, vel subitus aduentus, vel breuior mora calefacere dissuadeat. Balneum autem priuatum, quo domi suae lauaretur, Sergium Oratam primum fecisse scribit Macrobius lib. III. cap. xv. cum inquit: Hic est Sergius Orata, qui primus balneas pensiles habuit. Lauationi hora eadem erat assignata, quae exercitationi: hanc autem diximus fuisse octauam: nam exercitationes & palaestram statim consequebatur lauatio, cena verò lauationem, vt apertè significat Cicero lib. XIII. Epist. ad Atticum, cum inquit: Post horam octauam in balneum. & Martialis. lib. x.*

*Nuntiat octauam Phariae sua turba iuuentae,*

*Et pilata redivit, iamq. subitq. cohors.*

*Temperat hic thermas, nimios prior hora vapores*

*Halat, & immodico sexta Nerone calet.*

*Stella, Nepos, Cani, Cerealis, Flacce venitis:*

*Septem Sigma capit, sex sumus, adde Lupum.*

*Itaq. Spartianus in Hadriano: Ante octauam, inquit, horam in publico neminem, nisi aegrotum, lauari passus est; & Plinius Iunior lib. III. Epist. I. Vbi hora balinei nuntiata est: est autem hie hie nona, aestate octava. Vi-*

E tru-

truius item eandem horam designat lib.v.cap.x. cū inquit: *Quòd maxime tempus lauandi à meridiano ad vesperam est constitutum.* Ipsa verò lauandi hora indicabatur sonitu tintinnabuli, vt conijci potest ex versibus Martialis, quos infra ponemus, & ex aereo item tintinnabulo, quod extat apud me, cum inscriptione FIRMI BALNEATORIS, repertum in Esquilij anno M D XLVIII. in ruinis thermarum Diocletiani Imperatoris, Martialis versus sunt hi ex lib.xiv. qui *Xenia* inscribitur:

*Redde pilam, sonat aes thermarum, ludere pergis?*

*Virgine vis sola lotus abire domum.*

Plinius Iunior lib.iii. Epistola prima ad Caluifum: *Vbi hora balinei nuntiata est & c. lotus accubat, & paulisper cibum differt.* Nam data, vt diximus, lauationi opera, & curato prius lotoq. corpore, cenas inibant iuxta illud Athenaei lib.ii. *Δειν δευτερεύοντα τὸ σωματίον, ἢ λουόμενον ἔναι πρὸ δείπνου.* Plautus Amphitruone: *Lauasti. Amph. Quid postquam laui? Alcm. Accubuisti & c. Cenasti mecum in eodem lecto.* Cicero in libro de oratore: *Cum laui accubuissent.* & in oratione pro Deiotaro: *Huc te è balneo priusquam accumberes, ducere volebat.* Post lauationem autem fricari & vngi statim solitos fuisse notat Eustathius in versum Homericum ex Iliad.x. *τὸ δὲ λουαμένω ἢ ἀλγ' ἰαμένω λίπ' ἐλαίω,* in quem versum ita scribit: *ἐλαίω δ' ἵχθοντο οἱ λουόμενοι, ἐμπλάττοντες τοῖς σωματικοῖς πόροις, ὥς αὖ μὲν λουέμενοι σέρουσιν τῷ ὑπόπτε.* Colligimus etiam hoc tum ex alijs, tum ex Cicerone, apud quem sic est lib.viii. Epist. ad Atticum: *Post horam octaua n̄ in balneum & c. vñctus est, accubuit.* & Plutarchus de Pompeio scribit, *Quòd tempus cenae*

cum



cū instaret, parasset autem ex praesentibus copijs nauclerus, cernens Pompeium Pauonius seruorum penuria semetipsum lauante, accurrit, abluitq. & vnxit; sic enim inquit: ἐπεὶ δὲ καὶ τοὺς λούειν, καὶ παρέσχετο οὐκ ἄλλος οὐκ ἔστι παρόντων, ἰδὼν δὲ Φαόνιος οἰκιστὴν Σπερίαν τὸν Πομπηίου ἀρχόμενον αὐτὸν ἀπολύειν, προσέειπε, καὶ ἀπέλυσεν, καὶ σωήλησε. Et de Bruto idem Plutarchus refert, quod ei ministri cū non ita citò apportassent tentorium, labore autem esset confectus, tandem meridie vnxisse se, & paululum cibi cepisse. Graeca verba sunt haec: πρὸ δὲ βράτῳ ἐπαχέας ἦγον οἱ τοῦ σιλωτῆ κομίζοντες. ἐκπονηθεὶς δὲ τοῖς ταῦτα, μεσημβρίας μάλιστα ἀλείψαμενος, καὶ φαγὼν ὀλίγα. Ad eandem vngendi consuetudinem post lauationem respexit Appuleius lib. iv. de Afino, cū inquit. In fine sermonis huius statim sese deuestiunt, calidaq. perfusi, & oleo peruncti, mensas dapibus largiter instructas accumbunt. & Varro lib. i. de re rustica. cap. lv. olea, & vna, per idem binium reddit in villam: alia ad cibum eligitur, alia vt eliquescat, ac non solum corpus intus vngat, sed etiam extrinsecus, itaque dominum & ad balneas, & ad gymnasium sequitur. Diximus autem suprā, gymnasium & palaeitrā statim consequi lauationem. Lauatur item Augustus, & post lauationem vngitur, vt innuit Suetonius in Augusto cap. lxxvi. his verbis: Ne Iudaeus quidem, mi Tiberi, tam diligenter sabbatis ieiunium seruat, quā ego hodie seruavi, qui in balneo demum post horam primam noctis duas buccas manducaui, priusquam vngi inciperem. Interdum tamen post exercitationes vngabantur prius, quā lauarentur, vt de Alexandro Seuro refert Lampridius. Post lectionem, inquit, operam palaestrae, aut sphaeristerio, aut cursui,

aut lustraminibus mollioribus dabat. Atque inde vntus lauabatur, ita vt caldarijs vel nunquam vel raro; piscinis semper vteretur, in eisq. vna hora propè maneret. Quin etiam aliquando nulla post exercitationes vni-latione vngebantur, vt ex Persio intelligimus, apud quem est Sat. III.

— vnta vixisse patella

Semper & assiduo cur ita cuticula sole. & alibi:  
At si vntus cesses, & figas in cute solem. & Iuuenalis:  
Nostra bibit vernum contracta cuticula solem,  
Effugiatq. togam, iam nunc in balnea salua  
Fronte licet vadas.

Sed clarius & certius Cornelius Celsus lib. I. ca. II. *Exercitationem*, inquit, rectè sequitur modò vntio, vel in sole, vel ad ignem: modò balneum, sed in conclau, quàm maximè & alto, & lucido, & spatioso. Ex his verò neutrum saepe fieri oportet, sed saepius alterutrum pro corporis natura. Plautus in Stichò, Vntiones Graecas, sudatorias dixit, quòd adhiberentur ab ijs, qui vel in balneo, vel in gymnasio sudassent, ad obstruenda scilicet corporis spiramenta, & vt inquit Eustathius in Homerum, *οὗτος τὸ ἐμπαλιν τοῖς σωματικοῖς πόσις*, loco suprà citato. Vngendi autem officioungebantur in balneis serui, qui ab eo Vntiores dicti sunt, & Aliptae. Seneca lib. VII. Epistolarum: Suprà ipsum balneum habito: cùm in aliquem, ac plebeia vntione contentum incidi, audio crepitum illisae manus humeris: Aipta cogita tenuè. & Iuuenalis: Grammaticus, Rhetor, Geometres, Pictor, Aliptes. Locus verò in balneis, in quo vungebantur, Vntorium vocabatur, siuè Elaeothesium, Plinius Iunior lib. II. Epist. ad Gallum: Adiacet Vntorium, hypo-

cau-

*caustum, adiacet propnigeon balinei.* Vnctores in antiquis inscriptionibus nominantur hi: PANTHAS CAESARIS VNCTOR. item, C. PLAETORIVS. SECVNDIO. VNCTOR. item, AVRELIVS. EROS. AVG. VNCTOR. item, ATHENAIIS. AVGVSTAE. VNCT. De varijs vnguentorum generibus, quibus in balneis utebantur, videndus Athenaeus lib. v. in quo adducit Polybium de Antiocho referentem, in publicis eum balneis lauari solitum, etiam cum frequentissima plebis turba occuparentur; pretiosissimorumq. vnguentorum fictilia vasa tum ad eum perferri solita; quorum odore oblectatum quendam, dixisse: fortunatos esse reges, qui ijs delibuti suauiter olerent: hominiq. nihil tunc Antiochum respondisse, sed postridie eò ingressum, vbi ille lauabatur, vnguenti nobilissimi, nempe stactitiae myrrhae vas fictile in eius caput effundi iussisse; omnesq. lauaturos assurrexisse, & in vnguento illo sese volutantes, ac ob lentorem labentes, regi etiam ipsi risum excitasse. Athenaei verba, vel potius Polybij sunt haec: Ελάετο δὲ καὶ τῶν δημοσίων βαλανεῖοις, ὅτε δημοτῶν ὡς τὰ θαλαεῖα πεπληρωμένα, κεράμων προσφερομένων αὐτῷ μύρων πολυτελεσάτων, ὅτε καὶ πρὸς εἴπνυτος, μακάριοι ἐσὲ ὑμεῖς. οἱ βασιλεῖς, οἱ καὶ τοῖς χεῖμονοι, καὶ ὁδωδότες ἡδύ. καὶ μηδὲν τὴν ἀνθρώπων προσειπὼν, ὅπου ἐμείνος τῇ ἐξῆς ἐλάετο, ἐπισιελὼν ἐπίησεν αὐτῷ καταχρῆσθαι τῆς κεφαλῆς μέγιστον κερῶμον πολυτελεσάτου μύρης τῆς σακτῆς χαλεμίνης, ὥς ἀπαντὸς αἰσάτης κλιεῖσθαι λουομένους τῷ μύρω, καὶ διὰ τὴν γλιχρότητα καταπίπτουσας γέλωτα παρέχειν, καὶ δάπτει καὶ αὐτὸν τὸν βασιλέα.

Lauabantur autem aqua tum calida, tum frigida, ut apparet ex Homero, & alijs Scriptoribus, quorum testimonia proferemus. Apud Homerum siquidem



priscis temporibus Heroes aqua marina primum lauabantur, hoc est frigida, ut ea lauazione sudorem & lordes detergerent; deinde aqua dulci, hoc est, calida, qua animi recreandi causa utebantur. Homeri versus ex Iliad. x. sunt hi:

Αυτοὶ δ' ἰδρῶ πολλὸν ἀπενίξετο θαλάσῃ  
 Ἐσθλῆτες, κνήμας τε, ἰδὲ λόφον, ἀμφὶ τε μῆρες·  
 Αὐτὰρ ἐπεὶ σφιν κῦμα θαλάσσης ἰδρῶ πολλὸν  
 Νέψεν ἀπὸ χροτὸς, καὶ ἀνέλυθεν φίλον ἦτορ,  
 Ἐσθλῆται μιν θύες βαλόντες ὄξεσσι λείποντο.  
 τὸ δὲ λοισυαμένῳ καὶ χροισαμένῳ λίπ' ἐλαίῳ,  
 Δείπῳ ἐφιζάνετο. Et de Ulyssæ Odyss. viii. ut ani-

mi hilaritatem reuocaret, tristitiamq. de pelleret, dicitur eum calida lauazione usum esse his versibus:

— ὁ δ' ἀπασιῶς ἴδε θυμῷ  
 Θερμὰ λυγρὰ. Sed haec quoque apertius Cornelius Celsus lib. i. cap. i. Prodest, inquit, etiam interdum balneo, interdum aquis frigidis uti: modò vngi, modò id ipsum negligere. Plinius lib. xxv. cap. viii. Idem fratres instituere à balneis frigida multa corpora adstringere. antea non erat mos nisi calida tantum lauare, sicut apud Homerum etiam inuenimus. Atqui in hoc falsus videtur Plinius, cum constet tum ex versibus supra prolatis, tum ex alijs apud Homerum locis, quibus citandis, quia in promptu sunt, superfedemus, aqua marina, hoc est, frigida lauare Heroes solitos fuisse. Idem Plinius lib. xxviii. cap. iv. Persundere, inquit, caput aqua calida ante balnearum vaporationem, & postea frigida, saluberrimum intelligitur. Sed variè pro cuiusque voluntate & libidine modò frigida, modò calida vsi veteres videntur. Plinius Iunior lib. iii. Epistola ad Macrum: Post solem plerumq. frigida lauabatur, deinde gustabat dormiebatq. minimum. Vo-

piscus

piscus in Carino: Balneis, inquit, ita frigidis vsus est, ut solent esse cellae suppositoriae frigidarijs semper nivalibus. & Lampridius in Commodo: Auspiciu, inquit, crudelitatis apud Centumcellas dedit anno aetatis xij. nam cum tepidus forte lotus esset (sic enim legendum, non locus) balneatorem in fornacem conijci iussit, quando à paedagogo, cui hoc iussum fuerat, veruicina pellis in fornace consumpta est, ut fidem poenae defetore nidoris impleret. Idem scribit Alexandrum Severum caldarijs vel nunquam vel rarò vsum esse. Habebant enim balnea tres domos, siue vt eas vocat Plinius Iunior in Epist. ad Gallum lib. ii. cellas. Quarum superior acris erat calidi, & calidarium, vel vt Graeci vocant, πυριτήριον, siue sudatorium, quòd in eo sudorem sicco calore prouocabant, & Laconicum dicebatur: Media calidae aquae, siue tepidae, caldarium siue tepidarium Graecè θερμίστριον dicta, in qua erat solium, siue labrum vbi confidentes lauabantur: Infima aquae frigidae, frigidaria, siue frigidarium dicta, quæ solium itidem habebat. Galenus lib. iii. de sanitate tuenda addit his quartam cellam, in qua scilicet loti vngerentur; quæque ob id Vnctorium, à Graecis verò ἀλειψήριον dicebatur. Has designat Plinius loco supra memorato, cum inquit: Inde balinei cella frigidaria, spatiosa, & effusa. & post: Mox duae cellae, magis elegantes, quam sumptuosae. & lib. v. Epist. ad Apollonium: Si poenitet, inquit, teporis; frigidariae cellae connectitur media, cui sol benignissime praestò est, caldariae magis, prominet enim. Ad easdem item cellas respexisse videtur Cornelius Celsus lib. i. cap. iv. cum inquit: Si in balneum uenit: sub ueste primum paulum in tepidario insudare: ibi ungi:

tum transire in calidarium ubi insudauit, (sic enim legendum) in solium non descendere; sed multa calida aqua per caput se totum perfundere: tum tepida, dein frigida: (omisso verbo, uti, quod glossema est) diutiusq. ea caput, quam ceteras partes perfundere: deinde id aliquandiu perfricare: nonissimè detergere, & ungere. Sed haec ex ipso fonte, hoc est, ex Vitruuij lib. v. cap. x. haurienda sunt, in quo & Laconici meminit, quo utebantur ad sudorem ex calore sicco eliciendum. De quo ita Columella in prooemio lib. i. Quotidianam, inquit, crudelitatem Laconicis excoquimus, & exusto sudore sitim quaerimus. Seneca in Epistolis appellat sudatoria, cum inquit: Quid cum sudatorijs? omnis sudor per laborem exeat. Cornelius autem Celsus dixit sudationes assas, quod differrent ab ijs, quae in balneis fierent. Dio lib. lxxx. scribit sudatorium ab Agrippa Romae extructum fuisse, quod Laconicum appellauit, exemplo Lacedaemoniorum, quoniam hi tunc nudari corpora, & inungi oleo praecipuè videbantur. Dionis verba sunt haec: Ἀγρίππας τὸ πυριαιτήριον τὸ λακωνικὸν κατεσκεύασε. λακωνικὸν γὰρ τὸ γυμνάσιον, ἐπεὶ ὅτι οἱ λακεδαιμόνιοι γυμνάζοντο ἐν τῷ τότε χεῖνῳ, καὶ λίσσασθαι μᾶλλον ἐδύκουν, ἢ πικρῆσαι. Idem Dio lib. lv. scribit Maecenatem primum aquae calidae piscinam Romae instituisse: πρῶτος τι, inquit, κοῦμβήδραν θερμὸν ὕδατος ἐν τῇ πόλει κατεσκεύασε. Priuatam verò piscinam domi Ciceronem habuisse, ipse indicat, cum inquit: Latiorē piscinam voluissē, vbi iactata brachia non offenderentur. Suetonius in Nerone cap. xxxv. Epulas à medio die ad mediam noctem protrahēbat, refotus saepe calidis piscinis, ac tempore aestiuo nuatis. Lampridius autem scribit Elagabalum Imp. non nisi vnguen-



guento nobili, aut croco piscinis infectis nataſſe. Plinius Iunior lib. II. Epist. ad Gallum: *Cohaeret, inquit, calida piscina mirificè, ex qua natantes mare aspiciunt.* Balnea publica, quibus populus Romanus lauaretur, M. Agrippa in Aedilitate ſua populo gratuita praeſtuit C L X X. quae nunc, inquit Plinius lib. x x x v I. cap. x v. *Romae ad infinitum auxere numerum.* Dionis verba ex lib. x L I X. ſunt haec: *τά τε βαλανεία περιεφ' ἑτοίμῃ καὶ τοῖς ἀνδράσι καὶ ταῖς γυναῖξιν λέειν παρέχει, καὶ τοῖς κουρέας.* Idem Dio lib. L I V. ſcribit, Augustum tonſores, & balnea gratis per diem vnū populo dediſſe: Qua quidem munificentia Fauſtum quoque Syllae filium antea uſum fuiſſe dicit; qui oleum, & balnea per diem vnū gratis populo praeſtuit. Dionis verba ſunt haec ex lib. x x x v I I. *Καὶ πρὸς αὐτῷ τοῦ τῶ χρόνῳ Φαῦſτος ὁ πρὸς Σύλλῃ πῶς ἀγωνάτε μονομαχίας ἐπὶ τῷ πατρὶ ἐποίησε, καὶ τὸν δῆμον λαμπρῶς εἰſίασε, τὰ τε λουτρὰ καὶ ἐλαίον προίκα αὐτοῖς παρέχεσθαι.* Thermae quoque Agrippam populo legaſſe, ab ipſo Agrippinas appellatas, quibus ſine mercede lauaretur, idem Dio lib. L I V. ſcribit his verbis: *Καὶ τότε τοῖς κοῖταις κήποις τέσσεισθαι, καὶ τὸ βαλανεῖον τὸ ἐπὶ γυμνῶν αὐτῷ κατέλιπεν, ὥς τε περιεφ' αὐτοῖς λέειν.* & Capitolinus de Pio Imp. *Balneum, inquit, quo uſus fuiſſet, ſine mercede populo exhibuit.* Lampridius item in Alexandro Seuerō: *Balnea, inquit, omnibus regionibus addidit, quae fortè non habebant: nam hodieq. multa dicuntur Alexandri.* Vtebantur autem in balneis tum ad fricandum corpus ſudoremq. eliciendum, tum ad abſtergendas ſordes, aenea ſtrigili, cuiuſmodi multae reperiuntur in antiquis ruderibus Thermanum. Auſtor ad Herennium lib. I V. *Nam ut fortè, inquit, hic in balneas venis,*

nit, coepit postquam perfusus est, de fricari. Defricabatur autem, ut videtur, strigili. & Suetonius in Vespasiano, cap. xx. *Valetudine prosperrima usus est, quamuis ad tuendam eam nihil amplius quam fauces, ceteraq. membra sibi met ad numerum in sphaeristerio defricaret.* Persius Sat. i.

*I puer & strigiles Crispini ad balnea defer.*  
Iuuenal. Sat. iii.

— & sonat vinctis.

*Strigilibus. &c.* Nam vincti oleo strigilibus radebantur sudantes, deinde linteis ad id paratis tergebantur. Appuleius lib. ii. de Asino: *Ac simul ex promptuario oleum vinctui, & lintea tersui, & cetera huic eidem vsui profer ociter, & hospitem meum produc ad proximas balneas.* Plinius lib. xxviii. cap. iv. *Solum quoque remedium maximum ab ipso sibi praestari potest, sicut linteorum strigiliumq. vehementia.* Martialis lib. xiv.

*Pergamus has misit strigiles curuo destringere ferro:*

*Non tam saepe teret lintea fullo tibi.*

& Iuuenalis Sat. iii.

— pleno componit lintea gutto.

Gutto enim Vinctores, ut inquit Varro, oleum lauantibus se in balneo guttatim fundebant; quod fiebat è vulgari cornu, siue vitro; nam è rhinocerotis potentiores tantum utebantur. Iuuenalis:

— magno cum rhinocerote lauari.

*Qui solet &c.* Vtebantur etiam ad oleum fundendum ampullis. Appuleius lib. ii. Floridor. *Strigilem, inquit, & ampullam, ceteraq. balnei utensilia nundinis mercari.* & Cicero lib. iv. de Finib. *Si ad illam vitam, quae cum virtute degatur, ampulla, aut strigilis accedat.*

dat. Vnde Suetonius in Augusto cap. lxxx. scribit cum nimio strigilis vsu cutem laesisse. Sed & callis (inquit) quibusdam ex prurigine corporis, assiduoq. et vehemēti strigilis vsu plurifariam contractis ad impetiginis formam. Appuleius in Floridis refert, Hippiam illum multiscium, strigileculam ex qua sudor laberetur, sibi met ipsum fabricasse. Sic enim ait: Etenim non pigebit me commemorare, quod illum non puditum est ostentare; qui magno in coetu (sic enim legendum, non, inceptu) praedicauit fabricatum se met sibi ampullam quoque oleariam, quam gestabat, lenticulari forma, tereti ambitu, pressula rotunditate, iuxtaq. honesta strigilecula, recta fastigatione (sic enim scribendum, non, fatigatione) clausulae, flexa tubulatione ligulae, ut & ipsa in manu capulo moraretur, & sudor ex ea riuiulo laberetur. Plinius Iunior lib. iii. Epistola ad Macrum: Solum balinei tempus studijs eximebatur, cum dico balinei, de interioribus: nam dum destingitur, tergiturq., audiebat aliquid, aut dictabat. Strabo autem scribit lib. xv. Indos, cum de corporis exercitationibus praecipuè frictionem probarent, non aerea, vel argentea, aut aurea, sed strigilibus hebeni glabris corpora laeuigasse. sic enim ait: Τυμνάσιον δὲ μὲν λίαν τεῖνεν δοκιμάζουν, καὶ ἄλλως καὶ διὰ στυπτηρίων ἐβρίνουν ὁμαλίζονται τὰ σώματα. Sed pro strigilib. delicatiores homines, & eos praecipuè, qui mala valetudine vterentur, spongijs interdum vti solitos fuisse tradit Plinius lib. xxxi. cap. vltimo, his verbis: Praestant & strigilum vicem, linteorumq. affectis corporibus. Cum autem ij, qui lauarentur, à seruis & ministris raderentur strigili aerea, Scipio Aemilianus, ut refert Plutarchus in Apophthegm, milites suos lauari prohibuit,



hibuit, nec non vnumquemq. eorum, qui se vngerent, ipsum se fricare iussit: quòd diceret, iumenta quae manus non haberent, alio fricante indigere: λέειν δέ, inquit, ἀπεινῶν. καὶ δὲ ἀλειφομένων πείθειν ἕκαστον αὐτόν. τὰ γὰρ πορφυρία χεῖρας ἔκχοντα ἐτέρω πείφοντος δειδαι. Celebratur autē inter egregia veterum monumenta signum τῷ ἀποξομένῳ, id est, se ipsum destringentis, dicatum à M. Agrippa in thermis suis, quòd Tiberius Imp. cum in cubiculum suum transtulisset, efflagitanti populo restituit. De qua re ita refert Plinius lib. xxxiv. cap. viii. *Fuit & alius Pythagoras Samius, initio pictor, cuius signa ad aedem Fortunae huiusq. diei sunt seminuda, vnde & laudata sunt. Plurima ex omnibus signa fecit, vt diximus, fecundissimae artis, inter quae destringentem se, quem M. Agrippa ante thermas suas dicauit; mirè gratum Tiberio principi: qui non quiuit temperare sibi in eo, quanquam imperiosus sui inter initia principatus; transtulitq. in cubiculum, alio ibi signo substituto; cūm quidem tanta populi Romani contumacia fuit, vt magnis theatri clamoribus reponi Apoxyomenon flagitauerit; princepsq. quamquam adamatū reposuerit.* Quod autem apud Plinium scripsimus, *Fortunae huiusq. diei*, debemus eam lectionem marmoris Capitolino, in quo est. VICVS. FORTVNAE HVIVSQVE DIEI, cūm antea non solum apud Plinium mendosè legeretur, huiusce deae, sed apud Ciceronem etiam libro de legibus secundo. De honestate lauandi videndus Valerius Maximus lib. ii. cap. i. Plutarchus in Censorino, & Cicero lib. i. de Officijs. Erant enim balnea mixta, in quibus lauabantur viri & mulieres, praeter ea, quibus viri tantum utebantur. Gracchus in oratione de legibus

legibus promulgatis, apud Agellium lib. x. cap. iii. Nuper, inquit, Teanum Sidicinum Consul venit: uxorem dixit in balneis virilibus lauari velle. Quaestori Sidicino à M. Mallio datum est negotium, uti balneis exigerentur, qui lauabantur. Vxor renuntiat viro, parum citò sibi balneas traditas esse, & parum lautas fuisse &c. Hadrianus autem Imp. primus viros discretos à mulieribus lauari edixit, ut scribit Spartianus in Hadriano: *Lauacra*, inquit, pro sexibus separavit. & Capitolinus in M. Aurelio: *lauacra*, inquit, mixta summouit. item Lampridius in Alexandro Seucro: *Balnea*, inquit, mixta Romae exhiberi prohibuit. De balneis publicis, quibus feminae tantum lauarentur, facit mentionem Varro lib. viii. de ling. lat. cum inquit: *Publicae* (sic enim legendum ex loco superiore, non publice, refertur enim ad balneae.) ibi consedit, ubi bina essent coniuncta aedificia lauandi causas, unum ubi viri, alterum ubi mulieres lauarentur. & Vitruuius lib. v. cap. x. satis apertè ostendit balnea virorum disiuncta à balneis mulierum fuisse, ita tamen, ut in iisdem regionibus collocata essent Vti caldaria, inquit, muliebria, viriliaq. coniuncta, & in iisdem regionibus sint collocata: sic enim efficietur, uti vasaria ex hypocausto communis sit eorum vtrisque. Plinius lib. xxxiii. cap. xii. Videret haec Fabricius, & stratas argento mulierum balneas, ita ut vestigio locus non sit, cum viris lauantium. Suetonius in Augusto cap. lxxx. Vt max, inquit, Accia publicis balneis abstinerit. Quod dictum de balneis mulierum intelligendum est: in quibus Romanas feminas solijs etià argenteis aliquando vsas fuisse, intelligi potest ex Plinij lib. xxxiii. cap. xi. cum ait: *Argento feminae lauentur, & nisi argentea*

gentea folia fastidiant, eademq. materia & cibis & probris seruiat. & loco supra prolato dixit: *Stratas argen'o mulierum balineas*. Lampridius in Alexandro scribit: Eunuchos balneis feminarum ab Alexandro praepositos fuisse. Tempus autem quo balnea paterent, indicat Lampridius in Alexandro, cum ait: *Addidit & oleum luminibus thermarum, cum antea, non antè auroram paterent, & ante solis occasum clauderentur*. Vopiscus in Tacito: *Thermas, inquit, omnes ante lucernam claudi iussit*. Balneorum usum usque ad Iustiniani tempora permanisse conijcimus ex Procopij lib. I. nam usque ad Valentiniani imperiū perdurasse apertè indicat Ammianus lib. XXVIII. Praefectus autem Vigilum; aduersus Capsarios, qui mercede seruanda in balneis vestimenta suscipiebant, iudex erat constitutus, vt constat ex Digest. lib. I. tit. xv. & lib. III. tit. II. & Vlpiano item, qui lib. I. Digest. Depositi, de hac re sic scribit: *Si vestimenta seruanda Balneatori data perierint*. Nam lauaturi, aut sudaturi vestimenta deponebant in Apodyterio, quem locum Celsus ponit in cella tepidaria, quod in eo primum corpora nudarent, qui lauatum venissent. Quod autem Apodyterium locus esset tepidus, conijci potest ex verbis etiam Ciceronis, quae habentur in lib. III. epist. I. ad Q. Fratrem: *In balnearijs, inquit, hypocausta in alterum Apodyterij angulum promoueri, propterea quod ita erant posita, vt eorum vaporarium (omissis verbis: ex quo ignis erumpit: quae glossae sunt) esset subiectum cubiculo*: Apodyterij meminit item Plinius Iunior lib. v. Epist. ad Apollonium: *Inde, inquit, Apodyterium balinei laxum. & post: Non longius Apodyterio superpositum est sphacriste*.



*riserium, quod plura genera exercitationis, pluresq. circulos capit.* Inde Balnearij fures, qui vestimenta eorum, qui lauabantur, furripiebant. Catullus:

*O furum optimè balneariorum.*

Qui balneis praeerant, Balneatores dicebantur, quorum mentio est in antiqua inscriptione: ANTEROS. BALNEATOR. Erant autem plures, ut ostendunt alij scriptores, & Capitolinus in Claudio II. *Balneatorum, inquit, unum, & ad balneas ligna.* Hi quadrantem exigebant ab ijs, qui lauabantur. Iuuenalis Satyr. II.

*Nec pueri credunt nisi qui nondum aere lauantur.*

& Satyr. VI.

*Caedere Silvano porcum, quadrante lauari.*

Horatius lib. I. serm. Satyr. III.

— — — *dum tu quadrante lauatum.*

*Rex ibis &c.* Sed lauandi & vngendi consuetudine iam explicata, dicendum nunc aliquid de prandio, & cena, vel potius primum de ientaculo, quod ante prandium ipsum sumebatur. Nam veteres ante quàm pranderent, solitos fuisse ientaculum sumere, vel ex illo Dionis loco de Vitellio intelligi potest, in quo scribit eos, qui epulum Vitellio dabant vicissim, magno incommodo affici solitos, licet conuiuium ab vno minimè totum diem ageretur. Dabant enim alij ientacula, alij prandium, alij cenam, alij comestationes, veluti solatium pristinae satietatis. *οἱ δὲ, inquit, δειπνίζοντες σφαγῶν μεγάλων καὶ ἰσχυρόντων, καὶ πρὶν ὅλως τῆς ἡμέρας οἱ αὐτοὶ εἰσὶν αὐτῶν, ἀλλ' ἄλλοι μὲν ἀκρατίως αὐτὰ παρείχον, ἄλλοι δὲ ἀρίστην, ἑτέροι δὲ δειπνον, ἑτέροι μεταδερματίναν πλησμονῆς πρὸς μύθον.* Cum hoc Dionis loco consentiunt illa quae scribit Suetonius

nus

nus in Vitellio, cap. XIII. *Epulas*, inquit, *trifariam* semper, interdum *quadrifariam* dissipiebat, in *ientacula*, & *prandia*, & *cenas*, *comestationes*q. Athenaeus item lib. I. retert ex auctoritate Philemonis, veteres v' *fos* esse *ientaculo*, *prandio*, *merenda*, *cena*. Φιλήμων, inquit, ὅτι τρωαῖς ἐχῶστο οἱ παλαιοὶ ἀκραπίσματι, ἀφίσω, ἐσπερίσματι, δείπνω. Videtur autem Aeschylus illo versu :

οἶτον δ' εἰδέναι διόρισται

Αἴρισται, δέειπνα, δόρυπα ἀφίσωται τέτυται, dixisse ἀφίσων, id, quod Philemon vocauit *κράπωμα*; Latini certè *ientaculum* appellarunt. Plautus Curculione:

*Quid antepones Veneri ientaculi?*

Callimachus ἀπίσι: *Ientaculum* proferto Ioui. *Ientaculum* Fulgentius exponit, cibi degustationem matutinam. Martialis in Apoph. retis:

*Surgite iam pueri, vendit ientacula Pistor,*

*Cristataeque sonant vndique lucis aues.*

Quale fuerit *ientaculum* apud veteres, videtur innuere his verbis Appuleius lib. I. de Asino: *En inquam paratum tibi adest ientaculum; & cum dicto nauticam meam humero exuo, caseum cum pane properè ei porrigo.* Item Pomponius: *Nihil habens ientaculi praeter nauticum panem.* & Plutarchus Sympos. lib. VIII. φασὶ γὰρ, inquit, ἐκείνοις ἔπραπτοῖς αἷμα καὶ σῶφρονας ὄντας, ἐωθεῖν ἐδίδεν ἀφ' ὅτων ἐν ἀκραπίω, καὶ μηδὲν ἄλλο. διὰ τὸ το μὲν ἀκράπωμα καλεῖν, διὰ τὸ ἀκρατον. Quamvis hoc loco Plutarchus ἀφίσων posuisse videatur, pro leui prandio, ex antiqua consuetudine: nam Festus *ientaculum* idem cum prandio fuisse dicit, & silatum alibi appellat, cum inquit: *Silatum antiqui pro eo, quod nunc ientaculum dicimus appellabant, quia ieiuni vinum sibi*

con-

*conditum ante meridiem absorbebant. Sed postea ientaculum distingui à prandio coeptum, ita ut prius ientaculum sumeretur, deinde prandium, quod & ipsum breuissimum fuit. Ientaculi verò etymon ostendit Isidorus lib. xx. Ientaculum, inquit, est primus cibus, quo ieiunium soluitur, unde & nuncupatum.*

*Nigidius:*

*Nos ipsi ieiunia ientaculis leuibus polluimus.*

*Inde ientare dicebant, pro eo quod est matutinum cibum capere. Suetonius in Vitell. cap. vii. Ut mane singulos iam ne ientassent, sciscitaretur. Afranius Crimine:*

*Haec ieiunia ientauit. Idem Buccone adoptato:*

*Ientare nulla inuitat. Ientaculum, ut ostendimus, sequebatur prandium, quod designare videtur Seruius lib. i. Aeneid. cum scribit Romanos duobus tantum cibis usos esse, prandio scilicet (ut opinor) & cena, & in atrijs sedentes edere solitos fuisse. Confirmat hanc nostram opinionem Macrobius lib. iii. cap. xvii. his verbis: Et hae nimirum causae fuerunt, propter quas tot numero leges de cenis, & sumptibus ad populum ferebantur, & imperari coepit, ut patentibus ianuis pransitaretur, & cenitaretur. & paulò post: Deinde, ut non soli, qui prandia cenasque maiore sumptu fecissent, sed etiam qui ad eas vocati essent, atque omnino interfuissent, poenis legis tenerentur. Prandij mentionem faciunt, cum alij scriptores perimulti, tum in primis Hippocrates lib. ii. de victus ratione, & in Oeconomico Xenophon, apud quem narrat Ischomachus se leuiter prandere, ut largius cenet. Quod eò libentius indicaui, ne cui fortè veterum quorundam & Isidori imponat auctoritas, qui negat pran-*



dia in usu antiquis fuisse. Galenus lib. vi. de tuenda valetudine dicit, se nisi tardius lauaret, cibum interdiu non sumpsisse, & illum quidem cum sumeret, solo pane vti absque potu: quosdam verò oliuis, melle, atque id genus vsos esse, iuxta Graecum illud *ἡρίων ἀφελὲς, ἀρίστον ἀπυρόν*: vt videri possit prandium, id est cibus, quem interdiu sumebant, leuis fuisse & simplex; cena verò largior & copiosior. Plutarchus etiam lib. Sympof. viii. refert veteres Romanos καθ' ἑαυτοὺς prandisse parcè, cenas verò largè adhibitis conuiuiis inisse. Eius verba sunt haec: Καθ' ἑαυτοὺς γὰρ ἡρίων ἐπὶ κῶς οἱ πάλαι Ῥωμαῖοι, σιωδεντῶντις τοῖς φίλοις. Quo loco ἀρίστον vsurpauit pro prandere. Moderatum item prandium designat Plinius lib. iii. Epist. ad Macrum, cum inquit: Post cibum, quem interdiu leuem, & facilem veterum more sumebat. itemq. Sidorius, cum ait: Prandebamus breuiter. & Horatius Serm. lib. i. Sat. v.

*Pransus non auide, quantum interpellat inani  
Ventre diem durare &c. & lib. ii. Sat. iv.,*

*— ille salubreis*

*Aestates peraget, qui nigris prandia moris*

*Finiet, ante grauem quae legerit arbore solem.*

Lampridius in Alexandro Seuero: Egressus, inquit, balneas multum lactis & panis sumebat, oua, deinde mulsum, atque his refectus aliquando prandium inibat, aliquando cibum vsque ad cenam differebat; prandit tamen saepius. Sed videtur legendum: Egressus balneas, non multum lactis & panis, oua deinde & mulsum sumebat, atque his &c. Haec enim sumebat, vt reficeret tantum vires. Cicero etiam in quinta Tusculana videtur leue & simplex prandium probasse,

cum

cum inquit: *Vita illa beata, quae ferebatur. plena Italicarum, Syracusanarumq. mensarum nullo modo mihi placuit, bis in die saturum fieri.* Aristoteles tamē præcipit in *Problematum Sectione III.* oportere prædere largē, cenare parcē. & de Nerone ait Suetonius: *Prandebatq. ad satietatem, ut non temerē super cenam præter Matianum malum, & modicam in ampulla potiunculam sumeret.* Contrā Cornelius Celsus lib. i. cap. i. *Bis die potius, quā semel cibum capere, & semper quā plurimum, dummodo hunc concoquat.* Ex quibus locis satis constat prandio veteres vsos esse, siue leuius illud, siue largius sumerent. Sex. Pomius: *Cena, inquit, apud antiquos dicebatur, quod nunc prandium: Vesperna quae nunc cena appellatur.* Idem alibi: *Prandium ex Graeco dictum: nam meridianum cibum cenam vocabant.* Mihi tamen non liquet, quomodo prædium ex Graeco ducatur. nisi fortē quoddam *πρό τις*, hoc est ante tempus meridianum sumebatur, inde dictum prandium Festus velit. nam Plutarchus Sympos. lib. viii. *ἄριστον* ponit pro prandio, & *κλινῶναι ἄριστον* dicit *πρό τῆς ὀψείας*. ἵσθον γὰρ τὸ δειλινὸν vocari. Prandium veteribus in vsu fuisse, præter ea quae adduximus, multis alijs scriptorum testimonijs confirmari potest; nos paucis his contenti erimus. Plautus in Amphitruone.

*Illo die impransus fui:*

*Non placet hoc me noctis esse, cenam modo.*

& in Captiuis:

*Quò imus ad prandium &c.*

*Vbi cenemus inquam? in Bacchide:*

*Quid si ad te veniat de subito prandium, aut potatio,*

*Fortē aut cena &c.*

*Ubi ego tum accumbam?*

M. Cato ait. CLVII. prandium agnoscit, cum ait: *Si quem velis purgare, pridie ne cenet, & mane ieiunio dabo* & Varro lib. II. de re rust. cap. x. *Cibus eorum debet esse interdiu separatim, vespertinus in cena.* Cicero in Verrem: *Quid ego istius prandia, & cenas commorem.* Capitolinus in Macrino: *Si prandisset vel priuatim parcissimus, in cena effusissimus. Adhibuit conuiuium litteratos, ut loquens de studijs liberalibus, necessario abstineret.* Hora prandij apud veteres, quae fuerit, intelligi potest ex Suetonij verbis in Caligula cap. LVIII. quae sunt haec: *Nono Kal. Februarias, hora quasi septima, cunctatus an ad prandium surgeret, marcescente adhuc Stomacho pridiani cibi onere, tandem suadentibus amicis, egressus est. & in Claudio cap. XXXIV. Bestiarjs, meridianisq. adeo delectabatur, ut à prima luce ad spectaculum descenderet, & meridie dimisso ad prandium populo persederet.* De meridianis autem gladiatoribus habetur apud Senecam lib. I. Epist. Post prandium Isidorus ponit merendam, quam dicit cibum fuisse, qui declinante die sumeretur, quasi esset post meridiem edenda, & proxima cenae; vnde & antecena à quibusdam vocabatur. Merendae mentionem facit Plautus in Mostellaria. Item Nonius, qui ait dici merendam, cibum post meridiem. Festus tamen scribit merendam antiquos pro prandio dixisse, quod scilicet medio die caperetur: ut videri possit veteres merenda interdum pro prandio vsos fuisse. Hanc consequebatur cena, quam Lamprias apud Plutarchum putat à Romanis *ἡ μεσημέρια*, dictam esse, quod scilicet inter amicos conuiuium iniri soleret: nam *μεσημέρια* pro cena ponit;



ponit; & addit: τὸ μὲν δὲ δὲ πρὸς τὸν αὐτὸν κλῆρον διὰ τὸ τοιοῦτον  
 v'ar xg. λ. εἰ δ' αὖ. Isidorus autem lib. xx. cap. ii. de cena ita  
 differit: *Cena* vocabatur à commnnione *vescentium*,  
 κοινὸν, quippe Graeci commune dicunt. Vnde & commu-  
 nicantes, quòd communiter, idest pariter conueniant.  
 Apud veteres enim solitum erat in propatulo vesci, &  
 communiter epulari, ne singularitas luxuriam gigneret.  
 Est autem cena cibus vespertinus, quam *Vespernam* an-  
 tiqui dicebant: in vsu enim non erant prandia. Sed Isido-  
 ro cum Festo non conuenit, qui scribit: *Cena* apud an-  
 tiquos dicebatur, quod nunc prandium: *Vesperna*, quae  
 nunc *cena* appellatur. *Cenae* apud veteres hora erat  
 adtributa aestate nona, hieme decima, vt ex Cicero-  
 nis epist. ad Paetum lib. ix. intelligitur, in qua ita scri-  
 ptum est: *Accubueram hora nona, cum id litterarum*  
*exemplum in codicillis exaravi*; & ex Martialis epi-  
 grammate, quod adduximus suprà, in quo sic ha-  
 betur: *Imperat extructos frangere nona toros.*

Imperat extructos frangere nona toros.  
 Itaq. Iuuenalis Sat. i. Marium tamquam intempesti-  
 uum conuiuam notat, quod hora octaua cenatū ve-  
 nisset, hoc versu:

*Exul ab octaua Marius bibit & fruitur Dis*

*Iratis &c.* cum Martialis lib. ii. dixerit.

*Octauam poteris seruare, cenabimus vna.*

Erat enim octaua hora adsignata lauationi aestate,  
 quam cena consequebatur hora sequenti, hoc est,  
 nona: cum hieme lauarentur nona, cenarent decima.  
 Auctor ad Herennium lib. i v. *Visit triclinium stra-*  
*tum &c. vos huc decima venitote.* Plinius Iunior lib.  
 iii. Epist. i. *Vbi hora balnei nuntiata est, est autem hie-*  
*me nona, aestate octaua, in sole, si caret vento. ambulat*  
*nudus.*

nudus. Deinde mouetur pila vehementer, & diu. nana hoc quoque exercitationis genere pugnat cum senectute. Lotus accubat, & paulisper cibum differt. interim audit legentem remissius aliquid, & dulcius. Per hoc omne tempus liberum est amicis vel eadem agere, vel alia, si malint. Apponitur cena non minus nitida, quam frugi, in argento puro, & antiquo. sunt in usu & Corinthia, quibus delectatur, & adficitur. Frequenter comoedis cena distinguitur, vt voluptates quoque studijs condiantur. Sumit aliquid de nocte, & aestate. Nemini hoc longum est, tanta comitate conuiuium trahitur. Idem in epistola ad Macrum eodem libro: Surgebat, inquit, aestate à cena luce; hieme, intra primam noctis. Quod autem dixit Plinius, balinei horam hieme nonam, aestate octauam fuisse, referendum est ad eam diei partitionem, quam supra retulimus obseruatam à veteribus, qui solaria in horas tam noctis, quam diei temporales, non aequinoctiales diuidebant; nam vt nunc diem, qui naturalis appellatur, diuidimus, in viginti-quattuor scilicet horas aequales ab occasu solis ad alterum occasum, hora nona erat, quae nunc apud nos vigesima prima, & decima quæ vigesima secunda. atque hoc modo intelligendum est illud Marci, cap. xv. & Lucae cap. xxiii. Erat autem ferè hora sexta, & tenebrae factae sunt in vniuersam terram vsque in horam nonam: hoc est vt nunc agimus, ab hora decima octaua, vsque ad horam vigesimam primam. nam mense Martio, quo illa gesta sunt, horae veterum temporales, vt tunc partiebantur, ferè pares sunt aequinoctialibus, ita vt prima hora diei ab antiquis appellata ciuilis, eadem sit cum hora decima tertia naturalis diei, vt nos partimur. Secunda, eadem

dem cum quarta decima. Tertia, cum quinta decima. Quarta, cum sexta decima. Quinta, cum decima septima. Sexta, cum decima octava. Septima, cum decima nona. Octava, cum vigesima. Nona, cum vigesima prima. Decima, cum vigesima secunda. & sic deinceps. Dicebatur autem cena, à discumbentium recto ordine recta, cui opponebantur sportulae, & ut Graeci dicunt, *ἀντιπρὸς ἐν ἀσπίδι*. Suetonius de Augusto cap. LXXIV. *Conuiuabatur assidue, nec nunquam nisi recta, non sine magno ordinum, hominumq. delectu.* & in Domitiano cap. VII. *Sportulas publicas sustulit, renocata cenarum restarum consuetudine.* hinc Martialis lib. VII. ad Domitianum:

*Grandia pollicitus quanto maiora dedisti:*

*Promissa est nobis sportula, recta data est. & lib. II.*

*En vocat ad cenam melior te Classice rectam.*

*& rursus lib. VII.*

*Rectam vocatus cur recurrit ad cenam.*

Inde sportula usurpari coepit pro ipso cibo. Iuuenalis Sat. III.

*Nonne vides quanto celebretur sportula fumo?*

Usurpatur etiam pro pecunia illa, quae cibi parandi causa dabatur. Martialis:

*Dat Baiana mihi quadrantes sportula centum. & alibi:*

*Centum miselli iam valete quadrantes, & c.*

*Regis superbi sportulae recesserunt.*

Cenae quidem ipsae, aliae erant publicae, aliae vero priuatae. Ex cenis publicis nominantur à scriptoribus in primis Pontificiae, de quibus dictum est in libro de Triclinio, & mentio fit ab Horatio lib. II. ode XIV. cum inquit:

— & mero

F 4 Tingit



*Tingit pauimentum superbo*

*Pontificum potiore cenis.*

Nominatur item Augurales, quae Adjiciales etiam dicebantur, de quibus Plinius lib. x. cap. xx. *Pauonem*, inquit, *primus occidit Hortensius adjiciali cena sacerdotij.* & Varro lib. iii. cap. vi. in codicibus manuscriptis. *Primus*, inquit, *Q. Hortensius Augurali adjiciali cena posuisse dicitur.* & Macrobius lib. iii. cap. xiii. *Primus hos Q. Hortensius Augurali adjiciali cena dicitur apposuisse.* Seneca lib. xv. epist. xcvi. *Et toties tamen sestertio adjiciales cenae fortissimis viris constituerunt.* Vt dubitari non possit, quin adjicialis sincerum sit, praesertim ad stipulante Tacito, qui libro ii. quasi etymon eius vocis ostendit illis verbis: *Rheusporis sanciendo (ut distabat) Foedri conuiuium adjicit, tractaq. in multam noctem laetitia per epulas ac vinolentiam.* Non tamen negarim extare apud me Plinij codicem à viro doctissimo collatum cum libro manuscripto, in quo vox *adjicialis*, in *dapalis* mutata sit; verum, ut suspicor, ex auctoritate Nonij Marcelli, qui dapalem cenam dictam ait, quod sit amplis dapibus plena, & exemplum Titinij affert ex Barbato, ubi est:

*Toto fit in foco de lignis mihi dapalis cena.*

Vnde & *dapaticè excepti*, Plautus dixit, quod significare ait Feltus, magnificè. quo significatu *dapsilis cena* dicitur à Suetonio in Vespasiano. Augurales igitur cenas, siue adjiciales illas, siue dapales dicamus, designat Cicero lib. vii. epist. ad Gallum cum inquit: *In eos cum incidissem in cena Augurali apud Lentulum.* Saliarum cenarum celebrantur ab Horatio lib. i. Carm. ode. xxxvii. cum inquit:

nunc

## nunc saliaribus

*Ornare pulvinar Deorum*

*Tempus erit dapibus sodales.*

Cicero lib. v. epist. ix. ad Atticum. Cum opiparè salia-rem in modum epulati essemus. Festus in Salios: At Critolaus, inquit, Saonem ex Samothrace cum Aenea Deos Penates, qui Lauinium transtulerit, saliare genus saltandi instituisse, à quo appellatos Salios; quibus per omnes dies, ubicumq. manent, quia amplae ponuntur cenae, si quae aliae magnae sunt, saliares appellantur. Appuleius lib. iv. Vt equus quidem meus tanta copia, et quidem solus potitus, saliares cenas cenasse crederet. Cereales cenae laudantur à Plauto his versibus in Menachmis:

*Cereales cenas dat, ita mensas extruit;*

*Tantas struices concinnat patinarias.*

*Standum est in lecto, siquid de summo petas.*

Cenas autem Capitolas celebrat Martialis his versibus:

*Non Albana mihi sit comessatio tanti,*

*Nec Capitolinae, Pontificumq. dapes.*

Cenae populares nominantur à Plauto in Trirummo, his versibus:

*Quid tum si in aedem ad cenam venerit? &c.*

*Apposita sit cena, quam popularem vocant.*

Cenae Triumphales habentur apud Plinium libro xiv. cap. xv. in quo est: Quid? non & C. Caesar Dictator triumphi sui cena vini Falerni amphoras, Chij cados in conuiuia distribuit? Idem Hispaniensi triumpho Chium & Falernum dedit. & Liuius in triumpho Manlij epulas scribit & cura & sumptu maiore apparari coeptas. Cenae Nuptiales describuntur

ab Appuleio his verbis, lib. vi. *Nec mora, cum cena nuptialis affluens exhibetur. Accumbebat summum torum maritus: Psyche gremio suo complexus, sic & eū sua Iunone Iuppiter, ac deinde per ordinem toti Dei. Tunc poculum nectaris, (quod vinum Deorum est) Ioui quidem suus pocillator ille rusticus puer, ceteris verò Liber ministrabat, Vulcanus cenam coquebat. Horae rosis & ceteris floribus purpurabant, omnia Gratiae spargebant balsama. Musae quoq. canora voce personabant. Apollo cantauit ad citharam. Cenae Natalitiae, quae fuerint, indicat Plautus Persa:*

*— hoc age, accumbe,*

*Nūc diē suauē meū natalē inter nos agitemus amoenū :  
Date illi aquam manibus, apponite mensam.  
Cicero lib. ii. Philippicarum: Hodie non descendit  
Antonius. cur? dat natalitia in hortis :  
Iuuenalis Sat. ii.*

*Moris erat quondam festis seruare diebus,  
Et natalitium cognatis ponere lardum,  
Accedente nona, siquam dabat hostia, carne.*

*Ferales cenae ponuntur apud Festum in Feralia, de quibus Ovidius lib. ii. Fast. ita cecinit:*

*Hanc, quia iusta ferunt, dixere Feralia lucem.*

*Vltima placandis Manibus illa fuit. Iuuenalis:*

*Ponitur exigua feralis cena patella.*

*Appuleius lib. iv. Florid. Exclamauit viuere hominem, procul ignes amolirentur, cenam feralem à tumulo ad mensam referrent. Et haec quidem de publicis veterum cenis. Dicendum nunc aliquid de priuatis, quarum aliquas nominat Tertullianus in libro de anima, cum inquit: Quid putas futuram animam homicidae? aliquod credo pecus, lanienae & macello desti-*



destinatum; vt perinde iuguletur, quia & ipsa iugulauerit; perinde decorietur, quia & ipsa despoliauerit; perinde in pabulum proponatur, quia & ipsa bestiis obiecerit eos, quos in siluis & aruis trucidauerit. Si ita iudicabitur, nonne illa anima plus solatiij, quàm supplicij relatura est, quòd funus inter cocos pretiosissimos inuenit, quòd condimentis Apicianis & Lurconianis humatur, quòd mensis Ciceronianis infertur, quod lancibus splendidissimis sullanis offertur &c. Cum autem in vulgatis libris editum sit: & ipsa bestiis infecerit os, quas in siluis: nos emendauimus: & ipsa bestiis obiecerit eos, quos in siluis. & paulò post legendum existimamus: Vt malit famae suae ornamenta, quàm gaudia, non, gaudeat. Item: Quod animal indues viro iusto Aeaco? non, Deloto? Sed cenas priuatorum, quae apud scriptores habentur, omnes persequi infinitum esset. nos insigniores aliquas ponemus, & in primis Cleopatrae, de quibus meminerunt Macrobius lib. iiii. cap. xviij. & Athenaeus lib. iij. in quo refert Cleopatram in Cilicia ubi iam Antonio factam, regium conuiuium apparasse, in quo vasa omnia aurea, & gemmata fuerunt, singulari artificio elaborata, purpureisq. & auro intextis aulacis recti parietes, triclinia duodecim lectis strata. His adornatis, ad cenam Antonium cum ijs quos libuit, Cleopatram inuitasse, eiq. tantam magnificentiam non sine stupore demiranti, surridentem dixisse, illi donare se omnia. Postridie rursum ad cenam inuitato cum amicis & ordinum ductoribus, aduenientiq., instructo splendidius epulo effecisse, vt priora illa exigua viderentur, iterumq. dedisse illi omnia, ac ducibus singulis lectum in quo accubuerant; & pocula vt in mensas diuisa fuerant, secum

secum auferre permisisse: digressuris, si qui antecellerent dignitate, lecticas cum lecticarijs seruis; plurimis equos argenteis phaleris ornatos; omnibus Aethiopicos pueros, qui facibus praelucere, repraesentauisse. Die post quarto talenti sumptu conuendendas eam rosas curasse, & ad profundam altitudinem consterni pauimentum iussisse. Athenaei verba sunt haec: Α πανθήσουα τῶ Αντωνίῳ ἡ Κλεοπάτρα ἐν κιλίκῳ, παρὰ τοὺς βασιλικὸν συμπόσιον, ἐν ᾧ πάντα χεύουσα, καὶ λιθοκόλλητα σφειπῶς ἐξηρασμένα τῆς τέχνης. ἦσαν δὲ καὶ οἱ τοῖχοι ἀλλογέοι καὶ διαχέυσις ἐμπιπτασμένοι ὕφεισι, καὶ δάδια τεκλίνια διασρώσουσι, ἐκάλεισε τὸν Αντώνιον, μεθ' ὧν ἐβέλετο, ἡ κλεοπάτρα. Τοῦ δὲ τῇ πολυτελείᾳ τῆς ὀψέως ἐκπλαγύντος, ὑπομειδιῶσας, ταῦτα ἐφη πάντα δωρεῖσθαι αὐτῷ, καὶ εἰς αὐρίον παρεχάσθαι συνδραμῆσαι πάλιν ἦγοντα μὲν τῶν φίλων, καὶ τῶν ἡγεμόνων, ὅτε καὶ πολλῶν κρείττον διακοσμήσουσι τὸ συμπόσιον, ἐποίησε φανῆναι τὰ πρῶτα μικρά, καὶ πάλιν καὶ ταῦτα ἐδωρήσατο. τῶν δ' ἡγεμόνων ἐφ' ἧς ἕκαστος ἐκλιτο κλίνη, καὶ τὰ κυλίμα καὶ δῶς τῆς τραγικῆς ἐμεμέριστο, ἕκαστος φέρειν ἐπέτρεψε, καὶ ἡ τιμὴ ἀφοδὸν τοῖς μὲν ἐν ἀξιώμασι φερέα σὺν τοῖς κομίζουσιν, τοῖς κλείουσιν δὲ κατὰ γύροισι σκιδάσας κακοσημένους ἱπποῖς. πᾶσι δὲ λαμπρὴν φορέαν παῖδας Αἰθιοπίας παρέσθαι. τῇ δὲ τέταρτῃ τῶν ἡμερῶν ταλαιναιῶς εἰς ῥόδα μιδουῖ δὲ δακε, καὶ κατὰ τὴν ὁπὶ πυκνὰ βιάσθαι τὰ ἐδίδου. Macrobius verò sic habet: His legibus annumerarem edictum de sumptibus ab Antonio propositum, qui post Triumuir fuit, ni indignum crederem, inter cohibentes sumptus Antonio locum facere; cuius expensae in cenam solitae conferri, sola vnionis à Cleopatra vxore consumpti aestimatione superatae sunt. Nam cum Antonius quicquid mari, aut terra, aut etiam caelo gigneretur, ad satiandam ingluuiem suam natum existimans, faucibus ac dentibus suis subderet: eaq. re captus, de Romano imperio facere vellet Aegyptium regnum; Cleopatra vxor, quae vinci à

Roma,

Romanis nec luxuria dignaretur, sponsione prouocauit, insumere posse in vnam cenam sestertium centies. Id Antonio mirum visum: nec moratus, sponsione contendit digna sculna Munatio Planco, qui tam honesti certaminis arbiter electus est. Altera die Cleopatra pertentans Antonium, pollucibilem sanè cenam parauit, sed quam non miraretur Antonius: quippe qui omnia, quae apponebantur, ex quotidianis opibus agnosceret. Tunc regina arridens, phialam poposcit, cui aceti nonnihil acris infudit, atque illuc vnionem demptum ex aure altera festinabunda demisit: eumq. maturè dissolutum, vti natura est eius lapidis, absorbuit. Et quamuis eo facto sponsione vicisset, quippe cum ipsa margarita centies sestertium sine contentione valuisset, manum tamen & ad alterius vnionis aurem similiter admouit, nisi Munatius Plan- cius index seuerissimus superatum Antonium maturè prouocasset. Ipse autem vnio cuius magnitudinis fuerit, inde colligi poterit, quòd qui superfuit, postea victa regina, & capta Aegypto, Romam delatus, dissectusq. est, & factae ex vna margarita duae, impositaeq. simulacro Veneris, vt monstruosae magnitudinis, in templo, quòd Pantheon dicitur. Scripsimus autem apud Macrobius, non vt in vulgatis libris corruptè legitur, dignus culina Munatio Planco, sed, digna sculna Munatio Planco, secuti lectionem vetusti codicis, confirmatam testimonio Agellij, qui lib. xx. cap. x. docet sculnam ab antiquis dictum fuisse, quasi seculnam, id est, sequestrem, quòd eius fidem vtraque pars, quae sponsiones fecisset, sequeretur. Quae autem de dissecto vnione scripsit Macrobius, eadem leguntur apud Plinium lib. ix. cap. xxxv. his verbis: Duo fuere maximi vniones per omne aeuum, vtrumq. posse-



possedit Cleopatra, Aegypti reginarum nouissima, per manus orientis regum sibi iraditos. Haec cum exquisitis quotidie Antonius saginaretur epulis, superbo simul ac procaci fastu, vt regina meretrix lautitiam eius omnem apparatusq. obtrectans, quaerente eo, quid astrui magnificentiae possit, respondit, vna se cena centies Hs. absumpturam. Cupiebat discere Antonius, sed fieri posse non arbitrabatur. Ergo sponsonibus factis, postero die quo iudicium agebatur, magnificam alias cenam, ne dies periret, sed quotidianam Antonio apposuit, irridenti, computationemq. expostulanti. At illa corollarium id esse, consumpturamq. se in ea cena taxationem confirmans, ( siue vt est in V. C. & consumpturam eam cenam taxationem confirmans ) solamq. centies se Hs. cenaturam, inferri mensam secundam iussit. Ex praeepto ministri vnum tantum vas ante eam posuere aceti, cuius asperitas visq. in tabem margaritas resoluit. Gerebat auribus tum maximè singulare illud, & verè vnicum naturae opus. Itaque expectante Antonio quid nā esset actura, detractum alterum mersit, ac liquefactum obsorbuit. Iniecit alteri manum L. Plancus iudex sponsonis eius, cum quoque paranti simili modo absumere, victumq. Antonium pronuntiauit homine irato. ( siue vt nos putamus legendum, omine eirato. ) Comitetur fama vnionis eius parem, capta illa tantae quaestionis victrice regina dissectum, vt esset in vtrisque. Veneris auribus Romae in Pantheo dimidia eorum cena. Alexandri Magni cenam, itemq. regis Persarum describit Athenaeus loco supramemorato, in quo refert Menandrum, maximum cenae sumptum & immoderatum, statuere talentum; cum tamen in cena regis Persarum referente Ctesia apud eundem Athenaeum,

maecum, talenta quattuor impenderentur in conuiuarum millia quindecim; Alexander autem Ephippo auctore, minas centum expenderet in conuiuas sexaginta, vel septuaginta. Capitolinus de cena L. Veri ita scribit: *Omne autem conuiuium aestimatum dicitur sexagies centenis millibus HS.* Cena pura apud Romanos quae fuerit, quaeri potest: videtur autem fuisse ieiunium quoddam, & abstinencia ciborum, qualem veteres in casto Cereris vsurpabant. Appuleius in Asclepio: *Hoc optantes, conuertimus nos ad puram, & sine animalibus cenam.* Graeci cenam sine sanguine dixerunt, ob quam scilicet nullae caederentur animantes, sed conuiuantibus olera tantum, & terra nata apponerentur; & quam Plautus ob id, terrestrem cenam appellauit in Captiuis, & Diphilus apud Athenaeum lib. vi. cenam sine sanguine his versibus:

Εὐν δὲ πᾶσι γινώσκει καὶ λαῶδες, ὅτι δέσας νοῦν

Ὅτι τὸ τοῦ μοῦ τοῦ δειπνον ἀλλ' ἔδ' αἰμ' ἔχει.

Ex fumo enim culinae parasitus de cena, an sine sanguine esset, coniecturam facit. Huiusmodi quandam cenam innuit Spartianus in Didio Iuliano, cum inquit: *Saepe autem nulla existente religione, oleribus, leguminibusq. contentus, sine carne cenauit.* S. Augustinus in Ioannem tractatu. CVII. & CXX. super illo loco: *Propter parasceuen Iudaeorum. Acceleratam,* inquit, *ult intelligi sepulturam, ne aduersperasceret, quando iam propter parasceuen, quam cenam puram Iudaei latine vsitatus apud nos vocant, facere tale aliquid non licebat.* & vetus Glossarium, cenam puram interpretatur *Ἐργασίω*, siue, *παρασκευασίῳ*. Marcus xv.

καὶ ὁ πᾶς ὁ δὲ ἡγομένης, ὅτι τὴν Ἐργασίαν, ὅτι παρασκευασίῳ,

& vt Latinè vèrtil S. Hieronymus : *Et cum iam serò esset factum, quia erat parasceue, quod est ante Sabbatum.* Festus in Penem scribit offam penitam in cenis puris dari solitam fuisse. Penem, inquit, antiqui codam vocabant, à qua antiquitate etiamnum ossa porcina cum cauda in cenis puris, ossa penita vocatur. Huic quodammodo opponitur cena, quam Plautus ebriam vocat in Casina. Terétius verò dubiam in Phormione; Plauti versus sunt hi:

*Facite cenam mihi, vt ebria sit :* *ex quo dicitur mi*

*Cenare lepide, nitideq. volo.* Terentius:

*Cena dubia apponitur. Quid istuc verbi est?*

*Vbi tu dubites quid sumas potissimum.*

Videtur enim opiparam cenam, & cibis conquistissimis extructam vterq. significare. cuiusmodi narratur cenae Lurconianae M. Aufidij, de quo Plinius lib. x. cap. xx. & Apicianae, quarum meminit idem Plinius lib. x. cap. XLVIII. his verbis: *Phoenicopteri linguam praecipui saporis esse, Apicius docuit nepotum omnium altissimus gurgis.* & lib. VIII. cap. LI. de suis: *Adhibetur & ars iecori feminarum sicut anserum, inuētum M. Apicij, fico carica saginatis, ac satie necatis repente mulsi potu dato.* Sed liber manuscriptus habet, *fico arida;* & pro *satie necatis*, putamus legendum, *siti enectis*: ita enim postulat sententia, vt legatur, vel ex ijs, quae sequuntur. Lampridius in Elagabalo ita de Apicij cenis scribit: *Nunquam minus centum ss. cenauit, hoc est, argenti libris xxx.* aliquando autem tribus millibus ss. cenauit, omnibus supputatis, quae in pendit: *cenae verò Vitellij & Apicij vicit.* Item: *Comedit saepius ad imitationem Apicij calcanearum camelorum, & cristas viniis gallinaceis demptas, linguas*



guas pauonum & lusciniarum, quod qui ederet, epilepsia tutus diceretur. & post de Elagabalo: Amabat sibi pretia maiora dici earum rerum, quae mensae parabantur, orexin conuiuio hanc esse asserens. & alibi scribit Elagabalū ad Apicij item imitationē exhibuisse aliquando Palatinis ingentes dapes extis mullorum refertas, & cerebellis phoenicopterus, & perdicum ouis, & cerebellis turdorum, & capiribus psittacorum, & fasianorum, & pauonum. Libet autem hic de veterum quoque parsimonia in cenis, quoniam de luxu dictum est, antiquum Senatus decretum proferre, quod refert Agellius lib. II. cap. XXIV. vel potius integrum caput Agellij ponam, ut legitur apud me ex veteris codicis collatione emendatum. Legi, inquit, adeo nuper in Capitonis Atei coniectaneis Senatus decretum vetus C. Fannio, & M. Valerio Messala. Cos. factum, in quo iubentur principes ciuitatis, qui ludis Megalensibus antiquo ritu mutuitarent, id est mutua inter sese dominia agitarent, iurare apud Cos. verbis conceptis, non amplius in singulas cenas sumptus esse facturos, quam centenos videnosq. aeris, praeter olus, & far, & vinum: neque vino alienigena, sed patrio vsuros: neque argenti in conuiuio plus pondo, quam libras centum illaturos. Sed post id Senatusconsultum, lex Fannia lata est, quae ludis Romanis, item ludis Plebeijs & Saturnalibus, & alijs quibusdam diebus in singulos dies centenos aeris insumi concessit, decemq. alijs diebus in singulis mensibus tricenos: ceteris autem omnibus diebus denos. Hanc Lucilius poeta legem signat, cum dicit:

Fannij centussisq. misellos.

In quo errauerunt quidam commentariorum in Luciliū

G

Scripto-

Scriptores, quod putauerunt Fannia lege perpetuos in omne dierum genus centenos aeris statutos. Centum enim aeris Fannius constituit, sicuti supra dixi, festis quibusdam diebus, eosq. ipsos dies nominauit. Aliorum autem dierum omnium in singulos dies sumptus inclusit, intra aeris aliàs tricenos, aliàs denos. Lex deinde Licinia rogata est, quae cum certis diebus, sicuti Fannia, centenos aeris impendi permisisset, nuptijs ducenos indulset, ceterisq. diebus statuit aeris tricenos: cum & carnis aridae, & salsamenti certa pondera in singulos dies constituerit. Sed quidquid esset tum è terra, vite, arboreq. promiscue, atque indefinitè largita est. Huius legis Linius poeta meminit in Erotopaegnijs. Verba Linij haec sunt: quibus indicat hoedum, qui ad epulas fuit allatus, dimissum, cenamq. ita vt lex Licinia sanxisset, pomis, ole ribusq. instructam: Lex Licinia, inquit, introducitur, lux liquida hoedo redditur. Lucilius quoque legis istius meminit in his verbis: legem vitemus Licini. Postea L. Sulla Dictator, cum legibus istis situ atque senio oblitteratis, pleriq. in patrimonijs amplis belluarentur, & familiam, pecuniamq. suam prandiorum gurgitibus proluisent, legem ad populum tulit, qua cautum est, vt calendis, idibus, nonis, diebusq. ludorum, & ferijs quibusdam solemnibus hs. tricenos in cenam insumere, ius potestasq. esset: ceteris autem alijs diebus omnibus, non amplius ternos. Praeter has leges, Aemiliam quoq. legem inuenimus, qua lege non sumptus cenarum, sed ciborum genus, & modus praefinitus est. Lex deinde Antia, praeter sumptum aeris, id etiam sanxit, vt qui Magistratus esset, Magistratumue captaturus esset, ne quod ad cenam, nisi ad certas personas itaret. Proptremò lex Iulia ad populum peruenit Caesare Augusto imperante, qua -

qua pro festis quidem diebus ducenti finiuntur: Calendis, Idibus, Nonis, & alijs quibusdam festis, trecenti: nuptijs autem & repotijs Hs. mille. Esse etiam dicit Capito Ateius edictum. (Cui ne Augusti, an Tiberij Caesaris non satis commemini) quo edicto per dierum varias solennitates, à CCC. Hs. adusque duomillia sumptus cenarum propagatus est, ut his saltem finibus luxuriae effervescentis aestus coerceretur. Scripsimus apud Agellium, in Capitonis Atei Coniectaneis, non ut vulgò legitur, Collectaneis; secuti auctoritatem vetusti codicis, qui tum hic, tum intrà lib. IV. cap. XIV. habet: Cùm librum VIII. Atei Capitonis Cōiectaneorum legeremus, non ut in vulgatis, Collectaneorum. atque haec scriptura satis ab ipso Agellio confirmatur duobus locis intrà lib. XIV. cap. VII. cum inquit: Quod Ateius Capito in Coniectaneis scriptum reliquit. & cap. VIII. Ateius Capito in Coniectaneorum ducentesimo quinquagesimo nono. Scripsimus item, mutitarent, non, mutitarent, quo verbo utitur Plautus; & dominia, nō conuiuia; in eo quoque vetustum codicem secuti, confirmatum praesertim Nonij auctoritate, qui scribit: Dominus rursus appellatur conuiuij exhibitor: unde & dominia, conuiuia. Lucilius Sat. lib. XIII. Primum dominia atque sodalitia tolluntur. Item scripsimus: Huius legis Liuius poeta meminit in Erotopaegnij. Verba Liuij haec sunt: non, Laelius, & Laelij. Sic enim habet vetustus codex, cuius lectionem confirmat Aufonius in centone nuptiali, cum inquit: Quid antiquissimi poetae Liuij Erotopaegniōn libros loquar? Item: Calendis, Idibus, Nonis, & alijs quibusdam festis trecenti: nuptijs autem ac repotijs, Hs. mille, non, festiuis, & millies, ut malè legitur in libris vulgatis. Legis



autem Fanniae, quam Agellius recitauit, meminit Plinius lib. x. cap. i. his verbis: *Gallinas saginare Deliaci coepere: unde pestis exorta, opimas aues, & suo pte corpore vntas deuorandi. Hoc primum antiquis cenarum interdictis exceptum inuenio iam lege C. Fannij Cos. xi. annis ante tertium Punicum bellum, nequid volucrum (siue volucre, vt est in libro manuscripto) poneretur praeter vnā gallinā, quae non esset altilis: quod deinde caput translatum, per omnes leges ambulauit. Inuentumq. diuerticulum est, in fraude earum gallinaceos quoque pascendi lacte madidis cibis: multo ita gratiores approbantur &c.* Athenaeus lib. vi. nonnulla Fanniae legis capita refert, & in primis de numero conuiuarum, ait enim: *Εὐχάδε δὲ ὁ νόμος, τεῖων μὲν πλείονας ἔξω τῆς οἰκίας μὴ ὑποδέχεσθαι. καὶ ἀρσενά δὲ τῶν πέντε. τῶτο δὲ τοῖς τῶ μὲν δὲ ἑξήντα το. ὁ ψωνεῖν δὲ πλείονος δύοιν δραχμῶν καὶ ἡμίονος καὶ ἐπέτρεπε. Κρέως δὲ καὶ πνίσκος δὲ καὶ πέντε τέ, λαυτα δαπανᾷν εἰς τὸν ἐλαυτὸν ἐπιχόρει. καὶ ὅσα γῆ φέρεται λαυτα, καὶ ὁσίων ἐφύματα.* Praeter eas autem leges, quas Agellius adduxit de veterum parsimonia in cenis, Macrobius lib. iii. cap. xvii. addit Orchiam, quam tulit C. Orchius Trib. pl. de Senatus sententia, tertio anno, quam Cato Censor fuerat. Summa autē eius legis praescribat numerum conuiuarum. Item Didiam, cuius ferundae duplex causa fuit: Prima & potissima, vt vniuersa Italia, non sola Vrbs, lege sumptuaria teneretur: Italis aestimantibus Fanniam legem, non in se, sed in solos vrbano ciues esse conscriptam. Deinde, vt non soli, qui prandia, cenasve maiore sumptu fecissent, sed etiam qui ad eas vocati essent, atque omnino interfuissent, poenis legis tenerentur. Atque haec satis superque de veterum parsi-

parfimonia in cenis : nam illa quae de quorundam potius illiberalitate , quàm parfimonia referuntur , ponenda non puto, vt de Didio Iuliano narrat Spartianus, tantae eū parfimoniae fuiſſe , vt per triduum porcellum , per triduum leporem diuideret , ſiquis ei fortè miſiſſet . Cenam conſequebatur Comeſſatio , qui cibus poſt cenam ſumebatur . Inde comeſſari dicebant, poſt cenam epulari . Suetonius in Tipto. c. vii. *Quòd ad mediam noctem comeſſationes cum profuſiſſimo quoque familiarium extenderet . Et in Domitiano cap. xxi. Conuiuabatur , inquit, frequenter, ac largè , ſed paenè raptim , certè non vltra ſolis occaſus , nec vt poſtea comeſſaretur .* Liuius lib. xl. *Demetrius iam cenatus, quin comeſſatum , inquit, ad fratrem imus ?* Dictam autem comeſſationem à Græco verbo *κῶμος* , Varro ſcribit lib. vi. Feſtus in epitoma . *Comiſatio* , inquit , à *viciſ*, quos Graeci *κῶμοι* dicunt , appellatur : in his enim habitabant prius , quàm oppida conderentur . quibus in locis alij alios conuiſus cauſa inuitabant . Velius longus in libro de orthographia : *At in comiſatore*, inquit, vtramque conſonantem ſimplicem ponamus : nam aut à comitate vox ducta eſt, aut à Græco, *παρά τὸν κῶμον*. S. verò geminata vocis ſonum exaſperat. Ex his igitur Scriptorum locis, quos adduximus, intelligere poſſumus, veteres Romanos ientafſe, prandiſſe, cenafſe, comiſafſe: Sed ientaculum quidem, & comeſſationem paucorum hominum; prandium verò & cenam omnibus communem fuiſſe; & prandium quidem leuius, & ſecretum; cenam verò largiorem, & in propatulo cum amicis iniſſe ſolitam fuiſſe. Pranſuri autem veteres Romani, aut cenaturi, tres lectos ſternere ſoliti erant, à qui-

bus Triclinium Graeco nomine appellatur locus etiam ipse, in quo tres illi lecti sternerentur: Nam Seruius negans triclinium dici basilicam, aut cenationem, quam cenatiunculam vocat Sidonius, stipendio stratum, satis arguitur à Fabio Quintiliano, & Valerio Maximo, qui quod de Scopa loquens Cicero dixit conclauē, interpretantur triclinium. Seruus qui sternendis lectis praeerat, quiq. ob id Lectisterniator dicitur à Plauto, curabat per Media stinos, vt opinor, scopis mundari triclinium prius, quàm lecti sternerentur, vt indicat Plautus in Asinaria, cum ait:

*Iussin' scelestē ab ianua hoc stercus auferri?*

*Iussin' columnis deijciet operas aranearum?*

*Iussi ne in splendorem dari bullas has foribus nostris?*  
& in Pseudolo:

*Haec cum ego à Foro reuertor, facite vt offendam parata,*

*Vorsu, praesterga, strata, lautaq., cocta q. omnia vti sient.*

*Nam mihi hodie natalis dies est, decet cum omnes vos concelebrare. Item:*

*Tu esto Lectisterniator, tu argentum eluito, atq. ex-truito.*

Iuuenalis Satyr. xiv.

*Hospite venturo cessabit nemo tuorum:*

*Verte pavimentum, nitidas ostende columnas,*

*Arida cum tota descendat aranea tela:*

*Hic lauet argentum, vasa aspera tergeat alter.*

Horatius lib. ii. Seron. Sat. iv.

*Magna mouent stomacho fastidia, si puer vntis*

*Tractauit calicem manibus, dum furta ligurit:*

Sine



*Sive grauis veteri craterae limus adhaesit.*

*Vilibus in scopis, in mappis, in scobe quantus*

*Consistit sumptus? neglectis flagitium ingens.*

*Te ne lapides varios lutulenta radere planta,*

*Et tyrias dare circum illota toralia vestes.*

Eiusdem, vt opinor, Leſtisterniatoris, siue Mediaſtini munus erat, aulaeis & velis triclinium insternere, quæ puluerem exciperent, ne dapes inquinaret. Horatius lib. II. Sat. VIII.

*Interea suspensa graues aulaea ruinas*

*In patinam fecere, trahentia pulueris atrii*

*Quantum non Aquilo Campanis excitat agris.*

Quæ sanè aulaea in veteribus ex marmore tricliniis expressa sunt. Sternebantur autem lecti non solum in triclinio, sed interdum voluptatis causa variis etiam locis, in quibus tum publica, tum priuata conuiuia celebrabatur. Nam Plinius lib. XII. cap. I. scribit: Licinium Mucianum Lyciæ legatum super platano cenasse cum XXVIII. conuiuiis, largè ipsa toros præbente fronde. Itemq. Caium principem in Veliterno rure in platano itidem XV. conuiuiarum ac ministerij capace triclinio, epulatam esse. Plinij verba, quia in promptu sunt, non proferam singula, sed tantum ea, quæ mendosa sunt, vt quomodo legi debeant, admoneam. Dionysius, inquit, prior Siciliae tyrannus Rhegium in Urbem transtulit eas, domus suæ miraculum, vbi postea factum gymnasium, nec potuisse in amplitudinè adulescere, & alias fuisse in Italia, & nominatim Hispania, apud auctores inuenitur. Putamus autem verba (in urbem) glossema esse: & vocem alias, in raras, mutandam esse; nam *corinthia* habet Theophrastus, à quo hunc locum Plinius

accepit. pro Hispania verò, vt est in libris vulgatis, legendum, in Adria, nam Illud Hispania, ex ea voce, quam diximus esse *maria* apud Theophrastum, factum est siue à Plinio, qui malè vertit; siue ab alio, qui Plinij locum contaminauit. Ad has autem sub vmbra platani computationes pertinent illa Virgilij lib. iij. Georg.

*Iamque ministrantem platani potantibus vmbra.*

Horatius lib. ii. ode xi.

*Cur non sub alta vel platano, vel hac*

*Pinu iacentes sic temerè, & rosa*

*Canos odorati capillos,*

*Dum licet, Assyriaq. nardo,*

*Potamus vncti?* Ouidius lib. iii. Fastor.

*Plebs venit, ac virides passim dissecta per herbas*

*Potat, & accumbit cum pare quisq. sua*

*Sub Ioue pars durat, pauci tentoria ponunt:*

*Sunt quibus è ramis frondea facta casa est.*

Cicero Philipp. lib. ii. de Marco Antonio inquit:

*Dat natalitia in hortis.* Virg. lib. vii. Aeneid.

*Corpora sub ramis deponunt arboris altae,*

*Instituuntq. dapes, & adorea liba per herbas*

*Subijciunt epulis &c.*

Sed in aedium superiore parte ad anni tempus appositae (vnde & aestiua triclinaria ad frigus orientis spectantia dixit Varro) ex communi consuetudine lecti sternerbantur, à quibus, vt diximus, cenaculum ipsum, Graeco vocabulo Tricliniū est appellatum. Biclinium autem à duobus tantum stratis lectis videtur Plautus formasse, cum dixit in Bacchidibus:

*Biclinium stratur &c. &: — Iam facite,*

*In biclinio cum amica sua vterq. accubitus eat.*

*Quam-*

Quamvis videri possit, biclinium apud Plautū non pro cenaculo, in quo duo essent lecti strati, sed pro lecto positum esse, in quo bini discumberent; quod magis placet: nam in veteribus marmoribus Romae multi huiusmodi lecti reperiuntur, in quibus duo tantum discumbunt, mensa apposita tripede. Reperitur item & vnus etiam lectulus, quem Scimpodium Scriptores vocant, & Grammatici interpretantur *ἡ τελεὺς κλινίδιον μονοκλίπον*, quod scilicet vilis esset, lectulus, & vnus tantū in eo accumberet. Vitruuius lib. vi. cap. x. ponit oecos quadratos, tam ampla magnitudine, *vt faciliter in eis*, vt inquit, *quattuor stratis triclinijs ministratorum ludionumq. operis* (ita enim legendum, non vt in vulgatis, *ministrationum, ludorumq.*) locus possit esse spatiosus. Athenaeus etiam lib. ii. scribit apud antiquos fuisse oecos siue conclauia triclinia, tetraclinia, heptaclinia, & reliquis deinceps numeris lectorum distincta. sic enim inquit: *ὅτι καὶ τεῖκλινοὶ οἶκοι, καὶ τετρακλινοὶ, καὶ ἐπτάκλινοὶ, καὶ καὶ τοὶ ἐξ ἡμῶν ἀριθμοὶ ἦσαν παλαιῶν τοῖς παλαιοῖς*. Inde Phrynichū appellasse oecum *ἐπτάκλινον*, qui septem lectos caperet; & *ἐννεάκλινον*, qui nouem. sic enim cecinisse. *ἐπτάκλινος οἶκος καὶ χαλὸς, εἰς ἐννεάκλινος ἔσθ' οἶκος*. & Iulius Pollux lib. i. cap. viii. docet oecum, triclinon, tetraclinon, pētaclinon, & decaclinon dici ex lectorum, qui sterni poterāt numero ad magnitudinis rationē. λέγειται δὲ, inquit, *οἶκος τεῖκλινος, τετρακλινος, πεντάκλινος, καὶ δεκάκλινος, καὶ ἀπλῶς ὡς τὸ μέτρον τῶ μεγέθους ὁ ἑστὸς κλινῶν ἀριθμὸς*. Vt conijci possit locum à magnitudinis ratione, etiam si nullos haberet stratos lectos, oecum triclinon, tetraclinon, pentaclinon, declaclinon, appellatum esse, sicut lectos triclinos, tetraclinos, hexacli-



hexaclinos, à numero scilicet conuiuarum, quos capere possent. Itaq. Antiphanes Comicus apud Athenaeum videtur lectum triclinon dixisse, in quo tres discumberent. Συναγᾶν, inquit, τρεῖς ὄντας εἰς τεῖκλιον ἡμᾶς. Quamuis Athenaeus dicat τεῖκλιον designari ab Antiphane hoc versu oecum, in quo tres lecti strati essent: Cum tamen triclinium ponatur interdum non tantum pro loco, sed pro lecto etiam ipso discubitorio, vt intelligi potest ex versu Amphidis apud Athenaeum:

Οὐχ ὑπερρώσεις ποτὲ τεῖκλιον;

& ex Virruuij loco supra memorato, itemq. Varronis libro III. cap. XIII. de re rustica, in quo ait: *Erat, locus excelsus, vbi triclinio posito cenabamus*. Idem lib. I. cap. I VIII. triclinium pro lecto item vsurpauit, cum inquit: *In quo quidam etiam triclinium sternere solent cenandi causa.* & Plinius triclinia aerata, pro lectis dixit, sic etiam Cicero, referente Seruio, sterni triclinia, & in Foro sterni iubebat. Atq. huius vocis duplex notio induxit, vt videtur, Seruium in eum errorem, vt negarit triclinium significare basilicam ipsam, vel cenationem, in qua tres lecti sternerentur. Lectos terraclinos videtur innuere Horatius illo versu ex libro Seruii. I. Sat. IV.

*Saepe tribus lectis videas cenare quaternos.*

duodeni enim discumberant in ternis lectis. Pentaclinos verò lectos significauit Cicero, cum dixit in Pisonem: *Graeci stipati, quini in lectulis, saepe plures, ipse solus.* Hexaclinon item innuit Martialis lectum, qui sex caperet lib. IX.

*Et testudineum mensus quater hexaclinon.*

Et Eubulus lectum heptaclinon dixit, qui septem discum-

discumbētes caperet, his versibus apud Athenaeum, quibus conuiuia postulat sterni sibi lectum heptaccli non, & addi Sicula ceruicalia quinque : *Θές ἐπ' ἀκλινον. ἐπ' ἀκλινος ἐστὶ καὶ πέντε κλίνας σικελικὰς. λέγ' ἄλλο τίς τε κελικὰ προσεφέλαται πέντε.* sic enim leguntur hi versus in V.C. bibliothecae Farnesianae, cū in vulgatis mutili sint, & sine poetae nomine. Plutarchus etiā scribit, Caesarem cum veller populum epulis & spectaculis capere, excepisse eum tricliniorum in summa viginti duobus millibus, & post edita spectacula censu acto, pro trecentis viginti millibus civium, quot superiore censu fuerant, censa esse capita in totum centum quinquaginta millia. Graecē sic : *ὁ δὲ χρεῖται τὸν δῆμον ἀνελάμβανεν ἐπ' αὖτε καὶ δέας ; ἐστῶσθε μὲν ἐν διπτυχοῖς καὶ διτριχίνοις τεκλινίοις ὅμοι πάντας. & postea καὶ δὲ δέας ὑπομένων πικρῶς, καὶ τὴν περὶ τῶν δυνῶν καὶ τετακτοῦντα μυριάδων, ἐξ ἐτάδηνται αἱ πᾶσαι πεντηκίδες.* Vt videri possit in triclinio, siue in lecto, collocatos tunc à Caesare conuiuas septem. Et Crassum idem Plutarchus scribit, cum Herculi polluceret, populo epulum dedisse decem millibus mensarum. sic enim ait : *Ἡμετέροις μεγάλῃ δυνάμει ποινιζόμενος, εἰσάγει τὸν δῆμον ἐπὶ μυρίων τραπέζων.* Vt coniici possit infinitum fuisse numerum lectorum & conuiuarum. Scribit etiam Trebellius Pollio in Salonino, moris fuisse vt milites cum Imperatore discumberent: quod fieri nō potuit nisi stratis multis pro numero militum tricliniaribus lectis. sic enim ait : *Nam cū cingula sua plerique militantium, qui ad conuiuium venerant, ponerent, hora conuiuij Saloninus puer, siue Gallienus, his aureos constellatosq. baltheos (sic enim legendum, non constillatos) rapuisse perhibetur ; & cum esset difficile*

facile in aula Palatina requirere, quod perisset, ac tacitis militibus viri detrimenta pertulissent, postea rogati ad conuiuium cincti accubuerunt. cumq. ab his quaeretur, cur non soluerent cingulum, respondisse dicuntur: Salonino illud deferimus. Atq. hinc tractum morem, ut deinceps cincti cum Imperatore discumberent. Ut videri possit apud veteres aliquando plura, interdum pauciora strata fuisse triclinia, pro numero scilicet conuiuarum, qui & ipse itidem varius fuit. Nam idem Capitolinus scribit in Vero, celebratum ab eo aliquando conuiuium tale, in quo duodecim discubuerint, iuxta *ἡρώδης* Augusti celebrem cenam, cum sit notissimum dictum de numero conuiuarum: *septem conuiuium, nouem conuitium*. Contra verò Lampridius de Alexandro Seuero ait, offensus eum aliquando multitudine conuiuarum, dicere solitum, se tamquam in theatro, & Circo tunc manducare. Publica, inquit, conuiuia (sic enim legendum) ea simplicitate egit, qua priuata, nisi cum numerus accubantium crescebat. Cum tamen L. Verus referente Capitolino, diebus festis & Saturnalibus veritas etiam in triclinium admiserit, non offensus scilicet multitudine lectorum, & conuiuarum in iis cum eo discumbentium. Sed tres tantum lectos consueuisse antiquos sternere, nisi cum cena publica daretur, aut conuiuium exhiberetur ab Imperatoribus, (tunc enim tribus illis lectis adiciebantur alij pro numero conuiuarum) vel ex ipso triclinij nomine iam ostendimus, ad quod respexit Iuuenalis Sat. III. cum inquit:

*Tertia ne vacuo cessaret culcita lecto.* Vnde Plutarchus tradit Cleomenem cena quotidiana in triclinio



clinio vsum esse per quā restricta & laconica. Quòd si legatos vel hospites exciperet, lectos præterea ducs adiciebant ministri, & mensam instruebant paulò splendidiorē, non condimentis vel bellariis, sed fercula ut pleniora essent, & gratius vinum. Sublata autem mensa, alteram inferri solitam mensam tripedem, in qua crater aeneus poneretur vini plenus, & phialae argenteae binas heminas capientes, poculaq. argentea admodum pauca, ex quibus cui liberet, bibebat: inuitum inuitari adbibendum neminem. Graecè sic: ὅν δὲ δειπνῶν αὐτῷ τὸ μὲν κατημερινὸν λῶ ἐν τεικλιῖν σφόδρα ξυσεταλ- μόνον καὶ λακωνικόν, εἰ δὲ προσβείς ἢ ξένους δέχοιτο, δύο μὲν ἄλλαι περσπαρεβύλλοντο κλίνας. μικρῶ δὲ μᾶλλον οἱ ὑπε- ρείται πλὴν τραπεζῶν ἐπελάμψωνον, ἐ καρυκείαις, ἐ δὲ πέμμα- σιν, ἀλλ' αὖτ' ἀφρονότερας ἐπὶ ταῖς πρὸς θεοῖς, καὶ φιλανθρωπότη- ρον τὸν οἶνον. ἐπαρδείσης δὲ τῆς τραπέζης, εἰσπομίζετο τέτοις, κατὰ χαλκῶν ἔχων, οἶνε μυστὴν καὶ φιάλας ἀργυρᾶς δικοτύ- λους δύο, ἐξ ὧν ἕπινεν ὀβελόμενος. ἀκοῦπ δὲ ἐδίς ποτήριον περ- σέφερεν. Athenaeus lib. iv. de Cleomene eadem ponit his verbis: Πολλῶν δὲ προσβειῶν προαγχομένων περὶ αὐτὸν, ἐδέποτε ἐωρίστερον τῷ κατειδομένῳ συνήγαγε καὶ οὐδ', πιντὰ κλι- νοντε διέσπρωτο, ἐδέποτε πλείον. ὁπότ' ἢ μὴ παρείη προσβεία, τεύ- χλινον, καὶ πρὸς αὐτὰ ἐκ ἐρίνετο δι' ἐλαβῆς, τίς εἴσεται ἢ κατὰ κλιθῆσεται τῶντος, ἀλλ' ὁ προσβύτατος ἤγειτο ὅπ' αὐτὸς κλίνας, οἱ μὴ πν' αὐτὸς προσκαλέσασατο. Hoc autem addit tantum Athenaeus ad ea quae Plutarchus de Cleomene re- tulit, neminem apud eum à vocatore monitum, ut primus vel federet, vel accumberet, sed ad lectos du- cere conuiuas solitum, qui esset aetate prouectior, nisi aliquem ipse vltro vocasset. Triclinia versati- lia dixisse videtur Lampridius in Elagabalo cenatio- nes

nes illas rotundas, quae vice mundi, vt ait Suetonius in Nerone, circumagerentur, quales erant in domo aurea Neronis, de quibus ita scribit Seneca libro epistolar. iv. *Vtrum tandem sapientiorem putas, qui versatilia cenationum laquearia ita coagmentat, vt subinde alia facies, atque alia succedat, & toties testa, quoties fercula mutantur?* Ex quo loco videtur corrigendus Lampridius, qui & ipse de versatili hac cenatione loquens in Elagabalo, sic inquit: *Parasitis in secunda mensa saepe ceream cenationem*, (sic enim existimamus legendum, non vt in vulgatis codicibus, *cenam*) *saepe ligneam, saepe eburneam, aliquando fictilem, nonnunquam etiam vel marmoream, vel lapideam, ita vt omnia illis exhiberentur videnda de diuersa materia, quae ipse cenabat.* Verba Lampridij de triclinijs versatilibus parasitos suos violis & floribus sic, vt animam aliqui efflauerint, cum eripi ad summum non possent. Suetonij de cenatione versatili haec: *Cenationes laqueatae tabulis eburneis versatilibus, vt flores ex fistulis, & vnguenta desuper spargerentur.* Triclinijs nomina Deorum quidam imponebant, vt Iuullus, qui cenationi nomen Apollinis indidit. vnde celebratur illud: *cenabitur in Apolline.* Suetonius in Claudio cap. x. *Quum quasi secretum eo desiderante, turbam summonerent, in diaetam, cui nomen est Hermaeum, recesserat.* Alexander Seuerus imp (scribit Lampridius) *in matrem Mamaeam vnicè pius fuit, ita vt Romae in Palatio faceret diaetas nomine Mamaeae, quas imperitum vulgus hodie ad Mammam vocant.* Viurpatur autem diaeta pro ipsa cenatione & triclinio, tum ab alijs, tum à Sidonio, qui ait: *Ex tricli-*

*triclinio in diaetam, siue cenatiunculam fit transitus.*  
 Itemq. Zeta, à Plinio Iuniorè; quam tamen non à  
 similitudine literae, vt sigma, sed ἀπὸ τοῦ ζῆτος, quem  
 admodum & diaetam ἀπὸ τῆς διαίτης dictam putamus.  
 Porro lecti qui in triclinio sternebantur, & ob id tri-  
 cliniarès dicti, ex vno tantum latere mensae sterne-  
 bantur: fuisse autem eorum longitudinem pedum  
 sex, & paulò plus; latitudinem verò trium pedum,  
 scribit Aristoteles in Mechanicis sectione xxv. Men-  
 sarum verò quae apponebantur longitudinem, pa-  
 rè fuisse lectis ipsis, altitudinem autè trium cubito-  
 rum, intelligimus ex versibus Euangeli poetae apud  
 Athenaeum lib. xiv. in quibus quaeritur Parasitus  
 necesse sibi esse, vt attollat se, siquid capere de men-  
 sa velit, cum eius altitudo cubitorum sit triu. Euan-  
 geli versus sunt hi:

Τὸς τῆς βασιλῆος πίχων ὅτι τεῶν,

Ὡς τὸν διαποῦν τ' ἐπαίρειν ἐπὶ βέλτε λαβεῖν.

Vt videri possit lectos paulò eminentiores mensis  
 fuisse, iuxta Plautinum illud in Stichò:

*Standum est in lecto, siquid de summo petas.*

quod Graecis Euangeli tenarijs planè responderet.  
 Erant autem in lectis his tricliniaribus, anaclinte-  
 ria siuè accubita quaedam, in quibus reclinati con-  
 uiuae discumbebant, quae Virgilius spondas lecti  
 dixisse videtur, cum cecinit:

*Aurea composuit sponda, mediamq. locauit.*

Lampridius verò in Elagabalo, accubita vocauit,  
 cum inquit: *Nec cubuit in accubitis facile, nisi ijs, quae  
 pilum leporinum haberent, aut plumas perdicum, suba-  
 lares saepe culcitas mutans.* & post: *Multis vilioribus  
 amicis folles pro accubitis sternebat, eosq. reflabat pran-  
 denti-*



dentibus illis, ita ut plerumq. subito sub mensis reperiretur prandentes. Spartianus autē in Aelio vocat anaclinteria, his verbis: Nam lectū eminentibus quattuor anaclinterijs fecerat, minuto reticulo vndiq. inclusum, eumq. folijs rosae, quibus demptum esset album, replebat. iacensq. cum concubinis, velamine de lilijs factō, se tegebat, vinctus odoribus Persicis. Iam illa frequentantur à nonnullis, quod & accubationes, ac mensas de rosis, ac lilijs fecerit, & quidem purgatis. Apparet autem anaclinteria, siue accubita, posita hic pro puluinis fuisse, quibus innixi conuiuiae disiungerentur alter ab altero, dispositi quattuor illis locis, quos dicemus in lecto assignari solitos fuisse pro discumbentium gradu & dignitate. Seneca lib. I. de Ira: Minus honorato loco positus irasci coepisti conuiuatori, vocatori, ipsi, qui tibi praeferebatur. Demens, quid interest, quam lecti premas partem? honestiorem te aut turpiorem potest facere puluinum? Inter lectos verò & oeci, siue triclinij parietes relinquebatur tantum spatij, quantum satis esset operis ad ministrandum, quae dicebantur ad pedes stare. Martialis in Zoilum lib. III.

At ipse retrò flexus ad pedum turbam.  
& in Santram lib. VII.

Nec esculenta sufficit gulae praeda,  
Misto lagenam replet ad pedes vino.

Sidonius lib. I. epist. ad Montium: Retrorsumq. conuersus, tamquam manibus aquam postulare, tantumq. remoratus, quantum stipadij circulum celerantia ministeria percurrunt, cubitum toro reddidi. Sic enim legendus est hic locus ex libro manuscripto. Suetonijs in Caligula cap. xxxvi. Quas plerumq. cum matris

*ritis ad cenam vocatas, praterq. pedes suos transeuntes, diligenter ac lentè mercantium more considerabat. Ex quibus locis tatis constat de spatio, quod diximus inter lectos, & triclinij parietes fuisse. Quòd verò ad pedes discumbentium starent ministri tricliniaries, praeter eos locos, quos adduximus suprà, possumus etiam alijs exemplis confirmare. Seneca lib. III. de Beneficijs: *Servus, qui cenanti ad pedes steterat.* Suetonius in Caligula cap. XXVI. *Quosdam, inquit, summis honoribus functos, ad essedum sibi occurrere* (iue vt est in manuscripto codice, *currere*) *togatos per aliquot passuum millia, & cenanti modò ad pluteum, modò ad pedes stare succinctos linteo, passus est.* Agretius item docet circumpedes dici obsequia servorum. vnde Cicero lib. VIII. epist. ad Atticum, dixit: *Pollucem servum à pedibus meum Romam misi.* Videndum autem an apud Suetonium loco supra memorato de Caligula, pluteus positus sit pro abaco, siue repositorio. nam si plutei sunt fulcra tori, siue septa, non duo dixit, sed idem: ipsum stetisse & ad pedes, & ad pluteum. Ad pedes autem Domini discumbentis stetisse mulierem peccatricem, vt apparet ministrantem, scribit S. Lucas cap. VII. his verbis: *Mulier, quae erat in ciuitate peccatrix, vt cognouit quòd Iesus accubuit in domo Pharisei, attulit alabastrum vnguenti: & stans retrò secus pedes eius, & capillis capitis sui tergebat, & osculabatur pedes eius, & vnguento ungebat.* Vnguento enim pedes discumbentium veteres vnguisse, infrà ostendemus prolatis Scriptorum testimonijs. Lecti autem, quos diximus tricliniaries appellatos, priscis illis temporibus è stramento, & vt ait Varro, ex herba torta fiebant,*

H

vnde

vnde & tori appellati, qui à Graecis σβᾶδες & σβᾶ-  
 δια, siue vt mauult Isidorus, stipadia dicti sunt. Pla-  
 to lib. II. de Rep. Επὶ καλῶν πινυ δαβαλλόμενοι ἢ φύλλα  
 καὶ δαρεῖς, καὶ τακλινέντες ἐπὶ σβᾶδων ἐσθαιμένων, μιλακίτε καὶ  
 μυρρίνας ἀωχρῶσονται αὐτοὶ τε καὶ τὰ παῖδιά ἐπιπίνοι τε τοῖς  
 οἶνε ἐσθαινομένοις. Plinius lib. VIII. cap. XLVIII. *Antiquis*  
*enim torus è stramento erat.* Inde Virgilius lib. v. dixit:

— viridante toro confederat herbae.

& Appuleius lib. v. *Psyche teneris & herbosis locis,*  
*in ipso toro graminis suauē recubans.* Huiusmodi toros  
 innuit Tibullus lib. II. eleg. v.

*At sibi quisq. dapes, & festas extruet alte*

*Cesspitibus mensas, cesspitibusq. torum.*

& Homerus multò ante lib. II. odyss. his versibus:

Εἶσιν δ' εἰσαχαρὼν, ῥῶπας δ' ἐστίχενε βαδείας

Εσθρῶσιν δ' ἐπὶ δέρμα ἰονδάδες ἀρχεῖα αἰγός.

Vnde Ouidius:

*Qui poterat pelles addere, diues erat.*

Postea lapidei (nam è candido marmore stibadium  
 vite protectum describitur à Plinio in epistolis) &  
 lignei fieri coeperunt, cuiusmodi innuit Horatius  
 illo versu:

*Si potes archaïcis conuina recumbere lectis,*

& vt apertius dicit Dionysius Halicarnasseus, κλίνας  
 ξυλίνας ἀρχαῖας: quamuis alij legant τραπέζας, pro κλί-  
 νας, quòd mensae etiam ex ligno tunc fieri solerent:  
 vnde & Seneca Tuberonis ligneos lectos refert,  
 quales habentur apud Terentiū Adelphis hoc versu:

*Lectulos in sole iligneis pedibus faciundos dedit.*

Talis fuit mensa tripes Horatij. Sed ex ligneis po-  
 tissimum citrei in maximo pretio fuerunt. Persius  
 Sat. I.

non



*non quicquid deniq. lectis*

*Scribitur in citreis & c. & Martialis lib. XII.*

*Gemmantes prima fulgent testudine lecti,*

*Et Maurusiaci pondera rara citri.*

Postremò non solùm ebore operiri coeperunt, dicen-  
te Statio Sil. lib. III. fil. I. *Torus asper signis eburnis, &*  
*Philone*, καίνας ἐλέφαντοκαλλήτοις, sed etiam testa testu-  
dinis secta in lamas eodem Philone scribente: τέχλι-  
να χελώνης ἢ ἐλέφαντος κατεκδοσμένα, ἢ πμαλφεσέρας ὕ-  
λης, ὧν τὰ πλεῖστα λιδοκόλλητα, & Clemente Alexandri-  
no, Paedag. lib. II. cap. III. καίνας χυσιόσαντοις, ἢ χελώ-  
ναις πεποικιλμένας κοίτας: vnde & testudinea triclinia  
venisse in vsum, cum antea fuissent lignea, refert Plini-  
us lib. XXXIII. cap. XI. ex auctoritate Feneſtellae. &  
lib. IX. cap. XIII. dicit testudinum putamina secare in  
laminas, lectosq., & repositoria his vestire Carbi-  
lium docuisse. Varro lib. VIII. de ling. lat. *Cur mali-*  
*mus habere lectos alios ex ebore, alios ex testudine?*  
Operiebantur & aere: vnde aerata triclinia ab eodē  
Plinio dicuntur inueſta in triumpho Cn. Manlij A-  
ſia deuicta, lib. XXXIV. cap. III. Itemq., argento: vnde  
καίνας ἀργυρόπιδας dixit Philo suprà citato loco. & Sue-  
tonius Caligulam scribit, Romae publico epulo ser-  
uum ob detractam lectis argenteam lamam carnifi-  
ci tradi iussisse. Martialis lib. VIII.

*An magis astuti deſa est vngue ministri*

*Brattea, de fulcro quod reor esse tuo.*

Plinius lib. XXXIII. cap. XI. *Lectos* verò, inquit, mulie-  
rum iampridem totos operiri argento, & triclinia quae-  
dam, quibus argentum addidiſſe primus traditur Carbi-  
lius Pollio eques Romanus, non vt operiret, aut Deliacā  
ſpecie faceret, sed Punicana. Idem & aureos fecit. nec

H 2 multò

multo post argentei Deliacos imitati sunt. & post: Cornelius Nepos tradit ante Sullae victoriam, duo tantum triclinia Romae fuisse argentea. Incrustabantur & auro, vt ex Martialis lib. ix. apparet, in quo est:

*Et crepet in nostris aurea lama toris.*

Plinius lib. xxxiii. cap. xi. Idem Carbilus & aureos lectos fecit: quos *ἡμιπροσκατοις* dixit Clemens Alexandrinus. Lecti verò tricliniaries cum antea pellibus (vt Ouidius dixit) tegerentur, postea stragulis & quidem pretiosis insterni coeperunt, quae toralia dicta sunt. Varro lib. i. de vita populi Romani apud Festum: *Quod frontem lecticae sternebant, ex ea herba torta, torum appellatum: hoc quod iniicitur, & nunc toral dicitur.* Idem de lingua latina lib. iv. *Quicquid insternebant, à sternendo stragulum appellabant.* Cicero Tusculana quinta: *Cum se ille cupere dixisset, collocari iussit hominem in aureo lecto, strato pulcherrimo textili stragulo, magnificis operibus picto.* Hinc stragulae vestes apud eundem Ciceronem; & picta stragula apud Tibullum lib. i. Eleg. ii. Haec Capitolinus in Vero vocat stromata Graeco vocabulo, cū inquit: *In toro conuiuali condormiens, ita, vt leuatus cum stromatibus in cubiculum perferretur.* Graecos etiam strauisse lectos purpura & stragulis pretiosis, indicat Athenaeus lib. i. in quo adducit Platonem Comicū inducentem quosdam, qui in lecto eburneis pedibus effluto stragulis tinctis purpura & ostro Sardiano, ornati cubarent. sic enim Graecè: *ἔα τ' ἐν κλίνῃς ἐλεφαντῶποσι, καὶ ἐρώμασι πορφυροβάθῃσι, καὶ ὀνυχίοσι σκεπόμενοι κοιμησόμενοι κατέκλεινται.* Lampridius scribit Elagabalum Imperatorem cum priuatus esset, primum omnium toros aureis toralibus texisse: eundemq.

demq. postea Imperatorem factum, ex solido argento habuisse tum tricliniaries, tum cubiculares lectos. Praeterea aestiua conuiuia coloribus exhibuisse, vt hodie prasinum, vitreum, alia die venetum deinceps exhiberet, semper variè per dies omnes aestiuos. Cū autē notū sit ab his coloribus nominatas esse quattuor illas agitatorū factiones in Circēsis ludicris, quòd essent scilicet quattuor his coloribus distinctae, albo, russeo, prasino, & veneto. Et Capitolinus in Vero ita scribat: *Deniq. etiam praesens, & cum Marco sedens, multas à Venetianis est passus iniurias, quòd Prasinis contra eos faueret, nam & volucris equo Prasino aureum simulacrum fecerat, quòd secum portabat. In tanto autem equus ille honore fuit, vt ei à populo Prasinianorum saepe modius aureorum postularetur.* (ita enim legendus hic locus, non vt in vulgatis editionibus mendosissimè legitur: quòd turpissimè contra eos faueret: & vt ei à populo Parsinianorū) videntū an legendū sit apud Lampridiū: vt hodie prasinū & russeū, alia die album, & venetum deinceps & c. nā vitreum colorem eundem esse cum veneto constat inter eos, qui de coloribus scripserunt. Sternebātur item lecti culcitis, vt ex Varrone, & Iuuenalis versu intelligimus, quem suprà protulimus. Paulus in lege. III. Dig. de suppellectili legata: *Supellectili, inquit, legata haec continentur: mensae, trapezophorā, delphicae, subsellia, scamna, lecti etiam inargentati, culcitae.* Cicero Tusculana quinta: *Collocemus in culcita plumea, psaltriam adducamus.* Contrā, in robore dicebantur accumbere, qui non in lectulis stragula veste instratis, sed in dura quadam materia aut ligno discumberent, vt de Spartiatis refert Cicero in ora-



tionem pro L. Muraena his verbis: *Qui cotidianis epulis in robore accumbunt.* Duritiam autem victus Spartianorum, qui super ligno soliti essent discumbere, ostendit Athenaeus lib. xii. cum inquit: καὶ καθηκόντες εἰς φησὶ τῶν, ὅτι τῶν ξύλων, κατὰ κείμενος, καὶ διὰ τῶν μετ' αὐτῶν. Stratis igitur, ita ut diximus, lectis, non ut scribit Cicero, hoedinis pellibus pisco more, sed iuxta Virgilianum illud,

—— stratoq. super discumbitur ostro,  
addebantur puluini, quibus cenantes inniterentur. Martialis lib. iii.

Cubitis trudit hinc & hinc conuiuas,

Effultus ostro, sericisq. puluinis.

Huiusmodi puluinos Lampridius in Elagabalo subalares culcitas vocat. Fiebant autem è pluma, ut inquit Appuleius, delicata, cuius verba sunt haec, ex lib. x. de Asino: *Quattuor eunuchi confestim puluinis pluribus ventosè tumentibus, pluma delicata, terrestre nobis cubitum perstruunt. sed & stragula veste, auro, ac murice Tyrio depicta probè consternunt: ac desuper brevibus admodum, sed satis copiosis puluillis alijs nimis modicis, quis maxillas & ceruices delicatae mulieris suffulcire consueuerunt, perstruunt.* Athenaeus lib. iv. ponit. lectos quosdam permagnos, tanta impensa & tam egregia varietate elaboratos, ut vocatis ad cenam hospitibus, quidam cubito inniti puluinis cunctarentur, & qui antea in toto conuiuio spatio in nudo cubili perdurauerant, cum in lectis accubentes, ne semel quidem puluinaribus cubitum fulcirent. sic enim Graecè: Καὶ πάλιν αὐτοῖς τραμαὶ τε τοῖς μεγάλαισι ἔως ἐξησκημέναι πολυτελῶς, καὶ τῇ πολυτελείᾳ διαφόρως, ὥστε τῶν ξένων ἑνὶς τῶν καθ' ἑλκυσθῆντων ὀκνεῖν τὸν ἀγκῶνα

ἀγῶνα ἐπὶ τὰ προσηφάλαα ἐρεῖδιν. οἱ δὲ ὑπερὸν ἐπὶ τοῦ  
 κλινῆς φιλοῦ διακαρτεροῦντες τῆς κλινῆς παρ' ἄλλω ἢ συνε-  
 σταν τὸν ἀγῶνα ἀπαξ ἐρίσαν. Eubulus apud eundem  
 Athenaeum lib. II. inducit conuiuiam postulatam si-  
 bi sterni lectos quinque Siculos, & addi Sicula pul-  
 uinaria quinq., cum inquit: καὶ πέντε κλινὰς Σικελικὰς,  
 καὶ Σικελικὰ προσηφάλαα πέντε. Aliquando aggeratis,  
 vt inquit Appuleius, in cumulum stragulis uteban-  
 tur pro puluinis. Sic enim ait lib. II. de Asino: *Ac sic*  
*aggeratis in cumulum stragulis, effultusq. in cubitum,*  
*suberectusq. in torum.* (sic enim legendum ex V. C.  
 non vt in vulgatis, *effultisq. & suberectis.*) Pro pul-  
 uinis Elagabalus folles siue vtres aliquando strauit-  
 se, qui à pedibus per pueros ad reslandum spiritum  
 soluerentur, scribit Lampridius his verbis: *Multis vi-*  
*lioribus amicis folles pro accubitis sternebat, eosq. re-*  
*flabat prandentibus illis, ita vt plerunq. subito sub men-*  
*sis inuenirentur prandentes.* Ex quibus verbis con-  
 firmantur etiam illa, quae supra diximus, in lectis  
 fuisse anaclinteria quaedam siue accubita, hoc est,  
 puluinos, quibus locati conuiuae, pro cuiusq. gra-  
 du & dignitate, dum cenarent, inniterentur. Le-  
 ctos autem ascensuri, sumpta cenatoria veste, so-  
 leas deponebant, ne stragulas vestes pedibus foeda-  
 rent. Ac de cenatoria quidem veste, quam exeuntes è  
 balneo, depositaq. veste balneari, cenaturi fume-  
 bant, crebra mentio est apud veteres Scriptores: nam  
 Capitolinus scribit Maximinum Iuniorem, cum es-  
 set puerulus, ad cenam ab Alexandro inuitatum in  
 patris honorem, quòd ei deesset vestis cenatoria, ip-  
 sius Alexandri accepisse. & Cornelium Frontonem  
 oratorem in Hadriano scribit Dio Cassius, cum ve-

speri à cena serò domum rediisset, intellexissetq̃. ex eo cui patrociniū pollicitus erat, Principem ius reddere, veste cenatoria indutum, vt erat, in ius venisse, eumq̃. salutasse, non verbo Salue, quae matutina est salutatio, sed Vale, quae vespertina est, vsum. Graeca verba sunt haec : *Ἀμείλει δὲ καὶ Κορνήλοις φρόντων* ὁ τὰ πρῶτα ὅττι τότε Ῥωμαίων ἐν δίκῃς φερόμενος ἐσπέρῃς ποτὲ εὐαδείας ἐπανιών, καὶ μαδῶν πῶδέ τι πινος ὃ συνηγορήσειν ἐπέχετο. *διμάζεν* αὐτὸν, ἐντε τῇ σολῇ τῇ δευτέρῃ πειθῇ, ὥσπερ εἶχεν, ἐς τὸ διασφύριον αὐτῷ εἰσῆλθε, καὶ ἡσπάσατο ἔπειτα τῷ ἐωδινῷ περὶ σφίματι τῷ χροῖε, ἀλλὰ τῷ ἑσπερινῷ τῷ ὕμνῳ χροῖσάμενος. Has autem cenatorias vestes Athenaeus vocat *δευπνικὰ ἐσθύματα*, de quibus Martialis lib. x.

*Pugnorum reus, ebriaeq̃. noctis*

*Cenatoria mittit aduocato.*

Petronius Arbiter: *Cenatoria repetimus, & in proxima cellam ducti sumus, in qua tres lecti strati erant. Tricliniaria haec fortasse vocauit Plinius lib. viii. cap. xlviii. cum inquit: Metellus Scipioni tricliniaria Babylonica festertium octingentis millibus venisse iam tunc, posuit in Capitonis criminibus, quae Neroni principi quadrigies hīs nuper constitere. Sed utebantur etiam & pallio in cenis, vt indicant tum alij, tum Plautus Bacchidibus:*

—— *pro lorica malacum capiam pallium,*

*Vbi mihi pro equo lectus detur, scortum pro scuto acubet. & Martialis lib. ii.*

*Ad cenam venies, sed sic diuisa recumbes,*

*Vt non tangantur pallia nostra tuis.*

Quidius in Amoribus:

—— *nec in lecto pallia nostra sedent.*

Spartianus in Hadriano: *Ad conuiuium venientes*  
Sena-



Senatores stans excepit; semperq. aut pallio testus discubuit, aut toga submissa. & in Suetonio: Habuit etiam illud omen imperij, cum rogatus ad cenam imperatoriā, palliatus venisset, qui rogatus venire debebat, rogans praesidiariam ipsius Imperatoris accepit. Suetonius in Caesare: Conuiuabatur adsidue per provincias duobus triclinijs, vno, quo sagati, palliatiq. aliero, quo togati cū illustrioribus provinciarum discumberent. Vtebantur & laenis. Persius Sat. i.

Hic aliquis, cui circa humeros hyacinthina laena est. & Martialis de Lusco conuiua:

Et testus laenis saepe duabus abit.

Festis autem diebus, & sollemnibus epulis albatos cenasse, conijcere possumus ex versibus Horatii lib. II. Serm.

Ille repotia, natales, aliosue dierum:

Festos albatos celebret, &c.

Xyphilinus etiam scribit, cum diem festum agerent Romani, ob ingressum Teridatis, albatos omnes domibus suis albas hostias immolasse: *μάλιστα δέ*, inquit, *ἡ ἀρχὴ ἐπεπλήρωτο. τὸ δὲ μέσον αὐτῆς ὁ δῆμος λαοχειμῶν καὶ σεφνηφορῶν καὶ τέλη εἶχε.* Albatos etiam funebre conuiuium celebrasse, colligere possumus vel ex ijs, quae scribit Cicero in Pisonem: *Quis vnquam cenauit atratus?* Milites quoq. cenaturos, cingula & baltheos deposuisse ostendimus suprā ex Trebellio Pollione in vita Solonini: quae malē in vulgatis codicibus tribuitur Capitolino. De soleis autem ita habetur apud Plautum in Mostellaria:

Cedo soleas mihi, vt arma capiā. & in Truculentos:

Cedo soleas mihi, auferte mensam amabo. & post.

Deme soleas, cedo vinum.

Teren.

Terentius Heautontimorumenos:

*Accurrunt serui, soccos detrahunt, video alios festinare, lectos*

*Sternere, cenam apparare.* Horatius lib. II. Sat. VII.

*Et soleas poscit, tum in lecto quoq. videres*

*Stridere?* Martialis lib. XII.

*Bis Cotta soleas perdidisse se quaestus,*


*Dum negligentem ducit ad pedes vernam,*

*Excalceatus ire coepit ad coenam. & alibi:*

*De fuerit si fortè puer, soleasq. licebit*

*Sumere, pro puero proderit ipse sibi.*

Plinius lib. IX. epist. ad Genitorem: *Quamuis lautissimam cenā &c. quàm multi, cum lector, autlyristes, aut comoedus inductus est, calceos poscunt, aut non minore cum taedio recubant.* In antiquo etiam marmore bibliothecae Farnesianae, in quo duo discubitorij lecti expressi sunt, & mensa tripes vna, Sileno seni adsunt nudi Fauni duo; alter, vt accubituro, soleas detrahunt; alter, vt inclinabundum sustineat, dum soleae detrahuntur: quibus detractis, vestem, vt diximus, cenatoriam sumebant. Sed marmoris antiqui Farnesiani, cuius modò meminimus, siue biclinium illud, siue alio nomine appellandum sit, exemplum hic subijcere operaepretium erit: nam id quod est in aedibus Mafferiorum, à Farnesiano nulla re alia differt, nisi quòd duos illos lectos, distinctius ponit. Vtrumque verò duos Satyros habet, alterum qui à Graecis dicitur *σατυροφόρος*, quòd ad prohibendam ebrietatem gerat ferulam; alterum, qui tibijs paribus, dextris & sinistris, modos facit: vt videri possit marmor ipsum ad Bacchi festa pertinere.



In lectis autem his tricliniaribus veteres Romani pri-  
scis illis temporibus sedentes, non accubantes epu-  
labantur, vt scribit Seruius lib. vii. Aeneid. & Ifido-  
rus notat lib. xx cap. ii. cum inquit: *Apud veteres Ro-  
manos non erat vsus accumbendi, vnde & confidere di-  
ceban-*



cebantur: Maiores enim nostri ( inquit Seruius ) sedentes epulabantur, quem morem habuerunt à Laconibus & Cretensibus, vt Varro docet in libris de gente, ( vel vt habet Isidorus ) de vita populi Romani, in quibus dicit quid à quaq. gente traxerit per imitationem . Itaq. apud Homerum sedent Heroes, non accumbunt, vt notat Athenaeus lib. i. in quo scribit hunc morem seruasse etiam interdum Alexandrum Magnum; qui vt refert Duris, aliquando quadringentos duces in sellis aureis & argenteis veste purpurea stratis sedentes ac reclinatos conuiuio excepit. Athenaei verba sunt haec: Καθέζοντα ἐν τοῖς συνδίστοις οἱ ἥρωες, ἔκαστος κατέκλινται. τὸ το δὲ καὶ παρ' Ἀλεξάνδρου τῷ βασιλεὶ ἐνίοτε ἰω, αἷς φησὶ Διῦρις. Τετρακοσίους οὐκ ποτὲ ἡγαγὼν ἀνίστην, ἐκάθισεν ἐπὶ δίφρων ἀργυρῶν καὶ κλιντῆρων ἀλουερωῖς πεπρωσας ἱματίοις. Postea institutum est, vt Varro ait in libro de vita populi Romani eodem Isidoro referente, vt viri discumberent, feminae sederent, quòd turpis videretur in muliere accubitus. Atque id exemplo fortasse Graecorum, apud quos turpe habebatur in conuiuio virorum accumbere mulieres: licet postea mulieres quoque accumbere coeperint, & in triclinio Gallieni concubinas eius accubuisse scribat Capitolinus, itemq. apud Ciceronem accubuerit Cytheris. Appuleius lib. i. antiquam consuetudinem expressit, cum inquit: *Intulì me, eumq. accubantem exiguo admodum grabatulo, & commodum cenare incipientem inuenio; assidebat penès vxor, & mensa vacua posita erat.* Quae verba ex Luciano conuertit, qui ait: γυνὴ δὲ αὐτῷ καὶ θῆσο παρσίον. Atque hic quidem mos, vt inquit Valerius Maximus, à priscis hominibus ad Deos etiam tràslatus est: nam in Epulo Iouis, quod

in Capitolio Septemviri Epulorum celebrabant, tribus stratis lectis (Ioui, scilicet, Iunoni, & Mineruæ) Iouis quidem simulacrum in lectulo discumbens statuebatur; Iuno autem & Minerva in sellas ad cenam inuitabantur. Quod sanè epulum in argenteo denario C. Coelii Caldi Septemviri Epulorum expressum est, & apud Valerium Maximum habetur lib. II. cap. I. in quo refert, feminas in nuptiis cum viris cubantibus sedentes cenitasse. Scribit item Velleius lib. II. Tiberium Imperatorem maiorem partem aestiuarum expeditionum sedentem cenasse, properantem scilicet ad rem gerendam, & Plutarchus in apophth. tradit, Scipionem Aemilianum edixisse, ut milites sui stantes incoctum obsonium praderent; discumbentes autem panem vel pulcem, & carnem coctam, aut elixatam cenarent. Plutarchi verba sunt haec: *περὶ τὰς δὲ ἀπὸ τῶν μὲν ἐξωτῶν ἀνθρώπων, δειπνῆν δὲ κατεκείμενους ἄντων ἢ πολλὸν ἀπὸ τῶν, ἢ κρείας ἐπὶ τὸν, ἢ ἐφ' αὐτόν.* Ad quam sanè coniuertudinem respexit Liuius lib. XXXIV. cum inquit: *Pileati aut lana alba velatis capibus Volones epulati sunt alij accumbentes, alij stantes; qui simul ministrabant, vesebanturq.* Con- sueuisse autè veteres siuè pranderent, siuè cenarēt, in lectis, eo quo infra dicetur modo, accubere, nō sedere, multis exēplis probari potest. Plautus in Stichō:

*Haud posulo equidem summo in lectulo accumbere.*

& in Persa:

*Age age ergo tu Sagaristrio, accumbe in summo:*

& in Mostellaria:

*Non omnes possunt olere vnguenta exotica,*

*Sicut tu oles: neq. superior accumbere.*

Cicero lib. IX. Epist. *Accubuerat super me Atticus.*

Vir-

Virgilius Aeneid. lib. II.

*Tu das epulis accumbere diuum.*

Columella lib. XI. cap. I. *Villicus sit frugalitatis exemplum, nec nisi festis diebus accubans cenet.*

Iuuenalis Sat. I.

*Vacuisq. toris tantum ipse iacebat.*

Suetonius in Augusto. cap. LXXIV. *Ne toro quidem cubuisse aiunt, nisi humili & modicè instrato.* Athenaeus autem quaeritur lib. I. homines suae aetatis tantum ab antiqua frugalitate excidisse, vt accumberent in conuiujs: sic enim inquit: Νῦν δὲ ὅτι ποσὺτον ἐκπετὴ ὥρεται, ὥστε καὶ τακτικῶς δαυνόμενος. Appuleius lib. X. de Asino: *Et primum me quidem mensam accumbere suffixo cubito perdociuit.* Quibus verbis conuertit locum illum Luciani: Καὶ πρῶτον μὲν καὶ παλιν ἐστὶ κλίνης ἐπ' ἀγκῶνος ἐποίησεν. Horatius lib. I. carm. ode XXVII.

*impium*

*Lenite clamorem sodales;*

*Et cubito remanere presso.*

Quamuis conlueuerint conuiuantes, vbi epularum eos satietas coeperat, ciboq. distenti erant, in cubitum tunc maximè se reponere; quod idem Horatius hoc versu expressit:

*Languidius in cubitum iam se conuiuia reponit.*

De cena Sertorij & Nasidieni, & locis in ea discumbentium, dicere superfedeo, quando de his copiosè tractatum est in commentario de Triclinio, & ali- quibus locis in hoc ipso etiam libro. Illud tantum hic addam, existimare me, versum illum Virgilianum;

*Inde toro pater Aeneas sic orsus ab alto,*

non esse ad altitudinem tori referendum, sed altum torum dixisse Virgilium tori summum locum, in

quo



quo discubaret Aeneas, quod is locus esset dignior tertio, qui Achatī assignatus erat: nam medius locus, in quo se Dido locauerat, ita dignior ceteris erat, ut post eum primus, deinde tertius numeraretur. Vnde Plautus videtur in Stichō dixisse:

*Haud postulo equidem medio in lectulo accumbere:*

*Scis tu me esse imi subsellij virum.* & Horatius:

———— *secutis omnibus imis.*

Plautus rursus in Persa:

*Ergo oratores populi summates viri*

*Summi accumbent: ego infimatis infimus.*

In imo autem solebant parasiti accumbere, & quos ad cenam Nasidieni (ut ait Horatius) Maecenas adduxerat umbras. Qui lib. i. epist. ad Torquatum dixit:

———— *Locus est & pluribus umbris.*

Umbrarum autem erat in lecto quartus locus, in quo interdum accubuisse Hadrianum Imp. scribit Dio Cassius in eius vita his verbis: Αἰ τε πρὶ ἐαυτὸν καὶ ἐν τῇ βῶμῃ, καὶ ἔξω, τοῖς ἀρίστοις εἶχε. καὶ συνῶν σφίσι καὶ ἐν τοῖς συμποσίοις, καὶ διὰ τὸ καὶ τέταρτος πολλὰς διασχίτο. (sic enim legendum, non ut vulgò habetur in exemplaribus, ὡσχίτο.) Quos autem umbras dicit Horatius, Athenaeus πικρὰ dixit. & Plutarchus docet umbras dictos esse, qui alium sequerentur ad convinium, cum ipsi inuitati non essent. sic enim scribit lib. vii. Συμπος, τὸ δὲ ἡδὺ ὑπεκλήτων ἔδος, οἷς γὰρ σικρὰ καλεῖσθαι, ὡς καλεῖσθαι αὐτοὺς, ἀλλ' ὡς τὸ κακὸν μένων ὅτι τὸ εἶπνον ἀρμόνιος. Suetonius item in Augusto, cap. lxi. dicit Caium & Lucium Augusti ex Agrippa nepotes imo loco, idest infima parte lecti solitos fuisse accumbere, cū Augustus vnā cenaret. Nisi fortè pro imo loco, lecti ful-

fulcra dixerit Suetonius, ad quae prisco more sedentes cenitasse nobiles pueros Romanos auctor est Cornelius Tacitus. Verba Suetonij sunt haec: *Neq. cenauit vna, nisi vt in imo loco assiderent: neq. iter fecit, nisi vt vehiculo anteirent, aut circa adequarent &c.* Atq. hic ordo discumbentium in cena etiam Sertorij seruatus est, in qua tamen scribit Plutarchus Sertorium mutato accumbendi modo, supinum discubuisse. Quis igitur fuerit in lectis apud veteres accumbendi modus, video à nonnullis quaeri, quibus nos quid in antiquis marmoribus sculptum, & à veteribus Scriptoribus relatum obseruauerimus, iam exponemus. Non enim vno eodemq. modo in cenis sepulchralibus antiquos accubuisse, quo in conuiuijs discumbere soliti erant, tum Graeci & Latini Scriptores, tum ipsa marmora testantur. Nam in feralibus quidem cenis iacentes conuiuae, reclinata superiore parte corporis in cubitum sinistrum, inferiore in longum porrecta ponuntur, distentis aliquando cruribus, nonnunquam dextro poplite leuū prementes genu; in conuiuijs verò, incuruatis interdum genibus, & dimidia parte corporis erecti, puluinisq. innixi; aliquando, vt est apud Pacuuium, incoxantes additis puluinis, principio quidem cenae proni in cibum imminet, iuxta illud Plautinum in Milite:

*Sed procellunt se, & procumbunt dimidiatim, dum appetunt.*

(ita enim legitur in V. C.) exsaturati verò & cibo pleni, in cubitum se se reponunt, iuxta Horatianum versum suprà prolatum:

*Languidus in cubitum iam se conuiua reponet:*

tunc

tunc enim supini, vt Sertorius in cena supra memorata discubuisse dicitur (& vt inquit Lucianus in conuiuio Lapitharum, μικρὸς δὲ τὴν ὀπίσθιον κατὰ κλίμενον) in veteribus triclinijs exprimentur. Ex tat autem Romae antiquum stibadium è marmore ad similitudinem sigmatis Graecae litterae factum, in quo vt amicus meus homo doctissimus conijciebat ex loco Sidonij infra citato, conuiuiae ipsi non incuruatis genibus procumbentes, sed coxim, vt loquitur Appuleius, interpositis puluinis insidentes, vt Sagarij apud nos solent sedere, repraesentantur. Erat enim Sigma lectus siue torus, ad mensas rotundas accommodatus, quem semirotundum suggestum vocat Appuleius lib.v. cum ait: *Visoq. statim proximo semirotundo suggestu, propter instrumentum cenatorium, rata refectui suo commodum, libens accumbit.* Quòd autem formam, C, litterae Graecae repraesentaret, Sigma vocabatur, vt apparet ex disticho Martialis in Apophoretis:

*Accipe lunata scriptum testudine Sigma:*

*Osso capit, veniat quisquis amicus erit.*

Sigma verò litteram apud Graecos similem fuisse arcui Scythico, docet Athenaeus adducto Agathonis versu lib. x. apud quem cum vellet quidam tertiam litteram nominis ΘΗΣΕΥΣ imperito cuidam litterarum indicare, ostendit illam similem esse arcui Scythico. sic enim ait:

Σκωδικὸν πῆμα τέλειον ὡς περὶ σφαιρίδιον.

De Simate ita scribit Lampridius in Elagabalo: *Primus, inquit, inuenit Sigma in terra sternere, non in lectulis, vt à pedibus vtres per pueros ad restandum spiritum soluerentur. & post: Illud sanè mirum videtur,*

I


quod



quod dicitur ab eo factum, vt de croco Sigma strauerit, cum summos viros rogasset ad prandium, pro eorum dignitate se dicens foenum exhibere. Septem autem conuiuas capiebat, licet Martialis in eo versu, quem supra protulimus, dixerit : *Octo capit* . nam lib. x. verius locutus est, cum dixit in epigrammate :

*Septem Sigma capit, sex sumus, adde Lupum.*

Itaq. Lampridius refert haec de Elagabalo : *Habuit hanc consuetudinem, vt octo caluos rogaret ad cenam, item octo luscis, & item octo podagrosos, octo surdos, octo nigros, octo longos, & octo pingues, cum capi non possent omnes vno Sigmate, vt de his omnibus risus citaret.* Sidonius lib. ii. epist. ad Domitium : *Ita vt ministeriorum sese non impediende famulatu, tot possit recipere sellas, quot solet Sigma personas.* sic enim emendandus hic locus, cum in vulgatis libris corrupte legatur. Antisigma verò vocabatur, qui ex altera parte ponebatur semicirculus, siue semirotondus ( vt verbis utar Appuleianis ) suggestus, qui media interposita rotunda mēsa, integrum efficiebat circulum. Sed Sigma ipsum, vt in antiquo marmore reperitur, nisi aliquod in eo haereat fabrilis erratum, hic subiiciendum curauimus. Extat enim aliud, & quidem prorsus simile Sigmatis Romae item fragmentum, in quo conuiuae ipsi, genibus incuruatis, eo quo supra diximus modo, expressius ponuntur. Quin & alia plura reperiuntur Romae Sigmata siue stibadia ex marmore, in quibus eo quo dictum est modo iacentibus conuiuis, mensa apposita est rotunda tripes, non modo ferculis extructa, sed poculis etiam vinarijs, de quibus dicetur infra.



His igitur modis, quos suprà diximus, in triclinio discumbentibus Romanis, dabantur à ministris vnguenta, & coronae, vel vt est in marmore Farnesiano, taeniae siue fasciae quaedam, quibus frontem conuiuiae vincire soliti erant; quòd ijs crederent ebrietatem impediri. Vnguentis verò linebant non

I 2 modò

niodo caput, vt infra dicitur, sed pedes etiā discumbētū, vt indicat Athenaeus pluribus locis, & lib. xii. in quo adducit Antiphanem poetam in Alceſtide inducentem quendam, qui oleo discumbentis pedes vngeret; & itidem in Metragyrte ancillam quandam, quae oleo primum pedes illineret discumbentis, ac deinde crura. sic enim inquit: *Αντιφάνης δὲ ἐν Ἀλκίστιδι, ὁ λαίω ποιεῖ πινὰ χρίμενον τοὺς πόδας. καὶ ἐν Μηδραγόστῃ δὲ φησὶ:*

*Τὼ τε πόδ' ἀλείμματα*

*Παρὰ τῆς θεοῦ λαβῶσιν,*

*Εἴτα τοὺς πόδας ἐκέλευεν*

*Ἀλείφειν πρῶτον, εἴτα τὰ γόνατα.* Vngabant autem pedes oleo tum Baccharino, tum Amaracino, vt innuit idem Athenaeus prolatis versibus ex Trophonio Cephisodori, quibus cum alter peteret emi sibi Baccharinum vnguentum vngendis pedibus hoc versu:

*Καὶ τοῖς ποσὶ πρῶτον χωρίς μοι βακχαρίνον.*

alter respōdet: Baccharinum ego tui pedibus emam? hoc versu:

*Βάκχαριν τοῖς σοῖς ποσὶν ἐγὼ πρίομαι;*

Sed Amaricino etiam vsos aliquando fuisse intelligi potest ex Amphidis versu, quem citat idem Athenaeus:

*Τὸν πόδα δ' ἀμαρακίνοισι μύροισι τίειν οὐσι τὸν ἐμόν.*

Vsi etiam sunt vngendis pedibus Aegyptio vngento, cuius meminit Athenaeus libro suprà memorato, scribens, veteres in vnguentorum vsu fuisse curiosos, & vnicuiq. parti corporis idonea vnguenta assignasse: nam pedes & crura Aegyptio vnguento; maxillas & vbera, Phoenicino; vtrumq. bracchium Sytimbrino; supercilium & comam Amaracino; ceruicem



uicem & genua Serpullino vnguisse. itaq. adducit

Antiphanis testimonium, qui ait :

Αὐτῶν δ' ὅς ἐν χευσκολλήτῳ καλῶδες,  
Μύρῳ αἰγυπλίῳ μὲν τοῖς πόδας, καὶ τὸ σκέλη,  
Φοινικίνῳ δὲ τοῖς γόνασι καὶ τὰ πτέρια,  
Συσμυβρίῳ δὲ τὸν ἔτερον βραχίονα,  
Αμαργίνῳ δὲ τοῖς ὀφρύσι, καὶ τῷ κόμμῳ.

Ερπυλίνῳ δὲ τὸ γένυ καὶ τὸ αὐχένον. Idem autem Athenaeus lib. xv. scribit moris fuisse apud Athenienses, ut delicatorem pedes vnguento vngerentur. Sic enim ait : ἔδος δὲ καὶ ὡς καὶ τοῖς ἀθηναίοις τοῖς πόδας ὅτι βυφάντων ἐναλίευσιν μύροις, &c. Ad quem morem respexit Plinius lib. xv. cap. iii. cum inquit: *Vidimus etiam vestigia pedum tingi, quod M. Othonem monstrasse Neroni principi ferebant.* Sed non tantum pedes, sed caput etiam ( ut diximus ) vngebant, praecipuè Nardino. Tibullus lib. ii. eleg. ii.

*Illius puro distillet tempora nardo. & lib. iii. eleg. vii.*

*Iam dudum Tyrio madefactus tempora nardo.*

& Horatius :

*Nardi parvus onyx eliciet cadum.*

Celebratur autem praecipuè nardinum id, quod ex *spicis nardi* conficiebatur, quale *spicati nardi* dicitur à S. Marco; & à S. Ioanne, *nardi pistici* : nisi fortè illud *pistici* factum sit ex verbo *spicati*, ut aliae multae voces è Latio in Graeciam aduectae, & è Graecia itidem in Latium transportatae, quas leuiter interdum immutatas esse constat. Achaeus in Vulcano Saryrico apud Athenaeum lib. xiv. dicit totum se corpus discumbentis conuiuiae fragranti vnguento liniturū, cum ait :

Μύρῳ σε χρίσω πάντην δ' ὀσμὴν δέμας.

Τὸς δὲ νῦν ἄνθρωποις ἡμετέροις δίδως,

Ναὶ τὰ τῶν ἄνθρωπων ἐπιπράττας. Catullus :

Cenabis bene mi Fabulle apud me, &c.

Nam vnguentum dabo &c. Horatius lib. I. ode. III.

Cur non sub alta vel platano, vel hac

Pinu, iacentes sic temerè, & rosa

Canos odorati capillos,

Potamus vncti? & lib. II. ode VII.

Fregi coronatus nitentes,

Malobathro Syrio capillos. & alibi:

I, pete vnguentum puer & rosas.

& lib. III. ode XXIX.

Cum flore Maecenas rosarum, &

Pressa tuis balanus capillis,

Iamdudum apud me est. Item:

Huc vina, & vnguenta, & nimium breues

Flores amoenae ferre iube rosae. Item:

— funde capacibus

Vnguenta de conchis: quis vdo

Deproperare apio coronas

Curatue myrto? Lucretius lib. IV.

— conuiuia, ludi

Pocula crebra, vngenta, coronae, ferta parantur,

Iuuenalis Sat. XI.

— putere videntur

Vnguenta atq. rosae &c. & Sat. XV.

Vnguenta & flores, multa q. in fronte coronae.

Coronis autem vnguento delibutis utebantur ad prohibendam ebrietatem. Plautus Amphitruone :

Capiam coronam mihi in caput, assimulabo me esse ebrum.

Cicero pro Sex. Roscio : Ipse verò quemadmodum com-

*composito & delibuto capillo passim per Forum volitet.*

Propertius lib. III. eleg. IV.

*Me iuuat & multo mentem vincere Lyaco,*

*Et caput in verna semper habere rosa.*

& alibi:

*Cum tua praependent demissae in pocula fertae.*

Ouidius lib. V. Fast.

*Tempora sutilibus cinguntur tota coronis,*

*Et latet iniecta splendida mensa rosa.*

Martialis lib. II.

*Frangere toros: pete vina: rosas cape: tingere nardo:*

& lib. V. ad ministros:

*Pinguescat nimio madidus mihi crinis amomo,*

*Lassenturq. rosis tempora sutilibus. & lib. XIII.*

*Dat festinatas Caesar tibi bruma coronas:*

*Quondam veris erant, nunc tua facta rosa est.*

Ex ramentis autem argenti fiebant coronae tunc, cū rosae hieme non erant. Coronis autem, quas diximus è floribus necti solitas, conuiuiae utebantur, vt scribit Aristoteles, *ἐν τοῖς συμπότοις δ' ἐμπίαν καὶ ἀφ' ὁρίαν αἰνιτίζουσι τοὺς ῥόδων*. Itaq., vt docet Athenaeus, coronabant non tantum caput, & frontem, sed collum etiā, vt ostendit Horatius lib. II. Sat. III.

— potus vt ille

*Dicitur ex collo furtim carpisse coronas,*

*Postquam est impransi correptus voce ministri.*

Tibullus lib. I. eleg. VII.

*Illius è nitido stillent vnguenta capillo,*

*Et capite & collo mollia ferta gerat.*

Tertullianus de Corona militis: *Quis autem ille, qui dubitet vernis nos indulgere floribus, cum capiamus & rosam veris, & lilium, & quicquid aliud est in floribus*



*blandi coloris, & odoris? His enim & sparsis utimur  
mollibus ac solutis, & sertis colla complectimur. Co-  
ronabant etiam ipsa pocula, ut apparet ex Homeri  
versu odyss. i.*

*Κοῦροι δὲ χρῆταις ἐπὶ τῷ ποτῷ.*

Vnde accepit Virgilius lib. vii. Aeneid.

*Crateras laeti statuunt, & vina coronant.*

Tibullus lib. ii. eleg. v.

*Tum operata Deo pubes discumbet in herba,  
Arboris antiquae qua levis umbra cadit.*

*Aut è veste sua tendet umbracula sertis*

*Vincta, coronatus stabit & ipse calix.*

Tertullianus de Resurrectione: *At enim & calix be-  
ne sibi conscius, & de diligentia ministri commendatur,  
de coronis quoq. potatoris sui inorabitur. Rosis iti-  
dem triclinia & floribus spargi solita fuisse indicat  
Horatius cum ait:*

*Neu desint epulis rosae,*

*Neu viuax apium, neu breuelilium.*

& Lampridius pluribus locis in Elagabalo: *Strauit,*  
inquit, *& triclinia de rosa & lectos.* & post: *Oppressit  
in triclinijs versatilibus parasitos suos violis & flori-  
bus sic, ut animam aliqui efflauerint, cum eripi ad sum-  
mum non possent.* Vopiscus in Carino: *Rosis,* inquit,  
*Mediolanensibus & triclinia & cubicula strauit.* At-  
qui non tantum rosis, sed croco etiam triclinia &  
balsamis, quemadmodum & theatra, spargi solita  
indicat Macrobius lib. iii. cap. xiii. adducto Sallustij  
testimonio, qui ait: *At Metellus in vltiorem Hispan-  
iam post annum regressus, magna gloria, concurrenti-  
bus vndiq. virili, & muliebri sexu, per vias & tecta  
omnium viscebatur, cum Quaestor C. Vibinius aliq. co-  
gnita*

gnita voluntate, eum ad cenam inuitarant. Ultra Romanorum ac mortalium etiam morem curabant, exornatis epulis per aulaea, & signa (sic enim legendum, non insignia) scenisq. ad ostentationem histrionum fabricatus, simul croco sparsa humus &c. Appuleius lib. vi. Horae rosis & ceteris floribus purpurabant, omnia Gratiae spargebant balsama. De theatris notum est vel ex illo Propertij versu:

*Pulpita sollemnes non oluere crocos.*

& Spartianus scribit Hadrianum in honorem Traiani balsama & crocum per gradus theatri fluere iussisse. Sed coronarum, itemq. rosarum, & vnguentorum vsu in conuiujs explicato, dicendum de vasis, quibus vnguenta seruabantur. Vasa vnguentaria Iulius Pollux ponit lib. vi. haec: τὰ δὲ ἀγγεῖα τῶν μύρων, λίχνος, μύρνη, καὶ ἀλάβαστος. Plinius lib. xiii. cap. ii. Vnguenta optimè seruantur in alabastris. & lib. xxxvi. cap. viii. Onychin aliqui alabastritem vocant, quem cauant ad vasa vnguentaria, quoniam optimè ea incorrupta seruare dicitur. Dioscorides lib. v.

Αλάβαστρίτης λίθος ὁ χαλούμενος ὄνυξ.

Inde Horatius versu suprà citato dixit:

*Nardi paruos onyx.*

Plinius lib. xxxvii. cap. x. Alabastritem gemmam nasci in alabastro Aegypti, & in Syriae Damasco, candore interstincto varijs coloribus. Hinc Theocritus in Idyllio Αἰωνιάζουσι dixit:

Συρίῳ δὲ μύρῳ χεύσει ἀλάβαστρα.

Vnde apud Tibullum versu suprà prolato melius fortasse legeretur:

*Iamdudum Syrio madefactus tempora nardo.*  
(non Tyrio, vt vulgò legitur) nam apud Horatium lib.

lib. II. ode. II. est:

*Affyriaq. nardo*

*Potamus vnti* &c. & rurlus apud Tibullum lib. III. eleg. v.

*Stillabat Syrio myrrhea rore coma.*

(non Tyrio) sic enim est utroq. loco in VV. CC. Plutarchus item in Alexandro nominat inter alia vasa vnguentarium alabastrum, è quo domus Alexandri excitato aromatatum odore fragrabat. sic enim inquit: *ὅς δ' εἴδ' ἂν μὲν ὀλκία, καὶ κρωστοὶ, καὶ πυλῶες, καὶ ἀλαβαστροὶ, πάντα χρυσῷ ἡσκημένα περιπλάσας, ὁδῶδε δὲ διαπύσσον οἶον ὑπὸ ἀρωμάτων καὶ μύρων ὁ οἶκος.* Alexis etiam apud Athenaeum quaeritur vnguentario alabaastro quosdam se non illinere, cum ait: *καὶ ἐμυρίζοντο ἐξ ἀλαβαστρῶν.* Et Cicero Academicarum Quaestionum lib. II. nominat alabastrum vnguentarium, his verbis: *Quibus etiam alabaster plenus vnguenti putere videatur.* In veterum autem monumentorum ruderibus ex alabaastro vasa quaedam huiusmodi passim Romae reperiuntur, & ampullae item, quarum sanè forma cōuenit cū ijs, quae scribit Plinius Iunior lib. IV. Epist. Aut decessit, inquit, expulsus, quod in ampullis ceterisq. generis eiusdem videmus accidere, quibus non hians, nec statim patens exitus. Martialis lib. III.

*Et Cosmianis ipse fusus ampullis.*

Porro in antiquis marmoribus non tantum vasa quaedam huiusmodi vnguentaria, sed pueri etiam scalpiti sunt, qui canistros, & fecta, & ut scribit Athenaeus lib. XIV. *σεφάεις, καὶ μίρα, καὶ θυμιάματα, καὶ τὰ τοῦτοις ἀκόλουθα πάντα* ferentes, alij flores manibus spargunt, alij conuiuas coronant, alij mensas ferculis onustas epulantibus apponūt, iuxta Plautinū illud in Persia:

Date



*Date aquā manibus, apponite mēsam. & in Afinaria.*

— *pueri apponite mēsam.*

Item Cicero in epist. ad Atticum; *Haec scripsi appo-  
sita secunda mensa.* Graeci enim *ἡ δευτέρα* dicunt, cui  
*ἡ πρώτη* opponunt. Plautus *Amphitruone*:

*Cena apposita est, cenasti mecum. & post.*

*Am. Quid postquam cenauimus. Al. Te dormire  
aiebas: mensa ablata est.*

Alij flabello muscas exigunt iuxta Martialis di-  
stichon:

*Lambere quae turpes prohibet tua prandia muscae,*

*Alitis eximiae cauda superba fuit,*

vel ventū faciūt iuxta Terentianū illud in Eunuchō:

*Heus tu Dore cape hoc flabellum, & ventulum huic  
facite, dum lauamur.*

Ouidius de arte amandi:

*Profuit & tenui ventos mouisse flabello.*

Propertius:

*Et mihi pauonis cauda flabella superbae.*

Claudianus:

*Et cum se rapido fessam proiecerat aestu*

*Patricius roseis pauonum ventilat alis.*

Salinum item & vasa tum vinaria, tum escaria, de  
quibus infrā dicemus, in ijsdem marmoribus expres-  
sa sunt. Nos exemplum vnius tantum marmoris, sed  
ipsum diligenter repraesentatum hic subiiciemus.

In eo autem lectus & mensa habetur tripes, discum-  
bentibus marito & vxore, eo quo diximus modo in  
cenis feralibus veteres accūbere solitos fuisse. Quin  
& aliud huic prorsus simile marmor reperitur Ro-  
mae ad Lateranum Graece inscriptum *ΗΑΤΕ ΒΙΟΤ  
ΤΟ ΖΗΝ ΓΑΤΚΤ ΤΟ ΘΑΝΕΙΝ ΤΗΘΥΙΑ.*



Salinum quidem in mensa poni solitum fuisse Horatius ostendit illo versu Serm. lib. i.

& concha salis puri.

& Festus. Salinum ( inquit ) cum sale in mensa ponere figulis religioni habetur, quod quondam Esquilina regione

gione figulo, cum fornax plena vasorum coqueretur, atq. ille proximè eam conuiuatus, super modum potus, somno esset oppressus cum conuiuiis suis, praeteriens quidam petulans ostio patente ex mensa salinum coniecit in fornacem, atq. ita incendio excitato, figulus cum suis concrematus est. Plinius lib. xxxiii. cap. xii. *Videret, inquit, Fabricius, qui bellicosos Imperatores plus, quàm patenam & salinum ex argento habere vetabat.* Mensae quidem ipsae, ferculis onustae (aut, vt Cicero loquitur, *cibis extructae*) accumbentibus conuiuiis non singulae singulis, vt in Heroum conuiujs apponi solitas ex Homeri odyssae lib. i. notat Athenaeus, sed ex lectorum ratione oblongae, quas *perpetuas* vocat Virgilius, apponuntur, vt plurimum tripedes, aliquando monopodia, bipedes nunquam. Athenaei verba ex lib. i. sunt haec: ἐκ' οἷονται δὲ πρὸς ἐχέσῳ ἢ δαιτυμόνων καὶ τ' ἀνδρῶν πρὸς κλῖδαι πρὸς ἀπέζαν. τοῦ γὰρ Μέντη φασὶν ἀφ' ἐκείνου πρὸς πλεῖστα ἐν τῇ οἰκίᾳ ὁδοῦσθαι. ἔστιν αὐρετέδνη πρὸς ἀπέζαν. Quo versu oblongam mensam Homerus significauit: nam Eustathius eius interpres in eum versum lib. ix. sic scribit: ἐμφαίνει μὴ πῶς κυκλωτέρας εἶναι τὰς ἀπέζας, ἀλλὰ τεταυσμένας εἰς μήκωσιν. Sed siue oblonga, siue vt postea rotunda; apponi dicebatur mensa. Pherecrates apud Athenaeum: φέρε δὴ καὶ τακλινῶν, τὸ δὲ πρὸς ἀπέζαν φέρε. Vbi verò cenassent conuiuae, mensa tolli dicebatur. Plautus Truculento:

cedo soleas mihi,

*Properate, auferte mensam.* Virgilius Aeneid.

*Postquam exempta famēs epulis, mensaeq. remotae.*

Athenaeus lib. v. ἀπαλλαγέντων δὲ, inquit, ἢ δαιτυμόνων, αἱ πρὸς ἀπέζαι ἐκασάζοντο. Toties autē mensas, hoc est repositoria, quoties fercula, & obsonia mutari, &

con-



conuiuantiibus apponi à duobus solitas fuisse, non  
vt postea mos obtinuit, vt singula fercula singuli  
ferrent, conijcere possumus ex ijs, quae scribit Ale-  
xis apud Athenaeum lib. ix. cuius versus sunt hi:

Ὡς εἰς τὸ πρῶτον ἀνδράποισι δὴ  
φέροντας εἶσιν, ποικίλων παροψίδων  
κόσμη βρύσαν &c.

Mensas enim dicebant, quibus imponebantur vasa  
rū escaria, tum vinaria, quasq. ferculis onustas duo  
serui (vt diximus) conuiuiis apponebant, iuxta Oui-  
dianum illud:

Nunc dape, nunc posito mensae nituere Lyaeo,  
& Appuleianum: *Mensas dapibus largiter instructas  
accumbunt.* Ad quod testimonium accedit Seruij  
etiam auctoritas, qui in versum illum Virgilianum,  
quem adduximus supra:

Postquam exempta fames epulis, mensaeq. remotae,  
sic scribit: *Quia apud antiquos mensas ipsas apponebāt  
pro discis.* Ponebant autē mēsam, mediam inter con-  
uiuias, vnde putat Varro dictam mēsam, quasi μέστω.  
Quod colligitur ex loco etiam quodam Luciani in  
dialogo, qui οἰκείος, siue ἀλεκτρυών inscribitur, in quo  
sic habetur: εἰ τα μὲν δευδὲς ἀνερχόμενος πλησίον κατὰ κοῖτον ἀν-  
τὶ, εἰ μὲ κατὰ κλίνην, φέροντες, ὡς ὁμοβῆτες οἱ εἴμεν. Apud  
Senecā tamen singuli serui singula fercula attulisse  
videntur, cum inquit: *Ad hoc praestò aderit ministro-  
rum ornatisissimorum turba linteis succincta, per quos si-  
gno dato ad inferendam cenam haud obstrepenter di-  
scurretur.*

Itaq. de Annio queritur Martialis lib. vi. his versib.

*Cum mensas habeat ferè ducentas,  
Pro mensis habet Annius ministros.*

Tran.

*Transcurreunt gabatae, volantq. mensae :*

*Has vobis epulas habete lauti.*

*Nos offendimur ambulante cena. & lib. iv.*

*Ad cenam nuper Varus me forte vocavit:*

*Ornatus dives, paruula cena fuit.*

*Auro, non dapibus oneratur mensa, ministri*

*Apponunt oculis plurima, pauca gulae.*

*Tunc ego, non oculos, sed ventrem pascere veni :*

*Aut appone dapes Vare, vel aufer opes.*

Nam mentas vocabant etiam cibos ipsos mensis impositos, vt scribit Iulius Pollux his verbis : *τραπέζας δὲ ἐκάλουν καὶ τὰ πρὶν αὐτῶν πρὶν ἐμεῖν.* Virgilius lib.

III. Aeneid.

*Quam nos dira fames, nostraeq. iniuria caedis,*

*Ambesas subigat malis absumere mentas.*

& Athenaeus lib. II. *πᾶν τὸν τραπέζας καλούμενον τὰς περὶ δεσφῆς τούτους.* Cenasse autem ternis, vt plurimum ferculis, siue missibus, hoc est mentas ter vt plurimū mutasse, ex Suetonio colligimus, qui ait Augustum ternis ferculis, aut cum abundantissimè, senis prae-buisse. Capitolinus etiam de Pertinace Imp. ita scribit: *Et, nisi quod missum esset edulium, quotquot essent amici, nouē libras carnis per tres missus ponebat.* Lamprius in Elagabalo: *Habuit etiam istam consuetudinem, vt cenas sibi exhiberet tales. Vna die non nisi de fascianis tantum ederet, omnesq. missus sola fascianorum carne strueret.* Item alia die de pullis, alia de pisce illo, & item illo: alia de porcis alia de struthionibus, alia de oleribus, alia de pomis, alia de dulcijs, alia de opere lactario. Pluribus tamen ferculis, idest missibus, his enim vocabulis res eadem appellatur, interdum cenitasse, satis apparet ex ijs, quae de eodem

Elaga-

Elagabalo ita scribit Lampridius : Exhibuit aliquando & tale conuiuium, vt haberet viginti & duo fercula ingentium epularum, & per singula lauarent. nam dixit paulò supra : Cùm tantum biberent per singula fercula, & manus quasi comediissent, lauarent. Seruius tamen priscos Romanos duobus tantum ferculis vsos fuisse auctor est in illud Virgilij :

*Fit strepitus testis, vocem per ampla volutant*

*Atria* — *Tangit*, inquit, Romanam historiam, nam vt ait Cato, & in atrio, & duobus ferculis epulabantur. Illud praeterea non est hic praetermittendum, moris apud veteres fuisse, vt nobiliores conuiuae lautioribus cibis honorarentur. Vnde apud Homerum Ajax tergorib. honoratur, illo versu :

Νάτοις δ' Αἴαντα δῖον ἑκένεον γέραργα

& Athenaeus scribit lib. II. εἰσι δὲ καὶ ἀρίστοι καὶ δῖονα πρῶτοι. Atqui non tantum tergoribus, sed sede & plenioribus poculis honorabantur, vt & ex Homeri Iliad. IX. apparet, in quo est :

Τυδείδην περὶ μὲν σε τίον Δαναοὶ ταχέπυλοι

Εδρῇ, κρέασιν τε, ἰδὲ πλείοις δειπάσασιν.

Appuleius lib. VII. Partesq. subreptas clanculò, Et praegustatas à se portiones offerebat hilaris. & lib. II. Abi satue, qui in domo funesta cenas, & partes requiris. Item moris fuit, vt absentibus amicis partes mitterentur, quas Graeci μερίδας dixerunt. Suetonius in Caligula cap. XVII. Qua epulatione equiti Romano contra se hilarius auidiussq. rescenti, partes suas misit. Sparianus in Caracalla : Post hoc fratrem patruelem Afrum, cui pridie de cena miserat, iussit occidi. Cicero dixit de mensa mittere, aemulatus illud Xenophontis lib. VIII. Paed. τίς τις ἐπιμύσει καὶ τραπέζης. & post :



post: οἷς αὖ ὁρῶσι περιτρεμενα ὑπὸ τῆς βασιλέως πρᾶξις. Capitoline in Pertinace, de eius parsimonia loquens, ita scribit: *Et, cum verbis esset affabilis, re erat illiberalis ac propè sordidus ita, ut dimidiatas lactucas & carduos in priuata vita conuiuiis apponeret. & nisi quod missum esset edulium & c. Si autem plus aliquid missum esset, etiam in alium diem differebat, cum semper ad conuiuium multos vocaret. Imperator, etiam si sine conuiuiis esset, eadem consuetudine cenitabat. Amicis si quando de prandio suo mittere voluit, misit offulas binas, aut omasi partem, aliquando lumbos gallinaceos, f. fisanum nunquam priuato conuiuium comedit aut alicui misit. Et Lampridius de Alexandri Seueri item parsimonia scribens, haec refert: *Vsus conuiuij diurnus hic fuit. Vini ad totum diem sextarij xxx. panis mundi P. xxx. panis sequentis ad donandum. P. L. nam semper de manu sua ministris conuiuij & panem, & partes aut olerum, aut carnis, aut leguminum dabat, senili prorsus maturitate patrem familias agens. Erant decreta & carnis diuersae P. xxx. erant & gallinae, & oua, adhibebatur & anser diebus festis. Calendis autem Ianuarij, & ludis Apollinaribus, & Iouis epulo, & Saturnalibus, & huiusmodi festis diebus f. fisanus, ita ut aliquando & duo ponerentur, additis gallinaceis duobus, leporem quotidie habuit & c. Quod enim diebus festis lautius epulari consueuerint, ita notum est, ut exemplis ad id probandum opus non sit. Scribit enim Vopiscus in Tacito, cum fasanam auem, nisi suo, & suorum natali, & diebus, (ut inquit) festiuissimis posuisse. Ministris etiam triclinarijs de cena veteres dare solitos fuisse, constat pluribus Scriptorum testimonijs, & ex Suetonij Galba cap. xii. in quo est: *Et ordinario-***

K

quidem

*quidē dispensatori breuiarium rationū offerenti, paropsidem leguminis pro sedulitate ac diligentia porrexisset.*

Tolli autem mensam vacuum nefas fuisse scribit Plutarchus, Quæst. LXIV. in qua disputat, cur mēsa cūm toileretur, semper omnino aliquid super ea volebāt relinqui? An quòd hac ambage significabant semper ex partis aliquid in futurum reseruandum, & in præfenti die subsequuturæ aliquam habendam rationem? Aut quòd scitum putabant, appetitum cohibere, eumq. reprimere, dum adhuc aliquid ad fruendum in promptu est? Plutarchi verba sunt hæc:

Διὰ τί τὴν τραπέζαν οὐκ ἔσαν ἀνρήδω κατεῶ, ἀλλὰ πάντες πυνὸς ἐπόντος; πότερον αἰνεῖσθαι τοὺς δύναι αἰετὴν τῷ παρόντος εἰς τὸ μέλλον ἀπολιπεῖν, καὶ τῆς αὔριον ἐν τῇ σήμερον μνημονεύειν; ἢ νομίζοντες ἀσεῖον εἶναι τὸ συτέλλειν, καὶ ἀνέχειν τὴν ὄρεξιν ἐπὶ παρούσης τῆς τραπέζης. Item Plinius lib. xxviii. cap. ii. tradit bibente conuiuia mensam, vel repositorium tolli inauspicatissimum iudicare. Mensa verò non prius tollebatur, quàm epoto poculo boni Daemonis, vt scribit Athenæus lib. xv. prolato Nicostрати Comici poetæ testimonio. sic enim inquit: ὅτι δὲ δοδεκάτης τῆς τῷ ἀγαθοῦ δαίμονος χάριτος ἔδος ἢ βασιλεὺς καὶ τὰς τραπέζας.

De qua sanè consuetudine Interpres Aristophanis in Vespiis sic scribit: ἔδος δὲ ἢ ὅποτε μέλλοι ἢ βασιλεὺς αἰρεῖσθαι, ἀγαθοῦ δαίμονος ἐπιτρόφειν, ὡς Θεόπομπος ἰστορεῖ. Scribit item Plinius moris fuisse, vt recedente aliquo ab epulis, simul solum verreretur. Item: Serui Sulpicii principis viri commentationem esse, quamobrem mensa linquenda non sit, non dum enim plures quàm tres conuiuæ numerabantur. ( sic enim est in V. C. ) Item: Incendio inter epulas nominato, aquam super mensam profundī, abominationem esse, ( vel vt est in V. C. incendio

cendia inter epulas nominata aquis sub mensa profusis abominamur.) Item: Sternatamento reuocari ferculum mensamue si non postea gustetur aliquid, inter diras habetur. Item: Cibus etiam è manu prolapsus reddebatur utiq. per mensas, vetabantq. munditiarum causa deflare. Porro repositoria, quae loco supra memorato nominantur à Plinio, dici ea quibus reponebantur, hoc est, collocabantur mensae, id est, cibaria mensis imposita, vel ex altero Plinij loco constat lib. xxxiii. cap. xi. in quo ita scribit: Iam verò, & mensas repositorijs imponimus, & ad sustinenda obsonia interradimus latera. nec interest, quàm plurimum lima perdidit. Sic enim legitur in V. C. & paulò post eodem libro, cap. eodem: Cornelius Nepos tradit, ante Sullae victoriam duo tantum triclinia Romae fuisse argentea. Repositorijs argentum addi sua memoria coeptum Fenestella dicit, qui obiit nouissimo Tiberij Caesaris principatu: sed & testudinea tum in usum venisse. Ante se autem paulò, lignea rotunda solida, nec multo maiora, quàm mensas fuisse. Sequidem puero quadrata & compacta, aut acere operta, aut citro coepisse: mox additum argentum in angulos, lineasq. per commissuras. & lib. xxviii. cap. ii. loco supra prolato: Bibente conuiuia mensam aut repositorium tolli inauspicatissimum iudicari. Vt videri possit repositorium fuisse, super quo mensa reponeretur, quaeq. sic reposita cum ipso repositorio ferculis onusta conuiuiis apponeretur, tollereturq. itaq. dici à Graecis *τραπέζιον* quod super eo mensa ferebatur, auferebaturq. Interdum tamen repositoria mensis ipsis imponi solitus fuisse, conijcere possumus ex ijs, quae apud eundem Plinium habentur lib. xviii. cap. xxxv. sub fi-



nem : *Nec non & in cibis* ( sic enim est in V. C. )  
*mensisq. nostris. vasa quibus esculentum additur, sudo-*  
*rem repositorijs relinquentia, diras tempestates praenun-*  
*tiant. & lib. x. Postea culinarum artes, vt clunes spe-*  
*ctentur, vt diuidantur in tergora, vt à pede vno dilatata*  
*repositoria occupent. itaq. loco paulo suprà citato,*  
*sunt quilibet : & mensis repositoria imponimus.*

Mensas autem apud Romanos duas fuisse tradit  
 Seruius lib. i. Aeneidos, vnam epularum, alteram po-  
 culorum. Varro alteram escariam, alteram vinariam  
 appellat. sic enim scribit lib. iv. de lingua latina.  
*Mensam escariam cibillam, ( siue vt est in V. C. Cilli-*  
*bam ) appellabant : ea erat quadrata, vt etiam nunc in*  
*Castris est ; à cibo cibilla dicta ; postea rotunda facta.*  
 Inde dixit Iuuenalis Sat. i.

*Nam de tot pulchris & latis orbibus.*  
 & Martialis lib. ix.

*Vt Mauri Lybicus centum stent dentibus orbes.*

Homerus quadratam tantum mensam agnoscit, cū  
 inquit: *ῥοτὸν δὲ ξυστὴν ἢ τέτυκτε τρεῖς πεζῶν.* Rotunda vt po-  
 stea fieret, causam affert Athenaeus lib. ix. quòd sci-  
 licet globosum esse mundum veteres arbitrarentur.  
*Διὸ, inquit, τὴν τρεῖς πεζῶν κυκλοειδῆ κατεπέδωκεν οἱ πε-*  
*λάοι, πειθόμενοι τῷ νόμῳ ἢ σφαιρῶσι.* Mensae verò pri-  
 scis illis temporibus apud Romanos ex ligno, vt etiā  
 lecti, fieri solebant, vt ostendit Dionysius Halicar-  
 nasseus loco suprà memorato, cū inquit : *τρεῖς πεζῶν*  
*ξύλινας ἀρχαῖαι.* & Iuuenalis Sat. ii. his versibus :

*Illam domi natas, nostraq. ex arbore mensas*

*Tempora viderunt, hos lignum stabat in vsus,*

*Annosam si fortè nucem deiecerat Eurys.*

Postea crescente luxu fieri è citro coeperunt, quas  
 orbes

orbes Mauros dixit Martialis in eo versu, quem adduximus suprâ, quòd ex Mauretania essent adductae, de quibus ita Plinius lib. XIII. cap. XV. *Confines ei Mauri, quibus plurima arbor citri, & mensarum insania &c.* & cap. XVI. *Radice, inquit, nihil crissius, nec aliunde pretiosiora opera.* Vnde Seneca scribit citri radices insanis licitari solitas pretijs ad mensarum & lectorum ornamenta. Idem Plinius eodem libro cap. XV. *Anchorarius, inquit, mons vocatur citerioris Mauritaniae, qui laudatissimam dedit citrum iam exhaustus mensis.* Praecipua dos in vena crissis, vel in vertice varijs. Illud oblongo evenit discursu, ideoq. Tigrinae appellantur. Hoc intorto, & ideo tales Pantherinae vocantur. Sunt & undatim crissae, maiore gratia, si pavonum caudae oculos imitentur. Magna vero post has gratia extrâ praedictas crissis densa veluti graui congerie, quas ob id à similitudine Apiatas vocant. Summa verò omnium in colore. Ita interpungitur hic locus in codice manuscripto, in quo legitur *Illud oblongo evenit discursu, ideoq. Tigrinum appellatur: Hoc intortum, & ideo &c.* Strabo lib. XVII. scribit Mauretaniam arbores multas & magnas habere, & omnium rerum feracem esse, quin & mensas ex vno eodemq. integro ligno varias Romanis suppeditare. Graeca verba sunt haec: *μεγαλόδενδρος τε καὶ πολύδενδρος καὶ χαλλόγρως ὄντι, καὶ πάμφορος. τὰς γὰρ μὲν ὄντο τοῖς ἀπὸ τῆς ποικιλοτάτης καὶ μεγίστης ἐκείνῃ τῆς βρωμῆς παρέρχεται.* Cicero in Verrem: *Tu maximam, inquit, & pulcherrimam mensam citream à Q. Lutatio Diodoro, qui Q. Catuli beneficio à L. Sulla civis Romanus factus est, omnibus scientibus abstulisti.* Martialis in Apophoretis:

*Accipe felices Atlantica munera siluas,  
Aurea qui dederit dona minora dabit. Item :  
Non sum crispa quidem, nec siluae filia Maurae,  
Sed norunt laetas & mea ligna dapes .*

Acernam verò ex acere factam dixit Horatius Serm.  
lib. II.

*Hic ubi sublatis puer altè cinctus acernam  
Gausape purpureo mensam praeterfit .*

De mensis, quae monopodia dicebantur, quòd vno tantum pede sustinerentur, ita scribit Plinius lib. XXXIV. cap. III. Nam triclinia aerata, abacosq. & monopodia Cn. Manlius Asia deuicta primum inuexisse triumpho suo. Mensa bipes in antiquis marmoribus non reperitur, licet Martialis lib. XII. dixerit:

*Ibat tripes grabatus, & bipes mensa.*

Tripes in pluribus veteribus triclinijs habetur, de qua Horatius lib. I. Serm.

*Modo sit mihi mensa tripes, & concha salis puri.*

Cratinus huiusmodi mensam τετρακλῆ dixit, quòd tripes quasi cruribus niteretur, cuius scilicet pedes ad similitudinem crurum essent facti. Sed mensa item quae quattuor pedibus sustinebatur, tripes etiam ab antiquis dicebatur, vt ex hoc Epicharmi loco intelligi potest: τί τὰ δ' ἐστὶ ; διὰ δὴ τεύχους . τί μὲν ἔχει πόδας τέτραλός ; ἐκ ἐστὶ τεύχους, ἀλλ' οἷμαι πρὸς αὐτοῖς ; ἐστὶ δ' ὄνομα αὐτῇ τεύχους. De pedibus mensarum ex ebore videndus Plinius lib. XII. cap. V. Lucanus :

*Dentibus his niueis sectos Atlantide silua  
Imposuere orbes & c. Martialis in Apophoretis:  
Grandia taurorum porrant qui corpora quaeris,  
An Lybicas possint sustinuisse trabes .*

Iuuenalis, Satyr. XI.

latos



latos nisi sustinet orbes

Grande ebur, & magno sublimis pardus hiatu,  
Dentibus ex illis quos mittit porta Syenes : & post:  
Nemo inter curas & seria duxit habendum,  
Qualis in Oceanifluctu testudo nataret.

Clarum Troiugenis factura, ac nobile fulcrum .

Inde Plato Comicus, de lectis cubicularibus ἐλεφαν-  
τόποδες καὶ λίανες dixit apud Athenacum . & Appuleius  
lib. x. de Asino : *Lectus Indica testudine pellucidus, plu-  
mea congerie tumidus* . Varro lib. iv. de mensa vi-  
naria sic scribit : *Mensam vinariam rotundam nomina-  
bant cylibantum, ut etiam nunc in Castris. id videtur de-  
clinatum à Graeco, ἐπὶ τῷ κύλικος, à quo illa capis, &  
minores capulae, à capiendo, quòd ansatae, ut prae-  
hendi possint, id est capi. ( sic enim legendum ex Fe-  
sto, in Capidines . )* Idem Varro lib. i. de vita populi  
Romani : *Etiannum pocula, quae vocant capulas, ac  
capidines &c.* Paulò post loco suprà memorato Var-  
ro subiungit hæc : *Altera vinaria mensa erat lapidea  
quadrata oblonga vna columella; vocabatur cartibulum.  
Haec in aedibus ad compluium, apud multos me puero  
ponebatur, & tina, & cum ea aenea vasa; à gerendo car-  
tibulum potest dictum* . Ita enim legunt hunc locum  
docti viri ex Varronis lib. i. de vita populi Romani,  
in quo sic habetur : *Antiquissimi in conuiujs vtres vi-  
ni primò, postea tina ponebant* . Abacus apud Scri-  
ptores et si pro escaria mensa reperiatur, ut apud Ap-  
puleium lib. ii. cum inquit : *Abacum ad pascha iuru-  
lenta*, ( sic enim legendum, non *virulenta* ) frequen-  
tius tamen ponitur pro mensa illa, in qua pocula po-  
toria exponebantur, nec suprà sex capiebat, ut conij-  
ci potest ex versibus Iuuenalis Sat. iii.

*Lectus erat Codro Protula minor, vrceoli sex  
Ornamentum abaci, nec non & paruulus infra  
Cantharus &c. & ex Plinij etiam libro xxxvii.  
cap. ii. in quo scribit Pompeium in triumpho, quem  
egit de Piratis, Asia, Ponto, regibusq., & gentibus, at-  
tulisse lectos tricliniarios tres, vasa ex auro & gemmis  
nouem abacorum. Quibus verbis designat certum po-  
culorum numerum in abaco reponi solitum. Cicero  
in Verrem lib. iv. Ab hoc iste abaci vasa omnia, vt ex-  
posita fuerant, abstulit. & Tusculana v. Abacos com-  
plures ornauit auro, & argento caelato. Luius lib.  
xxxix. Et quae tunc magnificae supellectilis habeban-  
tur, monopodia & abacos, Romanæ aduexerunt.*

*Ausonius:*

*Fama est fictilibus cenasse Agathoclea rogem:*

*Atque abacum Samio saepe onerasse luto.*

*Eundem abacum, siue Delphicam mensam dicere  
malumus, videtur innuere Horatius illo versu;*

*———— & lapis albus*

*Pocula cum cyatho duo sustinet ———*

*Nam Agretius scribit in Delphica mensa exponi so-  
lita fuisse vasa semper comparia, iuxta illud Cicero-  
nis, Scyphorum comparia plura, & Varronis lib. viii.  
Sic abacum argento ornari videmus, vt alia paria sint;  
alia disparia. Delphicae mensae, in qua pocula ex-  
ponerentur, facit mentionem Lucianus in Lexipha-  
ne: ποτήρια δ' ἐν τῷ παντοῖα ἐπὶ τῆς δελφικῆς ἑστίας.  
Praeterea erat tertium genus mensae, inquit Varro  
loco memorato, etiam quadratae vasorum, vocabat-  
urq. vrnarium, quod urnas cum aqua positas ibi potif-  
simam habebant in culina. Sed hoc tertium genus  
mensae, in culina; escaria, & vinaria, in triclinio po-  
neban-*

nebantur. Apud Graecos mensae non operiebantur linteis, sed post cenam spongia sordes ex eis tergebantur. Hinc illa apud Ovidium in epistola Penelopes ad Ulyssiem:

*Iamq. aliquis posita monstrat fera praelia mensa,  
Pingit & exiguo Pergama tota mero.*

Homerus odyss. lib. I.

Οἱ δ' ὦτε ἀπόγροιτο λυγρὴ τοιοῦτο παρῆς

Νίζον, καὶ περὶ δέντρον, ἰδὲ κρεῖα πολλὰ δευῖντο.

Quem morem expressit Horatius lib. II. Serm. illo versu:

*Gausape purpureo mensam praeter sit — Martialis:*

*Haec tibi sorte datur tergendis spongia mensis.*

Plautus Menaechm:

*Iuuentus nomen fecit Peniculo mihi*

*Ideo, quia mensam, quando edo, detergeo.*

Inde factum nomen ieruis Peniculis, quod penicillo mensas mundarent. Romanos autem linteis mensas interdum texisse apparet, vel ex hoc Martialis epigrammate, quod est, libro XIV.

*Nobilibus villosa tegant tibi lintea citrum,*

*Orbibus in nostris circulus esse potest. & lib. IX.*

*Inde satur mensas, & opertos exiit orbes.*

Sed non omnibus in usu fuisse, ut mensas operirent, apparet ex versibus eiusdem Martialis lib. XI.

*Mensas Ole bonas ponis, sed ponis opertas:*

*Ridiculum est: possum sic ego habere bonas.*

Mappis autem siue mantilibus, (mantile enim pro mappa dixit Lucilius, cum ait; Mantela merumq.) ad abstergendas manuum sordes inter cenandum contractas, quae Graeci χειρὸμακτῆρα appellant, ipsum comuiuij dominum non instrauisse mensas, pro se autem



num quemq. conuiuiam adferre consueuisse, conijci potest ex Catulli hendecasyllabo ad Asinium Marruccinum, in quo ait:

*Marruccine Asini manu sinistra  
Non bellè vteris in ioco, atq. vino:  
Tollis lintea negligentiorum &c.  
Quare aut hendecasyllabos trecentos  
Expecta, aut mihi lintheum remitte.*

& Martialis lib. xi.

*Attulerat mappam nemo, dum furtatimentur;*

*Mantile è mensa sustulit Hermogenes.*

Interdum tamen ipsi conuiuatores mensas mantilibus sternebant, vt indicat Horatius lib. ii. Serm.

*Vilibus in scopis, in mappis, in scobe quantus*

*Consistit sumptus? &c.* & Lampridius in Elagabalo, cum inquit: *Exhibuit parasitis cenas de vitreis, & non nunquam tot picta mantilia in mensam mittebat his edulijs picta, quae apponerentur, quot missus esset habiturus.* Ex quibus verbis conijci etiam potest veteres singulis missibus mantilia mutare solitos fuisse, hoc est singulis ferculis. Capitolinus verò apertius innuit conuiuij dominos mensas mantilibus strauisse, cum scribit Gallienum Imp. aureis mantilibus semper sternere solitum fuisse. Quod tamen tum in priuata mensa intelligi potest ab eo seruatum esse, tum in publico conuiuij. ad quod Elagabalus aureum mantile afferebat, vt inquit Lampridius, qui de Alexandro Seuero ita scribit: *Conuiuium neq. opimum, neq. nimis parcum, sed nitoris summi fuit, ita tamen ut pura mantilia mitterentur, saepius cocco clauata, aureata verò nunquam, cum haec habere Elagabalus iam recepisset, & ante, vt quidam praedicant, Hadrianus*

nus habuisset. Scribit autem Vopiscus Tacitum au-  
roclauatis vestibus & mantilibus interdixisse.

Mappis utebantur etiam ad abluendas manus vel  
antè cenam. Aristophanes Ταγνιστῆς apud Athe-  
naeum lib. ix. φέρεται ταχέως καὶ χειρὸς ὕδαρ, ὡς πρὸς  
τὸ χειρὸν ἔχειν. Quod autem ibi Athenaeus ὁμολογῶν  
dixit, id fortasse est, quod innuit Plinius lib. xix. cap.  
i. cū scribit: Inuentum iam est etiam, quod ignibus  
non absumeretur. Vinum id vocant; ardentesq. in focus  
conuiuiorum ex eo vidimus mappas sordibus exustis  
splendescentes igni magis quàm possent aquis. Hoc au-  
tem linum asbestinum dictum est; eoq. Romani in  
vstrinis ad colligendos cineres vsi sunt, vt scribit Pli-  
nius eodem loco his verbis: Regum inde funebres tu-  
nicæ, corporis fauillam ab reliquo separant cinere. Lin-  
teaminibus lotis Elagabalum nunquam vsum esse  
scribit Lampridius; quòd lotis linteis mendicos vti  
diceret. Quòd autem cenaturū manus lauarent, ita  
notum est, vt non egeat probatione. Nam & mal-  
lauium vas, quòd in eo manus lauarentur, dictum  
est, & Cicero eum lauandi morem expressit lib. ii. de  
Oratore, cum dixit: Illud egregium Sextij, manus laua,  
inquit, & cena: & Homerus pluribus locis:

Χέρνιβα δ' ἀμύπηλος ποσὶν ἐπ' ἔχουσ' ὀρέσσει

Καλὴ χροστὴν ὑπὸ ἀργυρέοιο λείαντες

Νίη δ' αὖτε

Quod vertit Virgilius:

Dant famuli manibus lymphas. &c.

———— tonsisq. ferunt mantilia villis.

Lauabant autem manus etiam post cenam, vt scribit  
Athenaeus lib. x. adductis veterum testimonijs, qui-  
bus probat apud veteres post cenam καὶ χειρὸς diei so-  
litum,

litum, non vt Aristophanes Grammaticus ait, Atticos antè cenam χῆ χειρὸς dixisse; cenatos autem σπονίψαδαι. sic enim inquit : σημειωτέον δὲ ὅτι καὶ μὲν τὸ δειπνήσαι χῆ χειρὸς ἔλεγον, ὡς ὁ Αἰσωπὸς ὁ Γραμματικὸς φησὶ, ὅτι σπὶν φαγεῖν οἱ Ἀπῆκοι χῆ χειρὸς ἔλεγον, μὲν δὲ τὸ δειπνήσαι, τὸ νίψαδαι. & lib. ix. notat veteribus antè pradium & cenam dictum fuisse χῆ χειρὸς, cenatis verò & prans, σπονίψαδαι. Sic enim ait : ὅτι καὶ τοῖς παλαιοῖς τὸ μὲν σπὶν ἀρίστου καὶ δειπνῆς λέγεσθαι χῆ χειρὸς, τὸ δὲ μὲν τῶντα, σπονίψαδαι. Adducit praeterea versus Dromonis ex Psalteria; in quibus narrat ex conuiujs quidam, vbi pransi fuissent, confestim mensas vndiq. sublatas esse: lauandis autem aquam manibus quendam effudisse: lauisse verò conuiuas, & acceptis rosis sparsilibus caput ornasse. Graeci versus sunt hi:

Ἐπὶ δὲ δῶπλον ἡρισκότες ἤμεν, περὶ δὲ τὰς τραπέζας.

Νίμματα ἑπέχει τίς. ἀπενιζόμεθα τοῖς σεφαῖς πάλιν δὲ

Σπορίνοις λαβόντες ἐσεφανεμένα.

Et lib. xiv. idem Athenaeus profert versum Aristophanis ex Vespis, in quo postulat conuiuia, sublati mensis aquam dari lauandis manibus:

Τῶν χῆ χειρὸς μὲν τραπέζας εἰσφέρειν.

Lauabant etiam manus per singula fercula, siue missus, vt pluribus locis indicat Lampridius in Elagabalo: Cum tantum, inquit, biberent per singula fercula; & manus, quasi comedissent, lauarent: & paulo post: Vt haberet vigintiduo fercula ingentium epularum, & per singula lauarent. De pelui, quam dicit Varro à pelluendo dictam pelluium, quòd scilicet in ea pedes lauarent, mihi planè etymon non probat; nam id vocabulum apparet Graecum esse, ex ijs, quae scribit Pollux lib. x. in quo ait πάλυα dici

Tra-



Tragicis τῶν λεγόντων οἱ δὲ Αἰολαῖς, inquit, πέλυτα μάλα· τῶν ἐυλίτῳ λέρουσιν. Illud certè constat, pelui veteres lauandis pedibus etiam post cenam vsos esse; quod tum ex alijs, tum ex Plutarchi quodam loco conijcere possumus in Pompeio, vbi dicit Fauoniū Pompeio ministrasse non tantum in cena, sed in pedum quoque lauatione: μέχρι ποδῶν, inquit, νίψας, καὶ δειπνῶντος. Quamuis Plutarchi locus referri etiam possit ad eam pedum lauationem, qua utebantur antè cenam; vt de Vlyssè refert Homerus, quem dicit agnitum ab Euryclia in pedum antè cenam lauatione. Pluribus autem mensis Romanos vsos fuisse, easq. vt plurimum, in ternos missus, interdum in plures partitos esse, indicat Plutarchus in Lucullo, vbi scribit, soli aliquando cenanti Lucullo, cum vna mensa, & cena parata modica esset, accitum seruuum, qui super his erat, obiurgasse. vbi is causatus est, nemine vocato, non ratum se requiri ab eo aliquem splendorem; quid ais, dixisse, nesciebas hodie apud Lucillum cenaturum Lucillum? Plutarchi verba sunt haec: ἐπὶ δὲ μόνῳ δειπνοῦντος αὐτῷ μία τράπεζα, καὶ μίσειον παρῑσκαμένη δειπνον, ἡ γὰν ἀντι, χαλάρους τὸν δὴ τούτων τεταγμένον οἰκίτῳ, τῷ δὲ θήσαντος, ὡς ἐκ ᾧ το μιν δένος ᾧ καλεσμένης, πολυτελοῖς πινὸς αὐτὸν δεισέσθαι, τί λέγεις, εἰπὼν, ἐκ ᾧ δεις ᾧ πὶ σήμερον ᾧ ἀκούοντος δειπνῶντος ἀκούοντος; Primas mēsas, quas in plures missus diuidi solitas diximus, auspicabantur ab ouo: de qua consuetudine Porphyrio exponens versum Horatii ex lib. II. Sat. II. *Ab ouo vsq. ad mala*, sic scribit: *Ab initio cenae ad finem. Ouum enim hodie initium cenae, quippe cum in gustu statim à balneis offeratur. mala autè apud veteres inter cetera secundae mensae afferebantur.*

Varro

Varro Endymionibus apud Nonium ; *Discumbimus mussati*, dominus maturat oua, ac cenam committit. Ouum quoq. Horatius cenae principium innuit per Catium illo versu:

*Longa quibus facies ouis erit.*

Vt videatur ouum antecena quaedam fuisse in indice illo, quem ponit Macrobius cenae Pontificiae Metelli, & rectè dici potuisse prooemium cenae, vel ut Graeci dicunt, *δείπνον* apud Athenaeum lib. iv. Nam id, quod Alexis apud eundem Athenaeum *καλλιὸν δείπνον* dicit, & Cicero *caput cenae*, intelligendum de eo, quod in cena praecipuum dabatur ferculum, quod *cenae caput* dicebatur. Ciceronis verba ex Tusculana v. sunt haec: *Negavit se iure illo nigro, quod cenae caput erat, delectatum*. Martialis:

*Mullus tibi quattuor emptus millia*

*Librarum, cenae pompa caputq. fuit.*

Varro, ut infra dicetur, à melle primas mensas aspicatur, quo fortasse mullum designat, de quo sic Horatius hoc versu:

*Aufidius forti miscebat mella falerno.*

Athenaeus à lactucis, cum inquit: οἱ μὲντοι ἀρχαῖοι πίνοντας οὐδ' ἑδεύοντο, ἀποδείκνυντο δὲ τὴν μίτραν, ἢ τὴν ἐπίδαρτον, ἢ τὴν ἄλλοι τὴν τοῖς πινόντων ἀπὸ τοῦ γίνεσθαι. Et ab Horatio in cena Nasidieni lactucae primum apponuntur. Martialis item à lactucis initium cenae facit & oxygaro, ut in disticho:

*Claudere quae cenas lactuca solebat auorum,*

*Dic mihi cur nostras inchoat illa dapes.*

Idem ab oliuis auspiciari solitos fuisse primas mensas ostendit in alio disticho:

*Haec quae Picenis venit subducta trapetis,*

*Iu-*

*Inchoat, atq. eadem finit oliua dapes. & alibi :*

*Prima tibi dabitur ventri lactuca mouendo*

*Vtilis, & porris fila resecta suis,*

*Et quae Picenum senserunt frigus oliuae :*

*Haec satis in gustu, cetera nosse cupis ?*

*Mentiar vt venias, pisces, conchylia, sumen.*

Vt videri possit haec quoq. in antecena fuisse .

Primas mensas excipiebant secundae, & ipse aliquando in plures nissus operis dulciarij, nec non lactarij dispartitae, de quibus videndus Valerius Maximus lib. II. cap. I. Agellius lib. XIII. cap. II. Macrobius lib. III. Athenaeus autem lib. XIV. Pindati poetae testimonio probat apud antiquos in vsu fuisse secundas mensas, cum inquit: *ὅτι γὰρ ἦσαν καὶ δεύτεραι ἀρχαῖαι αἱ δὲ τεταὶ τραπέζαι πολυτελεῖς μακρομεσημέραι, παρίσκει Πίνδαρος Ὀλυμπονίκους, περὶ τῆς Πέλοπος κρησυχίας διηγούμενος: τραπέζαισι δ' αὖ ποὶ δίδιτα τα. & post, ἐδίδοτο δὲ καὶ ὠδὴν ἐν τῇ δ' αὐτέρᾳ τραπέζῃ, ὥσπερ καὶ λαγῶα καὶ κίχλα κοινῇ καὶ μελεπικῶν εἰσφέροντο.* Et Seruius in Virgilianum illud:

*mensaeq. remotae:*

Duas, inquit, habebant mensas: vnam carnis, alteram pomorum. Cicero lib. XIV. Epist. ad Atticum: Haec, inquit, scripsi apposita secunda mensa. & in epist. ad Tironem: Videor enim videre ementem te res rusticas, cum villico loquentem, in lacinia seruantem ex mensa secunda semina. Varro de re rustica lib. III. cap. XVI. Mel, inquit, ad principia conuiuij, & ad secundam mensam ministratur. Lampridius in Alexandro: Pomis vehementer indulgit, ita vt secundae mensae illi saepius ponerentur. Virgilius lib. II.

*Non ego te Dijs & mensis accepta secundis,*

*Trans-*



*Transferim Rhodia &c. Horatius lib. II. Sat. II.*

———— *tum pensilis vna secundas*

*Et nux ornat mensas, cum duplice ficu.*

*Ouidius Metamorph. lib. IX.*

———— *Totumq. tulit prae diuite cornu*

*Autumnum, & mensas felicia poma secundas.*

*Martialis lib. V.*

*Mensae munera si voles secundae,*

*Marcentes tibi porrigentur vuae,*

*Et nomen pira quae ferunt Syrorum.*

Iulius Pollux addit praeter has tertiam mensam, quam videtur Lampridius innuere, cum scribit in Elagabalo: *Habuit leones & leopardos exarmatos in delicijs, quos edoctos per mansuetarios, subito ad secundam & tertiam mensam iubebat accumbere.* Sed haec, ut videtur, raro apponebatur. Homerus autem in Heroum mensis, neq. aues, neq. pisces, neq. poma apponit, sed nec carnem elixam, quod notat etiam Seruius in lib. I. Aeneidis, cum inquit: *Heroicis temporibus carne non vescebantur elixa.* Vnde & Varro nem scripsisse, *Romanis primum in usu fuisse assa, secundò elixa, tertio iurulenta.* Quin etiam, nec vnguenta Homerus agnoscit, nec coronas, ut notat Athenaeus lib. I. in quo scribit Homerum non ignarum vnguenti, quatenam esset vis & gratia, Heroum tamen nullum induxisse vnguentoꝝ delibutum, excepto Paride, atq. adeò nec vllum quidem coronatum; quamuis translatione simili, quid esset corona, sibi compertum fuisse ostendat, cum ait:

*Ἡσπονδὸν γὰρ πῖντος ἀπείρητος ἐσθλαίωται.*

Athenaei verba sunt haec: *Οἱ μὲν δὲ πῶς τὴν μίαν οὖν ἢ δύο, ἢ καὶ τρία μύραις ἀλφειομένων τοῖς ἥρωας, πάλιν τὸν*

*Πάριον.*

Παίιν. ἀλλ' ὅδ' ἐσθαρώνευσ' ἐσθ' ἔχει, καὶ τοὶ πρὸ ἐκ τῆς ματαθο-  
 ρᾶς ὁμοιωμάτων σημαίνεται ὅτι ἦδ' ἐστι τὸν ἐσθαρών. De usu panis  
 apud antiquos videndus Plinius lib. xviii. cap. viii.  
 Vopiscus in Tacito scribit eū, nūquā panē nisi siccū  
 comedisse, eundemq. sale, atq. alijs reb. conditū. Pli-  
 nius loco suprā memorato scribit Romanos pulte,  
 nō pane, longo tēpore vsos fuisse. Vnde *Pulphagnus*  
*Romanus* dicitur à Plauto in *Paenulo*, & *Mostellaria*.  
 Verrius autem apud eundem Plinium auctor est, po-  
 pulum Romanum farre tantum ē frumento trecen-  
 tis annis vsū esse. Pistorēs item priscis illis tempo-  
 ribus apud Romanos non fuisse indicat Varro lib. i.  
 de vita populi Romani apud Nonium : *Cocula*, in-  
 quit, *quae coquebat panem, primum sub cinere, postea*  
*in furno.* & Plinius lib. xviii. cap. xi *Pisiores*, inquit,  
*Romae non fuerunt ad Persicum vsq. bellum, annis ab*  
*V. C. D. lxxx.* *Ipsi panem faciebant Quirites, mulie-*  
*rumq. id opus erat, sicut etiam nunc in plurimis gentiū.*  
*Artoptam* Plautus appellat in fabula, quam *Aululariā*  
 scripsit, magna ob id concertatione eruditorum, an is ver-  
 sus poetae sit illius : certumq. sit, *Ateij Capitonis sen-*  
*tentia, tostum panem lautioribus coquere solitos, pisto-*  
*resq. tantum eos qui far pinsebant, nominatos.* Legen-  
 dum autem ex manuscriptis libris : *Artoptasiam*  
*Plautus in fabula, quam Aululariam inscripsit : non*  
*enim artoptam, qui panem coqueret, sed artoptasiam,*  
*ipsam artem coquendi panem, Plautus dixit.* Praete-  
 rea corrigendum, *testu panem lautioribus coquere so-*  
*litos, non, tostum.* Vnde panis testaceus dictus, quē  
 Graeci clibanitin dicunt, quòd sub aereo testu, vt  
 inquit Plinius lib. xxxii. cap. vii. hoc est, sub cliba-  
 no, coqueretur. Cato: *In foco calido, sub testu coqui-*

to leuiter. Seruius in lib. I. Aeneidis. Et quia apud maiores nostros, inquit, molarum vsus non erat, frumenta torrebant & ea in pilas missa pinsebant, & hoc erat genus molendi, vnde & pinsones dicti sunt, qui nunc pistores vocantur. Cato tit. XIV. Paulum latam pilam, vbi triticum pinsant. M. Varro in Satyr de eduliji: Si quantum, inquit, operae sumpsisti, vt tuus pistor bonum faceret panem & lib. I. de lingua latina: Pilum quasi pisum, quod eo far pinsatur; & vbi fit, pistrinum dictum. In eo damnati serui exercebantur. Terentius Andrias:

Caesum verberibus in pistrinum te Daue dedam.

Postea institutae molae iumentariae, nondum aquarijs inueniuntur. Suetonius in Caio cap. XXXIX. Comprehensio ad deportandum meritorijs quoque vehiculis, & pistrinensibus iumentis, adeo vt & panis Romae saepe deficeret. Procopius lib. I. scribit molas in Tiberi Belisarium primum construxisse. De vsu vini apud Romanos videndus Plinius lib. XIV. cap. XII. XIII. XIV. XV. Vbi enim sunt vino partim mero, quod ζυρόν siue ἀκρατον Graeci dicunt; partim diluto, quod ὕδαρες siue κραμαίνον vocant. Plutarchus Sympos. lib. III. tres mixtionis modos tribus musicalibus consonantijs similes tradit: hemiolium, cum tribus aquae partibus, duae vini adduntur; diatesaron, cum tribus aquae, vna vini; diapason, cum vna vini duabus aquae. Ad δὲ πνάρων autem mixtionem respexit Hesiodus cum cecinit libro. I. I.

Τρίς ὕδατος ποσόν, τὸ δὲ τέταρτον ἴμεν οἶνον. Quam mixtionem Palamedis inuentum dicit Ion poeta apud Athenaeum, cum inquit:

Εὐρὸν δὲ μᾶν περὶ ὁ Παλαμήδης ἐμαντεύσας  
Πλοῦτῳ ἐπέδωκε τοῖς Ἕλλησι πίνεσσι τρεῖς

Περί



Πρὸς ἕνα κνᾶδου. Miscere autem dixit Tibullus lib. II. eleg. I. pro eo, quod temperare alibi dicit eleg. VII. eiusdem libri, cum ait:

*Mistaq. securo est sobria lymph a mero. &:*

*Temperat annosum Marcia lymph a merum.*

Varias autem vini & aquae mixtiones refert Athenaeus lib. X. adductis veterum poetarum testimonijs, ex quibus nos pauca proferemus; nempe Archippi, qui in posteriore Amphitruone par pari miscet, hoc versu:

Τίς ἐκέχυστ' σφῶν ὃ κακὸδαμνον ἴσον ἴσω;

Item Menandri in Heroe, qui tribus aquae partibus vnam addit vini, sic enim ait:

Καί τοι πολὺ γ' ἔδ' ἡθδον, ἔρδ' αἶ ποτε

Ἐπνον τρεῖς ὕδατος, οἶνε δ' ἓν μόνον.

Item Alexidis in Terhye, qui quattuor vini partibus vnam aquae miscet, ait enim:

Ἰδοὺ πάρεστιν οἶνος, ἑκοῦν ἐγχείω

Κρείττηνα, πολὺ ἐέλπον ἕνα καὶ τέτταρα.

Item Dioclis in Apibus, qui quattuor vini partibus duas aquae addit, cum ait:

Πᾶς δὲ πεκραμμένον πίνειν τὸν οἶνον δεῖ με, τέτταρα καὶ δύο.

Item Nicocharidis in Amymone, qui quinq. vini partibus duas aquae miscet. sic enim inquit:

Οἶνόμαος ἔδ' αἶ χαῖρε, πέντε καὶ δύο.

Item Anacreontis, qui cyathis quinq. vini duas aquae addit:

Αγέ δὴ φέρ' ἡμῖν ὃ πᾶν

Κελέβλω, ὅπως ἄμυσιν

Προπίω, τὰ μὲν δὲ ἑγχείω

Τεταπὺς, τὰ πέντε δ' οἶνε

Κνᾶδου, ὡς αἶ ὑβριστῶσαν.

Modus autem vini & mensura apud Romanos varia itidem erat pro cuiusq. natura. Quin & Magister etiam bibendi, de quo infra dicitur, modum ipsum vini & mensuram praescribebat. S. Ambrosius lib. de Elia & ieiunio cap. XIII. *Ac ne immoderatum*, inquit, *hoc arbitreris, mensura proponitur, certatur sub iudice, sub lege decernitur agonotheis &c.* Ei vero, qui vno haustu poculum hausisset, hoc est *αμυσθ* acclamabant *ζῆντας*, vt docet Suidas, & infra ex Dione ostendemus. Marcialis lib. VI.

*Poto ego sextantes : tu potas Cinna deunces.*  
Vbi sextantem pro duobus, deuncem pro vndecim cyathis posuit. & de Lusco ad Aulum :

*Potator nobilis, Aule, lumine vno*

*Luscus, Phryx erat, alterq. lippus.*

*Huic dicit medicus, bibas caueto*

*Vinum ; si biberis, nihil videris :*

*Ridens Phryx oculo, valebis, inquit :*

*Misceri sibi protinus deunces,*

*Sed crebros iubet : exitum requiris ?*

*Vinum Phryx : oculus bibit venenum.*

& lib. III. trientem pro quattuor vini cyathis posuit, cum ait :

*Candida Setini rumpant crysalla trientes.*

& in Apophoretis :

*Setinos moneo nostra niue frange trientes.*

Perfius Sat. III.

*Sed tremor inter vina subit, calidumq. trientem.*

Suetonius in Augusto cap. I XXVII. scribit eum non amplius ter bibere solitum fuisse, & si quando largissime se inuitaret, senos sextantes non excessisse. Vopiscus autem tradit Tacitum parcissimae vitae fuisse,

fuisse, ita vt sextarium vini tota die nunquam potauerit, saepe intra heminam. Contrà Capitolinus de Maximino seniore, de quo sic ait: *Bibisse autem illum saepe in die vini Capitolinam amphoram constat: comedisse & xl. libras carnis, vt autem Cordus dicit, etiam lx. quod satis constat.* Ex locis autem suprâ citatis intelligere possumus, sextantes potare solitos fuisse eos, qui imbecilli corpore fuissent; deunces, qui bibaces essent, & nimium vini appetentes; trientem, communè omnium mensuram fuisse. De numero autem poculorum notum est illud Aesopi, qui dicebat tres esse vini mixtiones, primam voluptatis, secundam ebrietatis, tertiam contumeliae, vel vt dicebat Anacharsis, moeroris. Ο Δρόνους, referâ Graecè, τῆς ἐκ τῆς τοῦ χρυσίου οἶνου, τὸ μὲν ἀπὸ τοῦ ἡδονῆς, & δὲ ἀπὸ τοῦ μέθης, τὸ δὲ τρίτον ὑβρείος. & Appuleius in Floridis ait quattuor esse vini crateras, quarum prima ad sitim pertineat, secunda ad hilaritatem, tertia ad voluptatem, quarta ad insaniam. Horatius loco suprâ citato:

tribus aut nouem

Miscentur cyathis pocula commodis.

Qui Musas amat impares,

Ternos ter cyathos attonitus petet

Vates. tres prohibet suprâ

Rixarum metuens tangere Gratia.

Ausonius:

Ter bibe, vel toties ternos: sic mystica lex est,

Vel tria potandi, vel ter tria multiplicandi.

Fuit autem aliquibus inos tot cyathos bibere, quot fuissent litterae in amici, vel amicae nomine, cui berent. Martialis lib. i.



*Naevia sex cyathis, septem Iustina bibatur;  
 . Quinque Lycea, Lyde quattuor, Ida tribus .  
 Item quot manus digitos haberet . Plautus Stichos :  
 Sag. Vide quot cyathos hos bibimus .  
 St. Tot, quot digiti sunt tibi in manu .  
 Cantio Graeca est, ἢ πέντε πίνει, ἢ τέτα πίνει, ἢ μὴ τέλει αὖ.  
 Tibi propino decuma fonte, tibi ture inde, si sapis.  
 Liberalibus apud Romanos moris fuit tot cyathos  
 bibere, quot alicui annos precabantur . Ovidius  
 lib. III. Fastor.*

*Sole tamen, vinoq. calent, annosq. precantur,  
 Quot sumunt cyathos, ad numerumq. bibunt .  
 Inuenies illic qui Nestoris eibat annos,  
 Quae sit per calices facta Sibylla tuos.*

Panyasis autem Epicus, de numero item poculorum  
 apud Athenaeum differens, primum dicit dicatum  
 esse Χαρίων, Ωραις, καὶ Διονύσω: secundum Αφροδίτη καὶ  
 πάλιν Διονύσω: tertium ὕβρει καὶ αἵτη. Eubulus itē apud  
 eundem Athenaeum lib. II. de numero poculorum  
 ita disputat in eo carmine, in quo inducit Bacchum  
 loquentem :

*Τρεῖς γὰρ μένοις κρατῆρες ἐγχαράνυω  
 Τοῖς ἄφροσι, τὸν μὲν ὑγείας ἔνα,  
 Ὀν πρῶτον ἐκπίνουσι. τὸν δὲ δῶτερον  
 Ἐρωτος, ἡδονῆς τε. τὸν τρίτον δ' ὕπνου,  
 Ὀν εἰσιόντες οἱ σοφοὶ κεκλημένοι  
 Οἵ καὶ δε βαδίζουσι. ὁ δὲ τέταρτος  
 Οὐκ ἐθ' αἰμότερος ἐς, ἀλλ' ὕβρεως  
 Ὁ δὲ πέμπτος Κοῆς, ἔκτος δὲ κόμων.  
 Ἐβδομος δ' ὑπαπίων, ὄγδος κλήτορος.  
 Ὁ δ' ἔνατος χολῆς, δέκατος δὲ μανίας, ὥς τε καὶ βάλλειν  
 Πιοῖσι, πολλὸν γὰρ οἱς μικρὸν ἀγρῶτον χυθεῖς*

Τροικαλίζει ῥᾶσα τοὺς πεποκότας. Et haec satis super eiq.  
de numero poculorū. Bibebant autem non odò pro  
salute Imperatoris, vt indicat Dio Cassius, qui Au-  
gusto inter alios hunc quoq. honorem decretum  
ait, vt pro salute eius in conuiuijs biberent. & S. Am-  
brosius lib. de Helia & ieiunio cap. vii. his verbis :  
*Quid autem obtestationes potantium loquar? Quid me-  
morem sacramenta, quae violare nefas arbitramur? Bi-  
bamus, inquit, pro salute Imperatorum, & qui non bi-  
berit, sit reus in deuotione.* Modò propter felices ami-  
corum successus, vt Horatius lib. iii. ode xix.

*Da Lunae properè nouae,*

*Da noctis mediae, da puer Auguris*

*Muraenae, &c.* Ad quem locum respexit Auso-  
nius, cum inquit: *Sed illa de Flacci ecloga in qua pro-  
pter mediam noctem, & nouam Lunam, & Muraenae  
Auguratum ternos cyathos attonitus petit vates.* Bibe-  
bant etiam in amicorum gratiam absentium. vt ex  
multis Scriptorum locis intelligimus. Theocritus  
Idyll. xiii.

Ἦδη δὲ παρ' ὄντος ἑδοξ' ἀπ' ἡμετέρας ἀκρατον  
ὦπνος ἢ δὲ λ' ἔχαστος ἑδαι μόνον ὦπνος εἰπεῖν.

Tibullus lib. i i. eleg. i.

*Sed benè Messalam sua quisq. ad pocula dicat,*

*Nomen & absentis singula verba sonent.*

Ministrabantur autem pocula à summo ad infimum,  
initio facto ab vno ex conuiuiis, qui in summo accu-  
beret, & in orbem circumlato poculo ad eum. qui in  
imo lecto discumberet. quod Athenacus dixit ἐν κύ-  
κλῳ πίνειν, Pollux τὰς κύκλους ἐν κύκλῳ περιελαύνειν. Plau-  
tus Mostellaria :

*Interim da ab Delphio citò cantharum circum.*

L 4 & in

& in Persa :

— — — age puere

*A summo septenis cyathis committe hos ludos.*

& in Afinaria :

*Da puere ab summo, age tu interibi ab infimo da suauium.*

& rursus in Persa:

*Age, circūfer mulsū bibere, da vsq. plenīs cātharis.*

Cicero in Catone : *Et is sermo, qui more maiorū à summo adhibetur in poculis.* Varro lib. iv. *Praeterea in poculis erant paterae, eo quòd pateant latius, sic dictae :* ( siue vt est in V. C. ab eo quòd pateant, Latini ita dicunt. ) *Hiscē etiā nunc in publico conuiuiō anti-quitatis retinendae causa, cum magistrī sunt, potio circumfertur.* Inter potandum verò moris fuisse, vt conuiuae praegustatum poculum alter alteri porri-geret, constat primū ex Homero in Iliadis ix. qui ait :

Πληστήμανος δ' οἶνοιο δέπας δίδεκ' ἀχλὺν α.

quem locum exponens Athenaeus lib. xiv. dicit : *πλησθῶντες γὰρ πρὸς πρὸν ἀλλήλοις καὶ περιπαροῦσιν α.* & pau-  
lò post apertius ostendit quid sit *πρὸς πρὸν* hoc exem-  
plo : *Ἀλέξανδρος οὐκ αἰτήσας ποτὲ ποτήριον δίδωμι, καὶ πᾶν, πρὸς με τῷ Πρωτίᾳ.* Plautus Gurgulione :

*Propino militi magnum poculum: ille ebibit.*

Iuuenalis Sat. v.

— — — quando propinat

*Virro tibi, sumitq. tuis contacta labellis*

*Pocula — &c. Martialis :*

*Qui nulli calicem tuum propinas.*

Suetonius in Tiberio cap. xiii. *Ignotissimum Quaestu-  
rae candidatum nobilissimis anteposuit ob epotam in con-  
uiuiō propinante se vini amphoram.* Appuleius lib. x.  
naebi-



praebibere, dixit, quod Graeci *οερίνεν*, cum inquit : *Hec puer lautum diligenter ecce illum lautum cantharum mulso contempera, & affer parasito meo, simul quòd ei praebiberim, commoneto.* Formula qua in propinationibus utebantur apparet ex Plauto huiusmodi quaedam fuisse, in Persa :

*Paegnium tardè cyathos mihi das: cedo sanè,*

*Benè mihi, benè vobis, benè amicae meae.*

Libasse verò Dijs ex Homero constat, hoc versu :

*Θεοῖσι ποτίσαντες μακάρεσσι πόν μολινθεαοῖνον.*

& ex Virgilio, apud quem Libat Dido hoc versu :

*Dixit, & in mensa laticum libavit honorem.*

Maioribus autem poculis veteres potare dicebantur, cum convuiarum laetitia aliquantulum processisset, dicebantq. *πὺ μείζονα αἰτεῖν*, scilicet *κύλιον*. Sophilus apud Athenaeum lib. x.

*Συνεχὴς ἀκρατος ἐδίδοτο ἴσον ἴσῳ, πάλιν δὲ μείζον' ἤπινεν.* Alexis: *ἐ συμποσίᾳρχος ὡς γὰρ, ἀλλὰ δῆμος ὁ χαίρειας κυάδοις οερίνων ἔκοσιν ἴσον ἴσῳ, πάλιν πὺ μείζον' ἤπει.* Ad quem morem respexisse videtur Cicero, cum scripsit in Verrem: *Fit sermo inter eos & inuitatio, ut Graeco more biberetur: hospes hortatur: poscunt maioribus poculis.* Utebantur autem vereres vino refrigerato, ut constat tum ex alijs, tum ex Dione, qui scribit Commodum vini refrigerati poculum in medio certamine fessum capere vno haustu solitum: *Γλυκὺ οἶνον*, inquit, *ἐφυγμένον λαβὰν ἀμυσί.* Utebantur item sacco vinario, ut merum liquidius potarent. Martialis lib. xii.

— & ut liquidum potet à lauda merum,  
Turbida sollicito transmittere Caecuba mero,

Atq. inter mensas ire redire suas.

Sacci

Sacci vinarij meminit Plinius lib. xxiv. vbi de polenta nitrosae aut amarae aquae. Aqua etiam utebantur niuibus refrigerata, vt ex Martialis versibus apparet, in quibus sic est:

*Non potare niuem, sed aquam potare rigentem,*

*De niue commenta est ingeniosa sitis. & lib. xi.*

*Nec nisi post niueam Caecuba potat aquam.*

Alexis apud Athenaeum; Καὶ χόρα μὲν νιφέντος ὁ γόνυ-ζομεν. Iuuenalis:

*Frigidior Gaeticis petitur decocta pruinis.*

Plinius: Hi niues, illi glaciem potant, venasq. montium in voluptate gulae vertunt: seruatur algor aestibus, cogiturq. vt alienis mensibus nix algeat: decoquunt alias, quas mox & illas hiemant. & lib. xxxi. cap. iii.

Neronis principis inuentum est decoquere aquam, quam vitro demissam in niues refrigerabat. Inde Suetonius in Nerone cap. xlviij. sic scribit: Aquam ex subiecta lacuna potaturus manu hausit: Et haec est, inquit, Neronis decocta & c. aquae autem tepidae aliquantum bibit. Colum autem dicebatur vas vinarium, quo aqua ex niuibus colari solebat. Martialis:

*Attenuare niues norunt & lintea nostra,*

*Frigidior colo non salit vnda tuo.*

Aqua etiam utebantur calefacta, vt ex Scriptoribus constat. Horatius:

*Quis aquam temperet ignibus?*

Varro lib. iv. de lingua latina. Calix à caldo; quod in eo calida puls apponebatur, & caldum in eo bibebant. Plinius lib. xxviii. cap. iv. Notandum nullum aliud animal praeter hominem calidos potus sequi, ideoq. non esse naturales. Tacitus lib. xiii. Innoxia adhuc, et praecalida potio. Appuleius lib. ii. Commodum cubueram,

*& ecce*

*Et ecce Fotis mea, iam domina cubitum reddita, iacta proximat rosae ferta, & rosa soluta in sinu tuberante, ac me pressim deosculato, & corollis reuincto, & flore pro-  
sperfo, arripit poculum, ac desuper aqua calida iniecta, porrigit, bibam, idq. modicum priusquam totum exorbe-  
rem, clementer inuadit. Iuuenalis Satyr. v.*

*Quando vocatus adest gelidae, calidaeq. minister.  
& Martialis lib. i.*

*Iam defecisset portantes calda ministros. & lib. vi.*

*Et potet calidā qui mihi laudat aquam. & lib. viii.  
Caldam poscis aquam, sed non dum frigida venit.*

*Alget adhuc nudo clausa culina foco. & lib. xii.*

*Et nimium calidis non vitiantur aquis. & lib. xiv.*

*Frigida non desit, non desit calda petenti.*

Epicharmus item apud Athenaeum lib. xiv. aquam tepidam postulat sibi dari, quam bibat, cum inquit:

*Καὶ πῶν ὕδωρ διπλάσιον χλιαρὸν ἡμῖνας δύο.*

Hinc Tiberius Claudius Nero Imp. dictus per iocū Biberius Caldius Mero, à frequenti calidae aquae potione. Ammianus Marcellinus lib. xxviii. *Ampe-  
lius*, inquit, *Vrbi praefectus statuerat ne aquam calidā calefaceret quisquam. & post: Si aquam calidam tardius attulerit.* Claudius Imperator edicto vetuit, ne aqua calida venderetur. Dio. lib. l. viii. *τὰ τε καλλιῶα ἑς αὖ σωιόντες ἔπνον, κατέλυον, καὶ προσέταξε μὴτε κρέας που ἐφ-  
δόν, μὴθ' ὕδωρ θερμὸν πρὸς πικεῖσθαι, καὶ πῖνας δπὶ τούτῳ μὴ πει-  
δαρχήσαντας ἐκόλασεν.* Quin & C. Caligula, eodē Dio-  
ne referente, eum necari iussit, qui in funere Drusil-  
lae calidam aquam vendidisset. *πωλήσαντα δέ, inquit, θερμὸν ὕδωρ ἀπέκτεινε, ὃς ἀσεβήσαντα.* Locus autē in  
quo aqua calida vendebatur, Thermopolium à Plau-  
to dicitur in Curculione:

*Quos*



*Quos semper videas bibentes in Thermopolio.*  
& in Trinummo

*satin in Thermopolio.*

*Condalium es oblitus, postquā thermopotaſti gutturē:  
Aqua calida miſcebatur etiam vino, vt conijci po-  
teſt ex verſibus Martialis:*

*Me conuiua leget miſto quincunce, ſed ante  
incipiat poſitus, quā tepuiſſe calix:*

& apertius ex Plauti Curculione:

*Vbi quid ſurripuere, operto capitulo calidum bibunt,  
Triſtes atq. ebrioſi incedunt.*

Vas autem ad parandam aquam calidam, miliarium dicebatur. Athenaeus lib. II. τὸ μιλίριον καλέμενον τὸ ἐκ ποταμῶν, τὸ εἰς θερμὸν ὕδατος κατεργασίαν κατασκευάζον. Horatius verò ahenum videtur dixiſſe vas id, quod aquae calefaciendae comparabatur, cum inquit. Epist. lib. II.

*emptis*

*Sub noctem gelidam lignis caleſcāt ahenum.*

Mos autem fuit in conuiuijs, talorum iactu vnum aliquem creare, qui praescriberet modum cenae, & quantum quisq., & quomodo temperatum, vt diximus, biberet vinum. Hic, Rex conuiuij à Tacito dicitur in Nerone, & Sidonio lib. IX. epist. his verbis: *Meis quoq. contubernalibus dum rex, inquit, conuiuij circa ordinandum moras neſcit oxygarum &c.* Modiperator à Varrone lib. XX. Rerum humanarum citante Nonio, his verbis: *In conuiuijs qui ſunt inſtituti potandi modiperatores* (nam vox magiſtri gloſſema eſt verbi modiperatores.) Inde Cicero in Catone: *Me verò & Magiſteria delectant à maioribus inſtituta, & is ſermo, qui more maiorum à ſummo adhibetur in poculo*

*culo* : Lampridius in Elagabalo : Praefectum *Urbicū*,  
(vel forte, *Urbi*) saepe post cenam ad potandum voca-  
bat, adhibitis & Praefectis Praetorio, ita ut si recusa-  
rent, Magistri eos cogerent. Dictator à Plauto, qui di-  
cebatur ipsa tantum coronae impositione, ut est  
apud eum in Persa :

*Do hanc tibi florentem florenti, tu sic eris Dictatrix  
nobis.*

Dominus conuiuij à Varrone apud Agellium lib.  
XIII. cap. II. & Nonio. Item Strategus à Plauto rur-  
sus in Persa :

*Strategum te facio huic conuiuio.*

Cenae pater ab Horatio lib. II. Serm. Sat. VIII.

*Inprimis Lucanus aper leni fuit austro*

*Captus, ut aiebat cenae pater* —

Parochus ab eodem ibidem :

*Tum parochi faciem nil sic timentis ut acres*

*Potores* — & Conuiuator, cum inquit :

*Sed conuiuatoris uti ducis &c. Seneca lib. I. de ira :*

*Minus honorato loco positus irasci coepisti conuiuato-  
ri &c. Magister cenae à Martiale lib. XII.*

*Conuiuas alios cenarum quere Magister. Catullus.*

*Ingere mi calices amariores,*

*Vt lex Postumiae iubet Magistrae. Cicero in Ver-  
rem : Iste enim Praetor seuerus ac diligens, qui populi  
Romani legibus nunquam paruisset, illis diligenter legi-  
bus, quae in poculis ponebantur, parebat. Graeci  
συμπόσιον, siue βασιλία dixerunt. Plutarchus Apoph-  
thegm. Ἀγασίας ὅτι πῶτε ποτὲ λαχὼν συμπόσιον.  
Idem, ut opinor, dicebatur à Graecis ὀνοματεκλήτωρ,  
cuius munus erat suum unicuiq. gradum & ordi-  
nem in cena assignare, ut scribit Athenaeus lib. II.*

addu-

adducto Alexidis testimonio, qui ait: *μετὰ ταῦτα ἀνα-  
στάντες καὶ τεκλῖθιμεν, ὥς ἕκαστος ἦδελεν, ἐκ ἀναμειναντες ὀνο-  
ματοκλήτορα τῶν δὲ πινῶν ταξίτηρον.* Nominatur & ἐστὶ-  
τως ab eodem Athenaeo lib. II. Cui ubi conuiuiae ac-  
cubuisse, tabella dabatur instar indicis cenae Pon-  
tificiae Metelli apud Macrobiū lib. III. cap. XIII. in  
qua omnium ferculorum nomina descripta erant,  
ut sciret, quod nam obsonium esset coquus allatu-  
rus: *ἔδος ἴω, inquit, τοῖς δέ πινοις τῶν ἐστὶ τορῶν καὶ τεκλῖθι-  
ν περὶ δόδω χαμμηπίδω, πὶ περὶ ἄναξα φῶν τὴν παρὰ πᾶσι  
σμένων, ἐφ' ᾧ εἰδέναι, ὅτι πολλοὶ ὄφον φέρειν ὁ μάλιστα.* Talo-  
rum autem iactu creati solitos, & interdum ipsa tan-  
tum coronae impositione, indicat Plautus versu su-  
pra prolato, & Horatius lib. I. ode. IV.

*Nec regna vini sortiere talis.* & lib. I. ode. VII.

*Quem Venus arbitrum dicit bibendi?*

Porro ministri Tricliniarii nominantur in veteri-  
bus apud me marmoreis monumentis, *Structor*, qui  
*τραπέζοχος* ab Athenaeo dicitur, cuius erat, ut in-  
quit Virgilius, *cura penum struere*. & de quo Mar-  
tialis lib. X.

*Et quae non egeant ferro Structoris Ofellae.*

*Structoris* serui munus designat Seneca lib. VI. epist.  
XLVII. ad Lucilium, cum inquit: *Alius pretiosas aues  
scindit, & per pectus, & clunes certis ductibus circum-  
ferens eruditam manum, & in frusta excutit.* & lib. de  
Breuitate vitae: *Quam videam, inquit, quam suspen-  
si sint, quomodo aper à coquo caesus exeat, quanta cele-  
ritate signo dato gladij ad ministeria decurrant, quanta  
arte scindantur aues in frusta non enormia.* Sed aper-  
tius indicat Iuuenalis non modò *Structoris* officiū,  
sed ipsam etiam *structoriam* artem, quae obsonia  
scin-



scindendi praecepta daret. Sic enim ait Sat. II.

— quin ipsa manubria cultellorum

Ossea : non tamen his vlla vnquam obsonia fiunt  
Rancidula, haud ideo peior gallina secatur.

Sed nec Structor erit, cui cedere debeat omnis  
Pergula, discipulus Trypheri doctoris, apud quem  
Sumine cum magno lepus, atq. aper, & pygargus,  
Et Scythicae volucres, & Phoenicopterus ingens,  
Et Gaetulus oryx, hebeti lautissima ferro

Caeditur, et tota sonat vlmea cena Saburrae. & Sat. V.

Structorem interea ( ne qua indignatio desit )

Saltantem spectas, & chironomunta volanti

Cultello, donec peragat dictata magistri

Omnia : nec minimo sanè discrimine refert,

Quo gestu lepores, & quo gallina secetur .

In antiqua inscriptione habetur: MAMA STRV-  
CTOR. Seruus Tricliniarcha, qui & Architricli-  
nus, habetur in hac inscriptione : BLICIO ABOR-  
TENNIO TRICLINIARCH. item in hac: M. VLPIO  
AVG. LIB. PHAEDIMO DIVI TRAIANI AVGVSTI  
TRICLINIARCH. Seruus Tricliniarius in hac: SEX  
POMPEIO VOLESSIGO SEX POMPEI SER. TRI-  
CLINIAR. Praegustator in hac: TI. CLAVDIVS  
FLAMMA CLAVSVS TI. AVG. PRAEGVSTATOR.  
Hic à Graecis *αεγυδίστης* dicebatur, vt scribit Athe-  
naeus lib. IV. in quo docet Eleatros vocatos fuisse  
*αεγυδίστας*, id est Praegustatores; sic dictos, quòd vt à  
veneno reges securi tutiq. sint, de illorum cibis non  
nihil prius mandunt, & gustant. Praegustabant au-  
tem in mensa, quam Gustatorium appellat Martia-  
lis in Apophoretis. Suetonius autem scribit epulan-  
ti Claudio Imp. venenum datum per spadonè Prae-  
gusta-

gustatorem. Serui ab argento pоторio, item ad argentum pоторium, item a potione nominantur in his inscriptionibus: ANTHVS AD ARGENTVM POT. L. CAESARIS. &: VIBIAE SVCCESAE LIVIAE AVG. SER. AB ARGENTO POTORIO. &: PARTHENIVS CAESARIS N. AB ARGENTO POTORIO. &: TI. CLAVD AVG. LIB. GRATIO LIVIAE AVG. SER. A POTIONE. &: SEXTIVS PACCIVS SEX POMPEIA POTIONE. à Carullo dicitur;

*Minister vetuli puer falerni.* & ab Horatio Carm. lib. 1.

*Puer quis ex aula capillis*

*Ad cyathum statuetur vinctis?*

Qui alio nomine à Liuiò, & Plinio Pollicitator, ab Aufonio, Pincerna, Graecè οἰνοχόος appellatur. Dicebatur etiam Seruus à Laguna, vt in hac inscriptione: M. VLPIO AVG. LIB. PHAEDIMO DIVI TRAIANI AVG. A LAGVNA. Item seruus Corintharius, & à Corinthis in his: TI. LAIVS PARATVS A CORINTHIS. &: CAPTVS A CORINTHIS. &: CALLITYCHAE ZOILI CORINTHIAR. AGRIPP. Seruus ab auro escario nominatur in his: M. VLPIO ERIDANO AVG. LIB. AB AVRO ESCARIO. &: CAMVS AVG. LIB. PRAEP. AVRI ESCARI. Ministratores nominantur in his: IVLIA LOGAS AMARANTHI AVGVSTI MINISTRATORIS TVRRANIANI. &: ERASTVS CAESAR. MINIST. &: ANSIO CAESAR. MINISTRATOR. Seruus pistor in hac: FAVSTVS PISTOR TI. GERMANICI SER. Pistor autem indicatur vel Dulciarius, vel certe lactarius; alter a conficiendis dulcijs, siue mellitis, quae Graeci μελίπικτα dicunt; alter

ab ope-

ab opere lactario vocatus: nam scribit Lampridius de Elagabalo, eum alia die tantum de dulcijs, alia de opere lactario cenitasse. & Appuleius refert Pistori-rem dulciarium è conuiuio reportasse reliquias largissimas, panes, crustula, placentas, edulia mellita, operisq. pistorij. & lib. x. *At illorum, inquit, alter Pistor dulciarius, qui panes & mellita concinabat edulia.* ex Luciano, qui ait: *αἱ τοὺς πέλειν καὶ μελίπικτα κερναὶν ὀψώνιος.* Obsonator dicebatur ὁ τὰ ὄψα ἀνέμενος, ut est apud Athenaeum lib. xiv. & idem ὁ ψώνος vocabatur, & ἀρρογστὴς: de quo sic Martialis:

*Dic quotus es, quanti cupias cenare, nec vnum*

*Addideris verbum, cena parata tibi est.*

Coquos Romani priscis temporibus non habebant domi, sed conducebant ex Macello, ut ex Plauti Aulularia intelligimus, in qua est:

*Postquam obsonauit herus, & conduxit coquos,*

*Tibicinasq. haec apud forum.* — Itaq. ab eodem Plauto malus coquus, dicitur coquus nundinalis, quod non cotidie, sed nono tantum quoquo die ex Macello conducebatur, ut Festus notat. Plinius lib. xvi. i. i. cap. xi. *Nec coquos verò habebant in seruitijs, eosq. ex Macello conducebant.* Ancillae verò, ut ex Plauti Mercatore apparet, cotidie cibum familiae coquebant. Postea priuatos coquos domi habere coeperunt, ut indicat Martialis illo versu:

*Nam coquus domini debet habere gulam.*

Idem Plautus nominat in Pseudolo Forum coquinum hoc versu:

*Forum coquinum qui vocant, stultè vocant:*

*Nam non coquinum est, verum furinum est forum.*

Coquum Posidippus poeta apud Athenaeum lib.



IX. comparat Imperatori, cum inquit:

*Αγαθος στρατηγος διαφεινεν οδον δουρι.* & Plautus:

*Sis tu in legione bellator, si vis, at ego in culina Ares.*  
SERVI ATRIENSES multi nominantur in veteribus inscriptionibus. Videndum autem an inter eos numerentur qui in atrijs, vbi priscis temporibus cenabant, supellectilem seruabant conuiualem, quiq. in antiquis inscriptionibus SERVI A SVPELLECTILI. dicuntur. Veteres enim in atrijs, hoc est in culina, vel propè culinam cenitasse, apparet ex eo quod scribit Seruius, culinas fuisse in illa aedium parte, quae atrium dicebatur, vnde à fumi nigrore nomen factum esse atrio. Inde Cicero in Pisonem: *Cui idem erat coquus & seruus Atrienfis.* Ministros autem Tricliniares linteis succinctos ministrasse, ex loco Senecae supra citato intelligere possumus, & ex ijs, qui infra ponentur. Apud Senecam quidem erat sic: *Ad hoc praestò aderit ministrorum ornatissimorum turba linteis succincta &c.* Horatius:

———— *veluti succinctus cursitat hospes,*

*Continuatq. dapes, nec non vernaliter ipsis*

*Fungitur officijs* — & lib. I. Sat. VIII.

*Vidi ego met nigra succinctam vadere palla*

*Canidiam &c.* — & lib. II. Sat. vltima:

*His vbi sublatis, puer altè cinctus acernam*

*Gausape purpureo mensam perterisit* — Ovidius:

*Nominis esse potest succinctus causa minister.*

Appuleius lib. II. *Fotis linea tunica mundulè amicta, & russea fasciola praenitente altiusculè sub ipsas papillas succinctula, illud cibarium vasculum floridis manibus rotabat in circulum.* De vasis mensae vinariae & escariae vidèdus Varro lib. IV. de lingua latina. Nos aliqua

aliqua & illa insigniora ponemus, si prius de eorum usu apud veteres Romanos pauca dixerimus. Nam priscis illis temporibus vsi sunt vasis fictilibus, vt apparet ex ijs, quae scribit Plinius lib. xxxiii. cap. xi. de veterū frugalitate in suppellectili conuiuiali. Catū, inquit, Aeliū, cum legati Aetolorū in Consulatu prandentem in fictilib. adissent &c. & lib. xxxv. cap. xii. Maior quoq. pars hominū terrenis utitur vasis. Samia etiānum in esculentis laudantur. Retinet hāc nobilitatem & Aretium in Italia. Inde Martialis in Apophoreti:

*Aretina Nimis ne spernas vasa monemus:*

*Lautus erat Tuscis Porsena fictilibus.*

Illud autem, Nimis, apud Martialem, pro artificis nomine, qui egregia vasa faceret, positum esse facile nō ihi persuadet vas fictile repertum Aretij cum inscriptione NIMIS: vt coniici possit nomen id fuisse artificis. Appellari enim vasa solita esse ab artificibus, ostendunt Thericlea, & quod ait Iuuenalis:

———— *auctoris nomen habentem.*

Deinde ex aere fieri coepisse apparet ex ijs, quae scribit Tertullianus in libro de habitu mulieris: *Inter alia, inquit, & anuli ferro fiunt: Quaedam esui & potui vascula ex aere adhuc seruat memoria antiquitatis.* Postremō crescente luxu argentea & aurea fieri coeperunt. Plinius lib. xxxiii. cap. xi. *Vasa coquinaria ex argento (alius orator fieri quaeritur. & cap. xii. Fabricius qui bellicosos Imperatores plus quā pateram & salinum ex argento habere vetabat.* Vopilcus in Tacito scribit eum dedicasse argentum mensale, quod priuatus habuerat, conuiuorum ministerijs, quae fierent in templis Deorum. Haec moris fuit, vt ab eo qui cenam daret, in abacis de quibus diximus su-

pra, ad exornandum triclinium exponerentur. Cicero in Verrem: lib. iv. *Ludis Circensibus manè apud L. Sisennam virum primum, cum essent triclinia strata, argentumq. expositum in abacis &c. & paulo post: ab hoc abici vasa omnia, ut fuerant exposita, abstulit.* Idem Cicero eodem libro, de conuiuio à Verre exhibitio Antiocho regi: *Deinde ipsum regem ad cenam vocauit. exornat amplè, magnificeq. triclinium: exponit ea, quibus abundabat plurima ac pulcherrima vasa argentea: naq. haec aurea non dum fecerat. Omnibus, curat, rebus instructum et paratum, ut sit conuiuium: quid multa? rex ita discessit, ut & istum copiosè ornatum, & se honorificè acceptum arbitraretur.* Vocat ad cenam deinde ipse Praetorem, exponit suas copias omnes, multum argentum, non pauca etiam pocula ex auro, quae ut mos est regius, & maxime in Syria gemmis erant distincta clarissimis. Erat etiam vas vinarium ex vna gemma praegrandi, trulla excavata cum manubrio aureo. In veteribus autem marmoribus inter alia vasa escaria habetur patina, qua utebantur & ferculi vice, & ad coquendum pulmentarium. Plinius lib. xxiii. *Decoquitur, inquit, in patinis cum sale & adipe.* &c. Horatius lib. ii. Serm.

*Affertur squillas inter muraena natantes*

*In patina porrecta.* &c. Plinius lib. & cap. supra citato: *Atq. ut in luxu quoq. aliqua auctoritas contingat siglinis tripatinum, inquit Fenestella, appellabatur summa cenarum lauticia. Vna erat muraenarum: altera luporum: tertia myxeos piscis, inclinatis iam scilicet moribus, ut tamen eos praeferre Graeciae etiam philosophis possimus. siquidem in Aristotelis haeredum autione lxx. patinas venise traditur. Nam nos cum vna*

*Aesopi*



*Aesopi tragoediarum histrionis in natura auium dicere-  
mus sesterijs sexcentum stetisse, non dubito indigna os  
legentes. At Hercules Vitellius in principatu suo CC.  
sestertijs condidit patinam, cui faciendae fornax in cam-  
pis exaedificata erat: quoniam eo peruenit luxuria, vt  
etiam fictilia pluris consent, quàm murrhina &c. Acci  
patinam nominat Tertullianus in libro aduersus Va-  
len- in anos, cum inquit: Et omnia iam, vt ex omnium  
defloratione constructum, gracculum Aesopi, Pandorā  
Hesiodi, Acci patinam, Nestoris cocetum, miscellaneā  
Ptolemaei. Quàm proprius fuit de Atticis historijs Pan-  
carpiam vocari à tam otiosis auctoribus non inum?  
Videtur autem apud Tertullianum, vox cocetum,  
posita pro κυκεῶνα siue cyceonem, vt vsurpauit Ar-  
nobius, ac significare potionē illam Nestoris, quae  
celebratur ab Homero in Iliadis lib. II. his versibus:*

Ἀλλος μὲν μογέων Σποκινήσασκε τραπέζης

Πλῆθον ἔδν, Νέστορ δ' ὅ γέ ρων ἀμογήν τι αἶρεν.

Εν τῷ ρά σφι κύκιστε γυνὴ εἰκῆα θεῶσιν,

Οἶνω περ μείψ, ὅττι δ' αἶγιον κῆρ τερδν

Κρίσι χαλκείν, ὅττι δ' ἀλφειτὰ λελυγὰ πέλωε.

Πινέμεναι δ' ἐκέλευσεν ἐπὶ ρ' ὅππῃσι κυκεῶν.

Habetur & patella, parua scilicet patina, in qua ole-  
ra poni consueuerant. Horatius lib. I. epist. ad Tor-  
quatum.

*Si potes archaïcis conuiuia recumbere lectis,*

*Nec modica cenare times olus omne patella.*

Martialis lib. V.

*Ponetur digitis tenendus vnctis*

*Nigra coliculus virens patella. Iuuenalis Sat. V.*

*Ponitur exigua feralis cena patella.*

Varro Eumenidibus: Patella esurienti posita prouo-

*cat Neapolitanus piscinas.* Iulius Pollux lib. vi. τὰς δὲ  
καλεῖν πατέλλας, λεκανίδας ὀνομαστέον. Erant & lances  
vasa escaria, à Graecis πίνakes dictae. Athenaeus lib.  
iv. Καὶ γὰρ τοὶ πίνakes ἐφ' ὧν τὰς ὑφ' αὐτῶν περὶ τῶν  
ἐχθρῶν. Trebellius Pollio in Tito tyranno: *Calpurnia*  
*Titi vxor de genere Censorinorum, id est, Pisonum, vnio-*  
*nes Cleopatranas habuisse perhibetur: item Lancem cen-*  
*tum librarum argenti, cuius pleriq. poetae meminerūt ;*  
*in qua maiorum eius expressa ostenderetur historia.*  
Habetur & paropsis, vas scilicet escarium, cuius me-  
minit Iuuenalis illo versu :

*Quam multa magnaq. paropside cenat.*

Martialis lib. xi.

*Cui portat gaudens ancilla paropside rubra*

*Alecem, sed quam protinus illa voret.*

Suetonius in Galba cap. xii. Et ordinario quidē dispen-  
satori breuiariū rationū offerenti, paropsidem leguminis  
pro sedulitate ac diligētia porrexisset. Alexis in Hefione:

Ὅς εἶδε τὴν τράπεζαν ἀνδρώποισι δῶ

Φέροντας ἔσση, ποικίλων παροψίδων

Κότμος βρύσηται. Non solum autem pro escario va-  
se, sed pro vili etiam obsonio πάροψις à Graecis vsur-  
patur. Pollux: τὰς μὲν παροψίδας, inquit, ἡμῶν πλείων χρεῖς  
ἐλέγχει τοῦ νομα ὅτι μάζης, ἢ ζωμῶς πινός, ἢ ὅτι ἐξ ἑσπιατοῦς δι-  
τελής, ἢ μὴ ἀλλὰ καὶ τὸ ἀγρεῖον λεκτέον. Deinde affert  
Antiphanis versum ex Boeotia:

Καλέουσα παρὰ τὴν θύραν ἐν παροψίδι βοηβοῖ.

Habetur & catinus, in quo apponitur piscis ferali-  
bus aliquot in antiquo marmore cenis, iuxta illud  
Horatij. Serm. lib. ii.

*Angustoq. vagos pisces urgere catino.*

Erat autem vas fictile, de quo Iuuenalis. Satyr. vi.

*Sim-*

*Simpulum videre Numae, nigrumq. catinum:*

Eo utebantur pauperiores, Horatius Serm. lib. I.

—— *inde domum me*

*Ad porri, & ciceris refero, laganiq. catinum.*

Sed non tantum ad pisce, sed ad pullos etiam, & alia obsonia utebantur catino. Horatius Serm. lib. I.

*Aut positum ante mea quia pullum in parte catini*

*Sustulit esuriens, minus hoc iucundus amicus*

*Sit mihi &c.* Sed omnia vasa escaria hic persequi consilium non est. Nominanda sunt igitur aliqua ex vinarijs, & ea praecipue, quae in antiquis marmoribus reperiuntur, de quibus tunc dicemus, cum de usu poculorum apud priscos Romanos pauca praefata i fuerimus. Constat enim ex veteribus Scrip-  
toribus Romanos primum ligneis poculis usos esse, deinde fictilibus & vitreis, postremo aereis, aureis, & argenteis, & ex ipsis etiam gemmis, & lapidibus pretiosis. De ligneis meminerunt hi. Virgilius in *Bucolicis*:

—— *pocula ponam*

*Fagina, caelatum diuini opus Alcimedontis.*

Ovidius lib. II. *Fastor.*

*Terra rubens crater, pocula fagus erat.*

Homerus etiam *odyss.* lib. IX. ligneum ex hedera poculum agnouit, cum inquit:

Κεκύβιον μέγα χερσὶν ἔχων μέλαρος οἶνον.

De fictilibus poculis facit mentionem Tibullus lib. II. *eleg. I.*

*Fictilia antiquus primum sibi fecit agrestis*

*Pocula, de facili composuitq. luto.*

Itaq. è Sagunto Hispaniae ciuitate, vt inquit Plinius lib. XXXIII. cap. XI. aduecta fictilia maximè in usu



fuerunt. Martialis:

*Sume Saguntino pocula facta luto.*

Vitrea pocula quādo primū in vſu eſſe coeperint, oſtendit Plinius lib. xxxvi. cap. xxvi. *Ferunt Tiberio principe, excogitato vitri temperamento, vt flexibile eſſet; totam officinam & artifices eius abolitam: ne aeris, argenti, auri metallis pretia detraberentur. Ea q̃ fama crebrior diu, quā certior fuit. Sed quid refert? Neronis principatu reperta vitri arte, quae modicos calices duos, quos appellabant pterotos, ſeſtertijs vi. millibus venderet. Ita totus hic locus legitur in libro manuſcripto. Tacitus lib. xv. facit mentionem Vatini cuiuſdam ſutoris, qui vitreum calicem habebat protenſis quattuor roſtris inſtar naſorum. de quo ita Iuuenalis Sat. v.*

*Tu Beneuentani ſutoris nomen habentem*

*Siccabis calicem naſorum quattuor.*

& Martialis in diſticho:

*Vilia ſutoris calices monumenta Vatini*

*Accipe, ſed naſus longior ille fuit.*

Capitolinus ſcribit Gallienum Imp. aſpernatum vitrea pocula, aureis ſemper bibiſſe. Haec fracta permutabuntur ſulphure. Iuuenalis:

— nec iam

*Quaſſatum, & rupto poſcentem ſulphura vitro*

Martialis: — *qui pallentia ſulphura fractis*

*Permutat vitreis* —

Statius Sil. lib. ii.

— *quiq̃. comminutis*

*Permutat vitreis gregale ſulphur.*

De aereis, conſtat ex loco Tertulliani ſuprà citato.

De aureis autem & argenteis videndus Plinius lib.

xxxiii. cap. xi. & xii. qui eodem libro cap. i. pocula ponit ex auro distincta gemmis pretiosis, vel gemmea tota. *Nec hoc satis*, inquit, *turba gemmarum potamus, & smaragdis teximus calices*. Inde Virgilius in Georgicis:

*Vt gēma bibat, & Serrano dormiat ostro. Martialis:*  
*Gemmatum Scythicis vt luceat ignibus aurum.*

Poculum argenteum ponit Iuuenalis Sat. i. in quo caper sculptus esset, quod id animal vitibus infensum Baccho sacrificaretur, iuxta Ovidianum illud ex lib. i. Fast.

*Rode caper vitem, tamen hic cum stabis ad aram,*  
*In tua quod fundi cornua possit erit.*

Ex Graeco, vt videtur, Epigrammate lib. i.

Κλῶ με φάγῃς ὅππῃ πίζαν, ὅμως ἐπὶ κερποφορίῃσιν

Ὅσον ὅππῃ πείσῃσιν σοι τῆς ἀγῆς θυομένης. Iuuenalis:

*Argentum vetus & stantem extra pocula caprum.*

Pocula Chrysendeta, quae erant aureis crustis, siue emblematis incrustata, ponuntur à Martiale lib. vi. his versibus:

*Ponuntur semper Chrysedenta Casperiano*  
*Sine foris, seu cum cenat ipse domi.*

Pocula Crystallina & Murrhina, saepius nominantur à Scriptoribus. Iuuenalis. Sat. vi

*Grandia ponuntur Crystallina, maxima rursus*  
*Murrhina &c. & Martialis lib. iii.*

*Opimiarum morionibus nectar*  
*Crystallinis murrhinisq. propinat.*

Capitolinus in M. Aurelio: *Vendidit aurea pocula, & crystallina, & murrhina.* In antiquis autē marmoribus habetur in primis patera, quam Graeci φιάλη dicunt, siue φιάλιον, vt est apud Athenaeum lib. vi. in quo

quo scribit, Durim Samium memoriae prodidisse, Philippum Alexandri magni Macedonis patrem, cū phialam auream haberet, semper illam sub puluino repositam. sic enim inquit: Διὸ καὶ Φίλιππον τὴν μεγάλην βασιλέως Αλεξάνδρου πατέρα φησὶ Δῦρις ὁ Σάμιος, φιάλῃον χρυσοῦ κακτημένον, αἰ τὸ τοῦ ἔχειν καίμενον ὑπὸ τὸ πρὸς κεφαλῇ αὐτοῦ. Plinius lib. xxxiii. cap. i i i. *Summae apud exteros, inquit, licentiae fuerat, poculo aureo puluino (siue, puluinis, vt in V.C.) subdito, Philippum regem dormire solitū.* Trebellius Pollio in *Quieto* meminit paterae Cornelij Macri, his verbis: *Vidimus proximē Cornelium Macrum in eadem familia virum, cum cenā in templo Herculis daret, pateram electrinā, quae in medio vultum Alexādri haberet, & in circuitu omnem eius historiam contineret, signis brevibus et minutulis, Pontifici propinare, quam quidem circūferri ad omnes tanti illius viri cupidissimos iussit. Quod idcirco posui, quia dicuntur inuari in omni actu suo, qui Alexandrum expressum, vel auro gestitant, vel argento.* Habetur & cantharus, quod poculi genus reperitur non tantū in antiquis marmoribus, sed in veterib. etiā numismatibus, praesertim Graecis. Erat autē poculum ansatum, quo post victoriam Iugurthinā, Cimbricam, & Teutonicam vsus semper fuisse C. Marius scribit Plinius lib. xxxi i i. cap. xi. & Valerius Maximus lib. iii. De eo meminit Athenaeus lib. xi. adducto Eubuli versu; in quo quaeritur conuiua cantharum diu vacuum exsiccati. sic enim inquit:

Ο δὲ κἀνδαρος πάλαι δὴ κεῖνός ὦν ἐνεγίνετο.

Reperitur & lagena, cuius meminit Martialis in *Panaretū*, & quae ē fici radicū filis fiebat, vt scribit Plinius lib. xvi. cap. xxxi. In antiqua verò inscriptione dici-



dicitur **LAGUNA**, ex Graeco, ut videtur, vocabulo ducta, ut conijci potest ex Athenaei lib. VII. in quo meminit Lagynophoriae, quod erat festum quoddam, in quo cenaturi discumbabant in toris è gramine stratis, ac reclinati è laguna quisq. sua, quam domo attulisset, bibebant. Athenaei verba sunt haec: *λαγυνοφορία ἐορτή, ἐν ἣ οἱ συμπόται τὰ κομιδέντα ἀντοῖς δέουσιν ἁγ. ταχιδέντες ὅππῃ ἔβαν, ἐξ ἰδίας ἐκείνων λαγύναι παρ' αὐτοῖς φέροντες πίνουσιν*, & lib. XI. idē Athenaeus copiosè differit de laguna, varijs Scriptorum testimonijs de ea prolatis. Huiusmodi vasa, & alia itidem escaria & vinaria in antiquis marmorib. reperiuntur, & quidem summo artificio elaborata. In quibus animaduertimus expressum etiam cochleare, quale superioribus annis extabat argenteū manu non indocti artificis, apud Angelum Colotium Episcopū Nucerinum. Eo autem utebantur ad liquida sorbenda, cum alios cibos sumerent, iuxta illud Homericum

*Οἱ δ' ἐπ' οἷα δ' ἐτόμα περικείμενα χεῖρας ἔαλλον:*

& Ovidianum illud:

*Carpe cibos digitis, est quidam gestus edendi:*

*Ora nec immunda tota perunge manu.*

Antequàm verò susceptam de Triclinio scriptionē finiamus, proferam locū quendam Dionis de Commodo Imp. ex quo intelligi aliquo modo potest in usu fuisse apud antiquos ut in fine cenae, vel prandij *ζήσας* dicerent pro eo quod nos in consuetudine habemus dicere, **P R O S I T**. Locus Dionis sic habet: *καὶ ἔπειτα ἐν μέσῃ τῇ ἀγωνίᾳ καμὼν, κούλικι ῥοπαλῶ τῇ ᾧ τῆς γυναικὸς γλυκὺ οἶνον ἐφυγμένον, ἀμυσί, ἐφ' ᾧ ὁ δῆμος καὶ ἡμῖς ᾠδὰς χῆμα πάντες τὸ το δὴ τὸ ἐν τοῖς συμποσίοις εἰωθεῖς λέγειν, ἐξέκοήσαμεν, ζήσας. Ad quem morem Appule-*

ius fortasse respexit, cum scribit lib. x. de Asino: *Grandissimum illum calicem vno haustu perhausi: & clamor exurgit consona voce, cunctorum salut. me prosequen-  
tium &c.* nam verbum *salute*, videtur ad illud *desideras* omnino spectare. Videndum autem num ad conui-  
uas item referri possit id, quod suboscure innuit Iu-  
lius Pollox lib. vi. cap. xiv. & apertius scribit Athe-  
naeus lib. ix. allata scilicet post cenam medulla pa-  
nis, quam nagdaliā, siue apomagdaliā vocabant,  
solitos conuiuas manus abstergere, quam postea  
canibus darent. Quamuis non solum magdalia, sed  
smegmate etiam vsos ad abstergendas manus fuisse,  
quod massa erat quaedam ex varijs odoramentis  
confecta, indicat idem Athenaeus eodem libro, ad-  
ducto Antiphanis testimonio ex Coryco, in quo po-  
stulat conuiuā dari sibi aquam lauandis manibus, &  
smegma. sic enim ait:

Ἀποτίναδαι δέ το τίς αὖτ' ὕδαρ, καὶ σμῆγμα.

Illud etiam non est hic praetermittendum, in anti-  
quorum marmorum cenis adesse conuiuantes ser-  
uos musicarios, qui tum citharis & fidibus, tum ti-  
bijs dextris & sinistris conuiuas oblectent. Qui sinè  
mos iam inde ab Heroicis vsq. temporibus, quibus  
adhībēbāt in conuiujs non tantū cantores & citha-  
roedos, verū etiam psaltrias & sambucistrias, du-  
ctus videri potest, vt ostendit Homerus, apud quem  
in Phaeacum conuiuio canit Demodocus, in Ithacē-  
sium Phemius: quem morem notat Athenaeus lib. i.  
cum inquit: ἔχοντο δὲ ἐν τοῖς συμποσίοις καὶ κithαρῶδες καὶ  
ὄρχησες, ὡς οἱ μὲν ἦσαν. καὶ τὰ μὲν αὖτ' ἐμέλει το δέ τοις ἀοι-  
δοῖς. Et ipso interdum conuiuas solitos fuisse ad tibi-  
cinem canere, auctor est Cicero in libro de claris

orato-

oratoribus, & in Tusculana I. & IV. ex qua, verba sunt haec. *Est in Originibus solitos esse in epulis canere conuiuas ad tibicinem de clarorum virorum virtutibus.* & in lib. III. de Oratore sic est: *Vt epularum solennium si des ac tibiae, Saliorumq. versus indicant.* Virgilius lib. I. Aeneid.

— *cithara crinius Iopas*

*Personat aurata &c.* Horatius lib. I II. od. II.

*Tuq. testudo &c.* — *nunc &*

*Diuitum mensis, & amica templis.*

Quin & talorum etiam lulu conuiuas inter cenam oblectatos fuisse, ostendit Suetonius in Augusto, adducta eius ad Tiberiū epistola, ex qua sunt haec: *Cenau mi Tiberi cum ijsdem. Acceperunt Vinicius & Silius pater. Inter cenam lusimus repetimus, & heri & hodie.* Item: *Nos mi Tiberi Quinquatrijs satis incundè egimus. Lusimus enim per omnes dies, forumq. aleatorium calcēimus.* Item ad filiam: *Misi tibi denarios CCL. quos singulis conuiuiis dederam, si vellent inter se inter cenam, vel talis, vel par impar ludere.* Propertius lib. II. eleg. XXXIII.

*Lenta bibis, mediae nequeunt se frangere noctes:*

*At nondum est talos mittere lassā manus.*

Catullus ad Licinum:

— *uterq. nostrum*

*Ludebat numero modò hoc, modò illoc,*

*Reddens mutua per iocum atq. vinum.*

Ad hunc etiam morem respexit Plautus in Captiuis, cum inquit:

— *nam in conuiuiō*

*Amator talos cum iacit, scortum inuocat.*

Quod autem dixit Suetonius loco supra citato, vel  
par



*par impar ludere*, conuenit cum illo Horatiano:

*Ludere par impar equitare in arundine longa.*

Forum item aleatorium quod nominauit, id nō modò in marmoribus, sed in antiqua etiam gemma expressum vidimus. Cenae autē finis cum esset apud veteres Romanos ante solis occasum, vel sub ipsum certē occasum solis, iuxta illud Homeri Odyss. III.

Ἡδὴ γὰρ πάρος οἱ χεῖρ' ὑπὸ ζέφωρ, ἐδέξ' ἔοικε

Διὶ δὲ θεῶν ἐοικὸς δαίτην δαίμεν, ἀλλὰ νέεσθαι.

& vt de Domitiano inquit Suetonius, *Conuiuabatur frequenter ac largē, sed paenē raptim, certē non ultra solis occasum*, postea in multam noctem cenae produci coeperūt, vt de Nerone scribit idem Suetonius, quem suas epulas à medio die ad mediam noctem protraxisse scribit, dicente Iuuenale Sat. II.

— *noctesq. Neronis.* & Horatio lib. II. Sat. VI.

*O noctes, cenaeq. deum, quibus ipse, meiq.,*

*Ante Larem proprium vescor.* Item Persio Sat. V.

*Et tecum primas epulis decerpere noctes.*

Vnde in marmoribus icalptae sunt etiam lucernae, quas vocant tricliniaries, quarum maximus fuit vsus tunc, cum noctu conuiuia agebantur. Lucretius:

*Si non aurea sunt iuuenum simulacra par aedes*

*Lampadas igniferas manibus retinentia dextris,*

*Lumina nocturnis epulis vt suppediētur.* Virgilius:

— *pendent lychni laquearibus aureis*

*Incensi, & noctem flammis funalia vincunt.*

Graeci λυχνῆες appellant. Horatius lib. III. ode. VIII.

— *& vigiles lucernas*

*Perfer in lucem &c.* —

Alius autem fuit lucernarum & lampadum vsus, quibus noctu conuiuiae domum deducebantur: ex qua consuetudine

Athe-

Athenaeus in cena Cleopatrae scribit Aethiopicos seruos, qui conuiuis domum redeuntibus prae-lucent, ab ea datos esse: sic enim inquit: *πᾶσι δὲ λαμπρὰν ποφύρεν πῦδος Αἰθίοπων παρέσθον.* & de Duilio ita refert Cicero in Catone. *C. Duilium M. Filium, qui Poenos primus classe deuicerat, redeuntem à cena senem saepe videbam puer: delectabatur crebro funali, & tibicine, quae sibi nullo exemplo priuatus sumpserat: tantum licentiae dabat gloria.* Deduci autem cōuiuas domum post cenam solitos fuisse notum est pluribus Scriptorum testimonijs: nam & Capitolinus in Vero donata dicit conuiuis ab eo fuisse vehicula cum mulabus & mulionibus cum iuncturis argenteis, vt ita de conuiuio redirent. Donata autem ait ea vehicula cum alijs apophoretis, quae finito conuiuio dabantur conuiuis, iuxta illud Martialis:

*Praemia conuiuae det sua quisque suo.*

Ex qua consuetudine, vt omittamus apophoreta supra relata in cena Cleopatrae, scribit Capitolinus donatos à L. Vero post cenam conuiuis suis pueros decoros, qui ministrauerāt singulis: donatos etiam Structores, & lances singulis quibusque, donata & vīna animalia, vel cicurum, vel ferarum, auium, vel quadrupedū, quorum cibi appositi erant: donatos etiam calices singulis per singulas portiones murrhinos & crystallinos Alexandrinos, ac quoties bibitum est: data etiam aurea atq. argentea pocula, & gemmata &c. data & vasa aurea cum vnguentis ad speciem alabastrorum: data & vehicula &c. & Lampridius ex eadem consuetudine ait Elagabalum donasse conuiuis argentum omne, quod habuit in conuiuio, & omnem apparatus poculorum, idq. saepius. Aliàs item dedisse pro apophoretis Eunuchos.

& Suc-

& Suetonius in Caligula cap. LV. dicit. eum *agitori Eutycho comeffatione quadam in apophoretis vices sefertium contulisse. Itemq. Incitati equo &c.* sic enim legendum, non, *Incitato*, ut nomen aurigae sit, non equi: nec enim illa dona significat data esse aurigae, quod non ita fuisset mirum, homini scilicet, qui illis uti posset; sed equo, cui dare domum, supellectilem, ac demum conlulatum, quibus uti non posset, planè ridiculum fuit. De reliquijs autem cenae, quas innuit Homeus illo versu odyss. xvi.

— αἱ δὲ τῇ πεντέρῃ ἡμέρῃ ἐδόντες,

scribit Plutarchus Probl. lib. II. Quæst. IV. Romanos feruis & ministris eas dare solitos fuisse, his verbis: ἡ δὲ πεντὴς οἰκίτης φελαῦδραπον τὸ ἔδος; & γὰρ ἔτι λαμβάνοντες αὐτὸς μεταλαμβάνοντες ἀγαπῶσι, κοινωνεῖν ἔσπον πινὰ τραπέζης ἡρώμενοι τοῖς δεσπότης. Seneca lib. II. epist. ad Marcellinum xv. II. *Quemadmodum*, inquit, *cena peracta reliquiae circumstantibus diuiduntur*. Suetonius in Galba: *Inter cenam verò usque adeo abundantem, ut congestas super manus reliquias circumferri iuberet, spargiq. ad pedes stantibus*. Has innuit Plautius in Persa, cum inquit:

*Nunc huc introibo, visam hesternas reliquias.*  
& in Curculione:

*Et quidem reliqui in ventre cellae locum,*  
*Vbi reliquiarum reliquias conderem.*

Quae verò, Analesta dicit Martialis, puto designari cenae quicquillas quasdam, quae scopis, dum per Mediastinos mundabatur triclinium, colligebantur. Sic enim inquit lib. VII.

*Colligere longa turpe nunc pudet dextera*  
*Analesta, & quicquid canes reliquerunt, Item:*  
*Otia sed scopis nunc analesta dabunt.* FINIS.



# NOMINA SCRIPTORVM

qui à Petro Ciacconio , &  
Fuluio Vrsinocitantur.

## A

Aeschylus,  
Afranius,  
S. Ambrosius,  
Appuleius,  
Athenaeus,  
Aesopus,  
Agretius,  
Ammianus,  
S. Augustinus,  
Aristoteles,  
Aufonius.

## B

Budzeus.

## C

Callimachus.  
Cato.  
Catullus.  
Cicero.  
Cor. Tacitus.  
Cor. Celsus.  
Clemens Alexandrinus.  
Cassiodorus.  
Capitolinus.  
Columella.  
Claudianus.

## D

Dio Cassius.  
Dioscorides.  
Digesta seu Pandectæ.  
Dionysius Halicarnassæus.

## E

Euangelia.  
Eustathius.

## F

Festus.  
Flanius Vopiscus.  
Fulgentius.

## G

Galenus.  
Gellius siue Agellius:

## H

S. Hieronymus.  
Hesychius.  
Horatius.  
Homerus.  
Hippocrates.  
Hesiodus.

## N

Isido-

Isidorus.  
Interpres Aristophanis.  
Iulius Pollux.  
Iuuenalis.

L

Lampridius.  
Linus.  
Lucilius.  
Lucianus.  
Lucanus.  
Lucretius.

M

Macrobius.  
Martialis.  
Marcellus.

N

Nigidius.  
Nonius.

O

Ovidius.

P

Petronius Arbitr.  
Philo Iudæus.  
Plutarchus.  
Plinius Iunior.  
Plinius.  
Plautus.

Perfius.  
Porphyrio.  
Procopius.  
Pomponius.  
Plato.  
Propertius.

S

Seneca.  
Seruius.  
Strabo.  
Stattus.  
Sex. Pompeius.  
Sidonius.  
Spartianus.  
Suetonius.

T

Terentius.  
Tertullianus.  
Theophrastus.  
Trebellius Pollio.  
Tibullus.  
Theocritus.

V

Varro.  
Vitruuius.  
Val. Maximus.  
Virgilius.  
Velius Longus.  
Velleius.

X

Xenophon.  
Xiphylinus.

NO.

# NOMINA SCRIPTORVM

*qui emendantur, vel explicantur.*

- A**  
 Ambrosij locus illustratus. 48  
 Appuleius emendatus 75. 119. & 151. & explicatus 188  
 Agellius emendatus. 99  
 Athenæus emendatus. 107
- B**  
 Budæi error notatus. 12
- C**  
 Capitolinus emendatus. 64. & 117  
 Cicero emendatus. 20. & 78  
 Eiusdem locus apud Macro-  
 bium explicatus. 35  
 Cornelius Celsus emendatus. 72
- D**  
 Dio Cassius emendatus. 127
- I**  
 Isidori de prandio error. 82
- L**  
 Lampridius emendatus. 71. 108. 110. 117  
 Lucæ Evangelistæ locus expli-  
 catus. 47. 48
- M**  
 Marci & Lucæ loci explicati. 86  
 Martialis explicatus. 37. 66. 179.  
 Matthæus Evangelista explica-  
 tus. 47  
 Marcus Evangelista explicatus 96
- Macrobius emendatus. 93. & 137.**
- P**  
 Plinius emendatus & explica-  
 tus. 12. 18. bis 19. 76. 94. 96. 100. 103. 146. 147. 148. 149. 161.  
 Plautus emendatus. 21. 128  
 Plutarchus explicatus. 25
- S**  
 Sacre Scripturæ loci quidam  
 explicati. 45. & 46  
 Seruius emendatus & explica-  
 tus. 26  
 Seruij error de triclinijs. 102. 106  
 Suetonius emendatus. 33. 192  
 Sidonius emendatus. 112. 130
- T**  
 Tertullianus emendatus. 91  
 explicatus. 181  
 Trebellius Pollio emendatus. 107. Salonini vitam scri-  
 psit, quæ Capitolino adscri-  
 bitur. 121
- Tibulli locus emendatus. 137. & 138**
- V**  
 Varro emendatus. 14. 77. 151. 172. explicatus. 29  
 Virgilius explicatus. 9. 14. 126  
 Vitruuius emendatus. 105



# INDEX RERVM ET VERBORVM.

## A



- Pedibus stare, & ad pedes, quid. pag. 37. & iiz. Abaci conuiuiorum 16. & 152.  
 Asbestinum linum. 155  
 A summo ad infimum bibere. 167. 168.  
 Ad cyathum & vinum stare, quid. 37  
 Acroamata inter cenandum. 39  
 Ablutio Romanorū ante cenam. 21  
 Aesopi histrionis patina. 30. eius filij luxus. 31  
 Aetatem ferre quid. 35  
 Apicij luxuria. 31. eius cenae. 96  
 Africanus quantum argenti Carthagine Romam aduexerit. 17  
 Apophoreta quid. 41. & 191.  
 Architriclinus rex vini, seu magister potandi. 49  
 Argentum & aurum pro uasis aureis & argenteis. 17  
 Alistae serui & uictores. 68  
 Ampulla in balneo quid. 74  
 Antiochi factum. 69.  
 Apoxyomeni signum celebre 76  
 Adijcialis cena vnde dicta. 88  
 Apodyterium quid. 78  
 Anacinteria quae. 111. & 112  
 Analesta quae. 192  
 Albati cenabant Romani festis diebus. 121  
 Accumbendi modus apud veteres. 128  
 Alabastrus vnguentis seruandis. 137.  
 Antistigma quid. 130  
 Apponere & auferre mensam quid. 139. & 141  
 Auroclauatae vestes & mantilia. 155  
 Atrium vnde dictum. 178  
 Aqua niue refrigerata ad potandum antiquis in usu. 170  
 Aqua calefacta. Ibidem  
 Antiquus mos in fine conuiuij. 187

## B

- Balneum vnde dictum. 63  
 Balnea & balneae vt differant. 64  
 Balneum quis primus domus suae fecerit. 65  
 Balaeorum cellae tres. 71  
 Bal-

**Balnea virorum & mulierum**  
 quis separauerit. 77  
**Balnea mulierum argento strata.** Ibid.  
**Balnea vsque ad quae tempora**  
 perdurauerint. 78  
**Balnearij fures.** 79  
**Balneatores qui, & quid exi-**  
 gerent. Ibid.  
**Biclinium.** 105. 123  
**Bibere ad numerum littera-**  
 rum nominis amicae. 166  
**Bibere pro salute Imperato-**  
 ris. 167

# C

**Caesaris cena notabilis.** 41  
**Eius epulum publicum.** 107  
**Caij Caligulae cena vna quā-**  
 ti confiterit. 33  
**Caligula ex auro panes conui-**  
 uis apposuit. 41  
**Cantharus.** 186  
**Catinus.** 182  
**Capis & capula quid.** 151  
**Caput cenae quod.** 158  
**Calix vnde dictus.** 170  
**Cartibulum quid.** 151  
**Castrare vina quid.** 36  
**Capfarij in balneis qui.** 78.  
**Cena vnde dicta.** 84. & 85  
**Cena apud veteres prandium**  
 dicta. Ibidem  
**Cenae hora.** Ibid.  
**Cena recta quae.** 87  
**Cenae adijciales quae.** 88.  
**Cereales cenae & Capitolinae**  
 & Populares. 89

**Cenae finis.** 190  
**Cenae pater quis.** 173  
**Cenae Saliarēs, & vnde dictae**  
 88. 89  
**Cenae Augurales, Triumphales,**  
 & Pontificales. 89. &  
 40  
**Cenae Dominicae descriptio,**  
 & de ea coniectura. 45  
**Cena pura quae.** 95  
**Cena sine sanguine.** Ibid.  
**Cena dubia & ebria.** 96  
**Cenae super platano.** 103  
**Cleopatrae cena.** 91  
**Cenaculum & cenatio vnde.** 1  
**Cenationibus nomina deorum**  
 imposita. 110  
**Cenationum laquearia versati-**  
 lia. Ibid. & pagina 1.  
**CHRISTVS quo loco in**  
 vltima cena accubuerit. 48  
**Christus calciamenta gesta-**  
 uit. 47  
**Circumpedes pro seruorum**  
 obsequijs. 113  
**Citharoedi in conuiuijs & ser-**  
 uimusicarij. 188  
**Cochleare antiquum.** 187.  
**Chrysendeta pocula quae.** 185  
**Conuiuiae nobiliores vt hono-**  
 rabantur. 144.  
**Colum quid.** 170  
**Coquos prisci domi non habe-**  
 bant. 171  
**Conuiuiae post cenam domū**  
 lucernis deducebantur. 190  
 & 191  
**Comestatio, & vnde dicta.** 101  
**Commodi Imp. crudele faci-**

nus. 71  
 Conuiuiae mappas afferebant.  
 16. & 154.  
 Corollaria data à conuiuij do-  
 minis. 40  
 Cleopatrae luxus. 31  
 Coronae ex floribus in conui-  
 uijs. 23. 134. eas collo &  
 brachijs aptabant conui-  
 uae. 23. 135  
 Coronae ad prohibendam  
 ebrietatem. 134  
 Coronae ex ramentis argen-  
 ti. 135  
 Coronae poculis impositae.  
 136  
 Cubiculum. 1  
 Conuiuator quis. 173  
 Culcitae, prius tori dictae, &  
 vnde. 9. & 114  
 Culcitae, puluini seu puluina-  
 ria dictae. 9. quibus pelli-  
 bus sternerentur. Ibid.  
 Culcitae vnde dictae. 11  
 Cullibae mensae quae. 14. &  
 148  
 Coniectura de Senecae loco.  
 13  
 Cyathus quid. 37  
 Crassi epulum publicum. 107  
 Cylibantum quid. 151  
 Culina apud antiquos vbi.  
 178

## D

D. pro. X notae. 13  
 Discipuli domini loti, vincti, &  
 cum veste cenatoria cenae

victimae accubuerunt. 46  
 Calciati incedebant. 47  
 Diei diuifio. 61  
 Dapalis cena quae, & vnde di-  
 cta. 88  
 Daphilis & dapaticè. Ibid.  
 Dominia pro conuiuijs. 99  
 Dominus conuiuij quis. 26  
 Dictator conuiuij. 173  
 Domini nostri Seruatoris ce-  
 na, & super ea loci sacrae  
 Scripturae explicati. 45. &  
 46  
 Drusillanus Claudij Imp. ser-  
 uus lancem argenteam qua  
 lem habuerit. 17  
 Didij Iuliani illiberalitas. 101  
 Diaeta pro cenatione. 110  
 Delphicae mensae pro abacis.  
 152

## E

Escariae mensae. 14  
 Elephantum in conuiuia indu-  
 cti. 40  
 Epulae vt diuidebatur. 79. 80.  
 Elagabali cenae. 96. 97

## F

Ferula quae conuiuio infere-  
 bantur tibicen praecede-  
 bat. 39  
 Ferula quoties mutarentur.  
 143. 157.  
 Fannia lex de parsimonia. 97  
 Factiones quattuor coloribus  
 distinctae. 117

## Ferales



Ferales cenae. 90  
 Folles pro puluini. 119  
 Festis diebus lautius epulari  
 solitum. 145  
 Figulis salinum apponere reli-  
 giosum. 141  
 Formula Romanorum in pro-  
 pinationibus. 169  
 Forum aleatorium. 190

## G

Gallienus aureis mantilibus  
 strauit mensas. 154  
 Graeci quem locum iudica-  
 bant honestissimum, cum  
 discumbebant. 24  
 Guttum quid. 74  
 Gemmae in poculis antiquo-  
 rum. 185

## H

Hadriani Imp. factum. 64  
 Heroes aqua marina ablue-  
 bantur apud Homerum. 70  
 Hexaclina & heptaclina stiba-  
 dia quæ. 7  
 Horae apud veteres quomodo  
 intelligantur. 86

## I

In sinu recumbere quid. 28  
 Infra & supra discumbere.  
 Ibidem.  
 In summo & in imo discum-  
 bere. Ibid.  
 In triclinijs quot. solerent di-

scumbere. 28  
 Iudaei nisi loti cibum non su-  
 mebant. 45. super hoc loci  
 Marci & Lucae. Ibid.  
 Ioannem supra pectus Domi-  
 ni recubuisse quomodo in-  
 telligatur. 48  
 Ientaculum quid. 80  
 Idem pro prandio. ibid. vnde  
 dictum. 81  
 In robore accumbere quid.  
 117

Iouis epulum. 124

## L

Lauationis hora. 65.  
 Lampridij locus, & de eo co-  
 nicitura. 82  
 Licinia lex. 98  
 Lectus Varroni vnde dictus. 4  
 Lectus Graecis λέκτρος. Ibid.  
 Lectos quis primus testudine,  
 & argento vestierit. 5. 115  
 Lectos ex argento solidos quis  
 habuerit. Ibid.  
 Lectorum fulcra ex qua mate-  
 ria. 5  
 Lecti sine fulcris. 6  
 Lecti pluteis muniti. Ibid.  
 Lecti qui vnum, aut duos tan-  
 tum cubantes caperant.  
 Ibidem.  
 Laquearia versatilia. 1. & 110  
 Lecti Punicani qui. 8  
 Lecti lapidei & lignei. 114  
 Lecti humiles minus honesti  
 erant. 8  
 Lectorum culcitæ quibus im-  
 pleban-

## N 4

plebantur. 9  
 Lances argenteae Romanorum. 17  
 Lauare ad singulos missus vsitatum. 144  
 Locus Consularis apud Romanos quis. 24  
 Luculli cena extemporalis. 30  
 Ludiones in conuiujs. 39  
 Leges Aemilia, Antia & Iulia de parsimonia. 98. & Orchia & Didia. 100  
 Lectisterniator. 102  
 Lectorum triclinarium longitudo. 111  
 Lecti aurei. 116  
 Laenis utebantur Romani in conuiujs. 121  
 Laeucae cenam inchoabant. 158  
 Lagena & ex quo fiebat. 186  
 Laguna antiquis dicta. 187  
 Lagynophoria festum. Ibid.  
 Lucernae tricliniariae. 190

## M

Magnorum virorum lecti quales. 8. ad eos gradibus ascendebatur. Ibidem.  
 Mensae citreae rotundae magni pretij. 7. 11. 143.  
 Mensa vnde dicta. 14. 142.  
 Mensae pro epulis. 14. 143.  
 Mensae bipedes & tripedes. 15  
 Mensae duae apud Romanos. 148  
 Mensae mantilibus sternebantur. 15. 183  
 Mensae pro discis appositae. 28. 142  
 Mensae secundae. 28  
 Mensarum luxus & sumptus ingens. 33. 34. 35  
 Mensa Tiberij Caesaris. 12  
 Mensae vacuas tolli nefas. 146  
 Mensae singulis singulae appositae in Herorum conuiujs. 141  
 Mensis coronae argenteae, aureae, & gemmis distinctae addebantur. 14  
 Mensae quadratae & rotundae. 141 & 148.  
 Mensae etiam vt fercula mutatae. 142  
 Mantilia vnde dicta. 15. & 154. antiquis matelia. Ibid.  
 Mappae tricliniariae. 16  
 Monopodia quae. 15. 150  
 Manupretia vasorum ingentia. 18  
 Murrhina vasa à Rom. quanti empti. 19  
 Metellus Pius toga picta cena uit amictus. 22  
 Medius locus inter conuiuas honoratior. 25  
 Mensae poculorum. 38  
 Ministri coronati fercula inferebant. 39  
 M. Agrippa quot balnea populo gratuita praebuerit. 73  
 Merenda quid & vnde dicta. 84  
 Mediastinus quis. 103. 192  
 Mu.

Mulier peccatrix vbi steterit  
in cena Domini. 113

Mulieres sedentes cum viris  
accubantibus in conuiuijs  
Romanorum. 124

Muscas exigere flabello in  
conuiuijs solitum. 139

Marmor antiqui conuiuij. 140

Mittere de mensa quid. 144

Mensa tripes pro mensa qua-  
tuor pedum. 150

Mensae apud Graecos linteis  
non operiebantur. 153

Mantilia singulis missibus mu-  
tata. 154

Manus per singula fercula  
abluebant antiqui. 156

Mensae secundae quae. 159

Mel initio cenae. 158. & 159

Mensa tertia. 160

Molas in Tiberi quis primus  
construxerit. 162

Miscere pro temperare 163

Modus vini seu bibendi men-  
sura apud Romanos & Grae-  
cos. 164. 166. 167.

Maioribus poculis potare quid  
169

Milliarium quid. 172

Modiperator & magister con-  
uiuij. 173

Ministri tricliniarii in veteri-  
bus marmoribus apud Ful-  
Vrsinum. 175. 176

Ministri linteis succincti ser-  
uiebant in antiquis conui-  
uijs. 178

Magdalia quae. 188

Musicalia instrumenta in con-

uiuijs. 39. 188

## N

Nardino vnguento caput & pe-  
des vnguebantur. 133

Nardus pisticus apud S. Ioan-  
nem vt intelligi potest. Ibi.

Natalitiae cenae. 90

Nepotini sumptus. 40

Numerus conuiuiarum apud  
veteres. 23. 108

Nuptialis cenae descriptio. 90

Orbes & quadrae pro mensis.  
14. oeci. 105

Ordo conuiuiarum discumben-  
tium. 23. 24

Oua mensae initio, & in secun-  
dis mensis. 29. 157.

Oua in Circo, & pompa Cere-  
ris. 29. 30.

Odores in conuiuijs. 39

Offa penita quid. 96

Obsonator seruus. 177

Onyx pro alabaistro. 137

## P

Patritij vbi lauarentur apud  
Romanos. 63

Patera 185.

Patina 180.

Patella. 181

Paterae vnde dictae. 168

Partes in conuiuijs quid. 144

Pallia in cenis. 120

Par impar ludere. 189. 190

Parochus quis. 173

Parascene pro cena pura. 97  
Paro-



- Paropsis vas escarium. 182.  
 pro vili obsonio usurpatum.  
 Ibidem.  
 Pocula aerea apud antiquos in  
 vsu. 179  
 Potandi modus apud veteres.  
 168  
 Propinare quid sit. Ibidem.  
 Praegustatores cur dicti elea-  
 tri. 175  
 Peluis vnde dicta. 156  
 Pedum ablutio etiam post ce-  
 nam. 157  
 Pistorum apud priscos Roma-  
 nos nulli. 161  
 Pistorum dulciarii. & lactarii  
 176. 177  
 Pisones prius dicebantur pisto-  
 res. 162  
 Pistrinum vnde dictum. Ibid.  
 Perpetuae mensae apud Virgi-  
 lium quae. 2. 141  
 Pueri nobiles Rom. sedentes  
 cenabant. 3. 128  
 Peristromata & peripetasma-  
 ta. 10  
 Puluini tricliniarii. 11. & 118  
 Puluini vnde dicti. 11  
 Persis quis locus honoratio-  
 rum discumbunt. 24  
 Piscium quorundam pretia in-  
 gentia. 33. 34.  
 Persicorum malorum pretia.  
 Ibidem.  
 Puellae & pueri ministri conui-  
 uiorum. 36. eorum ordo in  
 ministrando. 38  
 Potare sextantes & deunces  
 quid. 37. 164  
 Pocula conuiuiis apponeban-  
 tur. 38  
 Philonis Iudaei locus. 43  
 Puero um ministrantium ve-  
 stitus. Ibid.  
 Piscinam aquae calidae quis  
 primus Romae instituerit.  
 72  
 Praefestus vigilum Iudex ca-  
 psariorum. 78  
 Prandia apud veteres. 81. pran-  
 dium vnde dictum. 83. Prā-  
 dii hora. 84  
 Pluteus apud Suetonium an  
 pro abaco sit positus. 113.  
 Peniculus vnde dictus. 153  
 Parasiti vbi accumberent. 127  
 Pocula vini coronata. 136  
 Poculum boni daemonis. 146

Q

- Quae vasa exponerentur in  
 abacis Rom. 17  
 Quintij Flaminini facinus in-  
 ter epulas. 27  
 Quidam prouincialis quanti  
 redimerit adhiberi conui-  
 uio Imperatoris. 42

R

- Romani Prisci sedentes cena-  
 bant in atrijs. 2. 123. corū  
 quoque vxores. 3. & 124.  
 postea accubantes cenarunt.  
 4. & 125. pedes lauant an-  
 te conuiuium. 21. vestem  
 conui-

coniuualem sumebant. 119.  
 solcas deponabant. 22. &  
 121. manus lauabant ante  
 & post caenam. 22. 42. 155  
 non accubebant atrati. 21.  
 & 121. vnguentis barbam  
 & caput vngebant. 23. quē  
 locum honoratiorem existi-  
 mabant. 24. cenātes primō  
 proni discumbebant, postea  
 in cubitum repositi, deinde  
 supini. 27. & 126. pulre pro  
 pane prius vsi sunt 161. Ro-  
 mana plebs vbi lauaretur.  
 63

Rex vini. 38. 172  
 Recumbere apud Euangeli-  
 stas cur dictum. 47.  
 Rosi & floribus triclinia stru-  
 ta. 136  
 Repositoria quae essent. 147  
 Reliquiae conuiuij quibus di-  
 uiduntur. 192

## S

Scimpodia quae. 6. 105  
 Stibadium antiquum depictū  
 in codice Virgilij Vatica-  
 no & expressum à marmo-  
 re. 7.  
 Stibadiū quod, & sigma quid.  
 7. & 114  
 Scabellum, scamnum, & gra-  
 dus, vt differant. 8  
 Stragulum vnde dictum. 116  
 Stragulae vestes. 9  
 Senatorius census qualis. 13  
 Sacerdotum Romanorum ac-

cubantium ordo. 25  
 Strigiles balnearum. 74.  
 Spongiae loco strigilum. 75  
 Silatum quid. 80  
 Sportulae quid. 87  
 Sculna quid. 93  
 Spondae pro accubitis. 111  
 Salue & vale salutationes dis-  
 ferentes. 120  
 Sigma quid. 129. quot discum-  
 bentes caperet. 130, expres-  
 sum de marmore. 131  
 Sigma littera Graeca arcui si-  
 milis. 129  
 Salinum in conuiuijs, & eius  
 vsus. 140. 141  
 Superstitiones antiquorum in  
 conuiuijs. 147  
 Structor minister conuiuij. 174  
 eius officium. 175.  
 Smegma quid. 188  
 Strategus quis. 173.  
 Salute apud Appuleium quid.  
 188

## T

Triclinium pro cenaculo, & vnde  
 dictum. 2. & 102. pro le-  
 cto. 106  
 Tricliniaries lecti, & disubito-  
 rij a cubiculatibus differre.  
 4. ex qua materia ferent.  
 Ibidem.  
 Triclinia aerata Romam quā  
 primus inuenerit. 6. 115  
 Tricliniarium lectorum forma.  
 6. In eodem triclinio pares  
 erant & materia & figura  
 &

& altitudine. 7.  
 Triclinium Patavinum expref-  
 sum. 60.  
 Trichnia quo in loco cenatio-  
 num sternerentur. 37  
 Toral quid. 9. vnde dictū. 116  
 Tapetia maiori ex parte texti-  
 li opere apud antiquos &  
 putpurea erant. 10  
 Tori vnde dicti. 9. & 114  
 Toreumata quae & quanti vē-  
 dita. 20  
 Thericlea vasa. 20.  
 Tiberij Imp. prandium. 41.  
 Triclinium in qua parte do-  
 mus esset. 104.  
 Tintinnabulū balneariū apud  
 Ful. Vrfinum. 66. 181.  
 Terrestris cena apud Plautū  
 quae fit. 95  
 Tricliniū seu bicliniū Farnesia-  
 nae bibliothecae. 123  
 Theatra croco & balsamo spar-  
 sa. 137  
 Testus quid, & testaceus pa-  
 nis. 161  
 Thermopolium quid. 172  
 Tripatium quid. 180  
 Talorum lusus inter conuiuas.  
 189

V

Vestis cenatoria. 21. 119  
 Vitellij patina. 32  
 Vina in conuiuijs generosissi-  
 ma. 34. 35  
 Vini vetustas notabilis. 36


Vinum sacco frangere, quid.  
 Ibid. & 169.  
 Vfus lauandi & vngendi apud  
 veteres. 62. 63  
 Vnctio post lauationē & ante  
 66. 67  
 Vnctorium quid. 68.  
 Vnctores in antiquis inscri-  
 ptionibus. 69  
 Vesperna apud veteres quid.  
 83. 85  
 Venetus color & vitreus idē  
 117  
 Vmbrae in conuiuijs quae. 127  
 Vnguento & oleo pedes vnge-  
 bantur & quo. 132.  
 Vnguenta unicuique corporis  
 parte idonea. 132.  
 Vnguentaria vasa. 137  
 Ventum facere stabello in con-  
 uiuijs. 139  
 Vrnarium quid. 152  
 Vini vfus apud Romanos. 162  
 Vini mixtionēs ad musicae  
 consonantias. Ibid.  
 Variac vini mixtionēs. 163  
 Vinum refrigeratum. 170  
 Vasa mensae vinariae & esca-  
 riae. 179. & 180  
 Vasa vinaria primū lignea  
 postremō aurea & argen-  
 tea apud Romanos. 183  
 Vitrea pocula quando primū  
 in vfu. 184

Z

Zeta pro cenatione vade di-  
 cta. 111.


F I N I S.







## Errata sic corrigito.


Fol. 2.	Ver. 21.	ἰκονοτάχλιος	ἰκονοτάχλιος
5.	26.	Dein & auros	Dein & aureos
6.	11.	tot lectos	aeratos lectos
12.	9.	fescuncialis	fescuncialis
25.	6.	apud quem	quem apud
63.	6.	institutio	iustitio
66.	27.	λουσάμελος	λουσάμενος
80.	vlt.	vinum sibi	vinum sili
88.	15.	foedri	foederi
121.	27.	solonini	Salonini
147.	31.	imponi solitus	imponi solita
153.	13.	praeterfit	perterfit
169.	30.	Potet à lauda	Potet alauda
185.	16.	δομίνω	δομίνω.



















Roma 1547

